



სსსრ კავშირი



2

საქართველოს საეკლესიო ცენტრი

თბილისი—1978



ხოლო წმიდამან შუშანიკ ნაცვლად ჭინჭაუხტისა საქმისა დი-
დითა გულსმოდგინებითა ხელთა აღიხუნა დავითნი და მცირედთა
დღეთა შემდგომად ასერგასისნი იგი ფსალმუნნი დაისწავლნა, რომ-
ლითა იგი დღუდადამეჲ ზესკნელისა მის მეუფისა მიმართ სათნოსა
მას გალობასა შესწირვიდა ცრემლით.

დაიბეჭდა უწმიდესისა და უნეტარესის, სრულად საქართველოს
კათოლიკოს-პატრიარქ ილია II-ის ლიცენზიით



ᄀᄁᄂᄃ
ᄄᄅᄆᄇᄈ





ჭვარი ვაზისა — შემკული მოციქულთა სწორის წმიდა
ნინოს თმით. IV ს.

ძლიერებაო ჭვარო ვაზისაო,
დაგვიცემ და დაგვიფარე ჩვენ.



ანგელოს მაცხოვრის აღდგომიდან. ყინციის XI ს.



შენი სიცოცხდე ერს უხარია

აღსაყდრების დღე

სიტყვა წარმოქმნილი ქუთათელ-გაენათელ და ნიკორწმინდელ ეპისკოპოს შიშის მიერ უწმიდესისა და უნეტარესის, სრულიად საქართველოს კათოლიკოს-პატრიარქის ილია II-ის აღსაყდრების პირველ წლისთავზე 1978 წლის 24 დეკემბერს მცხეთის საპატრიარქო ტაძარ სვეტიცხოველში.

თქვენო უწმიდესობავ და უნეტარესობავ! მე სიხარულით ვასრულებ საქართველოს სამოციქულო ეკლესიის წმიდა სინოდის დავალებას და მოგმართავთ ამ მოკლე სიტყვით. პირველ ყოვლისა, უნდა დავლოცო ღვთის განგება, მისი ძაღლი და მოწყალე იმისათვის, რომ მენსიერება მოგვმადლა ადამიანებს, რათა ჩვენი ახლანდელი და მომავალი ყოველი წამი დაუჟაუშიროთ წარსულსა და მარადიულობის განუზომელ საოცრებას. ამ მენსიერების წყალობით, როგორც გუშინდელი დღე, ისე გვიდგას თვალწინ განვლილი წლის 25 დეკემბერი, თქვენი უწმიდესობისა და უნეტარესობის აღსაყდრების დღე სრულიად საქართველოს სამოციქულო ეკლესიის ღვთიკურთხეულ ტახტზე.

მზე ადგა მაშინ მოკაშკაშე მცხეთასა და მის შემოგარენს. მიიჩქაროდა მორწმუნე ხალხი საპატრიარქო ტაძრისაკენ, რომ ეხილა მომავალი მამათმთავარი, თვალი შეეველო იმ წმიდა გვირგვინისათვის, რომელიც ღვთის უხილავ მარჯვენას უნდა დაედგა თავზე თქვენი უწმიდესობისათვის.

ხალხს ჰქონდა საფუძველი თუ საბაბი აღტაცებისა, სულიერ მამად განგებამ მოგვივლინა ადამიანი, რომელსაც საქართველო კარგად იცნობდა ცხუმ-აფხაზეთის ეპარქიიდან: მრავალმხრივად განსწავლული, ქრისტიანობის დიდი მორწმუნე, სიკეთით სავსე, სულით წმიდა, საქმით მართალი, ნებისყოფით და სიმტკიცით მსგავსი დიდი მთები-სა... იცოდა ხალხმა, იცოდა კარგად და შეუცდომლად, რომ ხდებოდა აღსაყდრება დაბრძენებული და სპეტაკი ერისშვილისა. ამიტომ იყო აღტაცებული ყველა.

ყველამ ვიცით, რომ ადვილი არაა წინ წარუძღვე მორწმუნეთა სულიერ ცხოვრებას და მიწიერი ზეციერთან დააკავშირო, ხილულიდან უხილავისაკენ წარმართო მზერა ადამიანთა დაქვევებული მოდგმისა და შეაყვარო, რასაც ფიზიკურად ვერ აღიქვამს იგი და უხილავი მხოლოდ გონების თვალთ დაანახო.

თქვენს გვერდით მდგომნი მსახურნი საქართველოს სამოციქულო ეკლესიისა ხედავენ, თუ როგორ იწვის სანთელივით თქვენი სული და ენერგია იმისათვის, რომ სხვებსაც გააგებინოთ, რაც თქვენ იცით; სხვებიც მიხვდნენ იმ ჭეშმარიტებას, რომ ადამიანს გააჩნია მესამე თვალი — გონება, რომლითაც მან ეს ჭეშმარიტება უნდა დაინახოს. იწვის თქვენი სული და ენერგია ერის სამსახურის სამსხვერპლოზე მიტანილი და შედეგსაც აღწევს. ხალხმა დაინახა ის მაღლი, რომელიც თქვენთვის ყოვლისშემძლებელ ღმერს უბოძებია დიდი საქმის შესასრულებლად. მორწმუნეთა გულმა იგრძნო თქვენი სულის სიწმიდის ძალა და შეგიყვარათ, როგორც მამა და მოძღვარი თვისი.

ღვთიკურთხეული თქვენი სამწყსო ნათლად ხედავს, რომ თქვენი სიტყვა საქმისაგან განუყოფელია, რომ თქვენ, სიწმიდის მქადაგებელი, წმიდა ხართ თავად და, რომ ქვეყნად მშვიდობისა და სიყვარულის აზრის მთესველი, მშვიდი ხართ მუდამ და კაცთმოყვარე. არ შეეცდები, თუ ვიტყვი იმასაც, რომ თქვენ, მთელი რიგი წლების მანძილ-

ზე, მსოფლიოს დიდ საეკლესიო ფორუმებზე მრავალჯერ მონაწილეობით დაამტკიცეთ, რომ ქომაგი ხართ ხალხთა შორის მშვიდობისა და მეგობრობისა.

თქვენ, როგორც მამათმთავარი და ადამიანი, ღვთიურ საქმეებსაც უნაწილებთ თქვენს სიცოცხლეს და ადამიანურ საჭიროებასაც აყენებთ უცოდველ გზაზე.

თქვენ დედა-ეკლესიის, სიონის ტაძრის მგალობლებთან ერთად, აგალობებთ მლოცველებსაც და ამით ისინი უშუალო მონაწილენი ხდებიან იმ დიდი მადლისა, რომელსაც მწუხრის ლოცვა და საღმრთო წირვა ეწოდება.

თქვენი წმიდა მოღვაწეობის კიდევანი ისეთია, რომ იგი მხოლოდ წლებმა და მომავალმა უნდა გამოაჩინოს, მაგრამ რაც განვილილმა ერთმა წელმა დაანახა მორწმუნე ხალხს, იმანაც წარმოშვა ის დიდი სასოება, რომლითაც შემოგყურებთ ჩვენი ერი და მომავალი.

თქვენ ქადაგებთ ღვთის სიყვარულს, მშვიდობას, ერის ერთგულებას, მთავრობის ერთგულებას და სასოებას ყოველივე იმის აღსასრულებლად, რისთვისაც სიცოცხლე მოგვანიჭა მრავალმოწყალე და კაცთმოყვარე ღმერთმა. და ჩვენ გვაქვს ეს სასოება თქვენო უწმიდესობავ, ამ სასოებით მოგყვებით თქვენ მორწმუნე ხალხი, ეს სასოება გვაძლევს ძალას და აღტაცებას იმისათვის, რომ მიწიერი და ვუკავშიროთ ზეციერს, რომ გვკონდეს მრწამსი და მისწრაფება ამ მრწამსის გზით სიარულისა, და რომ აღვაპყროთ ხელნი ზეცისაკენ და ვთხოვოთ გამჩენს მთელი ქვეყნისას:

მამაო ჩვენო, რომელი ხარ ცათა შინა, შენ გვედრებით შენი ცხვრები საქართველოს წმიდა მიწიდან, გვიცოცხლე და გვიღვგრძელე შენი მოწყალებით მომადლებული მოძღვარი, მამაა ჩვენი, ილია!

დედაო ღვთისავ, ეს ქვეყანა შენი ზვედრია, შენ გადააფარე სათხოების კალთა საქართველოსა და ჩვენს — მამათმთავარს!

ღმერთო, კურთხეულყავი აღსაყდრების დღე ჩვენი ქრისტესმერი მამისა და „შეგვიწყალენ და გვაცხოვნენ ჩვენ, ვითარცა სახიერ ხარ და კაცთმოყვარე“.





მხატვარი ა. ხანძელაძე. 1978 წ.

„წამებისა გრგვინთა შეიმკუე შეუღლისა შენსაგან,
 და წარმაგალისა დედოფლობისა წილ მოიგე სუფევამა: წარუვალნი,
 და აწ კანდიერად მდგომარე ხარ წინაშე სიძისა შენისა
 მეოხ გუეყავ მაქებელთა შენთა, სანატრულო“.

„დღეს მოხარულ არს ერი ქართველთაჲ
 ქსენებისა შენისათს, დედოფალო წმიდაო შუშანიკ,
 და ლუაწლთა შენთა სიმრავლეთა მაქებელნი,
 ვითხოვთ ქრისტესაგან მეოხებითა შენითა სოფლისა მშუდობასა
 და სულთა ჩუენთა დიდსა წყალობასა“.

მ-რ-მ-ს

ხელოვნების ნაწარმოებს ადამიანით თავისი ბედი თან დაჰყვება. ყოველ მხატვრულ ქმნილებას თავისი წინა ისტორია აქვს, თავისი მიზეზი და თავისი საბაბი. მაგრამ ზოგჯერ ნაწარმოები თავის შემქმნელს ჩიტივით უსხლტება ხელიდან და ლაღად მიფრინავს მაღლა, მომავლისაკენ იღებს გეზს და სიშორეში იკარგება.

ასე გაუსხლტა იაკობ ხუცესს წიგნი შუშანიკზე. იაკობ ხუცესი დაჯდა წერად, როცა ყოველივე უკვე გასრულდა, როცა ვნებები დაცხრა, როცა ბრძოლის ველზე არჩდილები დაბორიალუბდნენ; იაკობ ხუცესი დაჯდა წერად, რათა მოკლედ და ზუსტად აღენუსხა „...ალსარული წმიდისა და სანატრელისა შუშანიკისა“. იაკობ ხუცესმა ამ ამბავში უკვე ჩაათხია თავისი კუთვნილი ცრემლი და ოფლი და ვნებადაცლილი შეუდგა თხრობას.


„იყო შერვესა წელსა სპარსთა შეფისაჲ კარად სამეფოდ წარემართა ვარსქენ პიტიახში, ძეა არშუშაჲსი“, — ეს არის ქრონიკის დასაწყისი.

თომას მანი წერდა — იოსების მითის ხლართები ისეთი სიზუსტით მინდოდა აღმენუსხა, რომ ამ ამბავს თავისი თავი თვით ეამბნაო.

იაკობ ხუცესის ამბავი, მისი ავტორის უნებურად, თავისი ენით ამეტყველდა, თავისი ცრემლებით ატირდა, თავისი ვნებით აბობოქრდა და თავისი რისხვით ამძვინვარდა.

ხუცესი ჭეშმარიტი ქრისტიანი იყო და იგი განიმსჭვალა უსასრულო თანაგრძნობით ამ ამბის ყველა მონაწილისადმი: არა მხოლოდ მარტვილის მიმართ, არამედ მისი მტრისა და მტანჯველის მიმართაც. იაკობმა იცის, როგორ დამარცხდა ვარსქენი ამ საშინელ ორთაბრძოლაში და როგორც ქრისტიანსა და კაცთმოყვარეს, ებრალება და ენანება ეს უგზო-უკვლოდ მოხეტიალე უმწეო სული; ეს გზასაცდენილი, ღვთისა და ერისათვის დაკარგული უძდეკი შვილი, რომელსაც უკან დაბრუნება არ უწერია. „ხოლო ამის უბადრუკისა და სამგზის საწყალობელისა ვარსქენისი.., ანუ ვინ არა სტიროდის მას“...

როდესაც დაჯდა წერად, იაკობ ხუცესს არ ჰქონდა მიზნად ვარსქენის შებრალება. მაგრამ იწერებოდა წიგნი...



დიდი მწერალი, მოაზროვნე წერდა ღმრთისა და მისი მოწამის სადიდებელს. ქანდაკებასავით იძერწებოდა ეს გოროზი, სიკეთითა და კლემამოსილებით სავსე სახე. იგაჟერ „...აღსდგა და დაუტევა ტაძარი თვისი და ღმრთის მოშიშებით ეკლესიად შევიდა... და ესრეთ ილოცვიდა: — უფალო ღმერთო“... მაგრამ ჩვენს თვალწინ ამ ნატიფ პორტრეტს თანდათან სახე ეშლება, ფითრდება, თვალე-ბი მგზნებარე ცეცხლით ენთება, ბაგე უთრთის, გამძვირებულ დაათხევს ღვინით სავსე სასმისს; შეუბრალებელიც ხდება, სასტიკიც, უხეშიც, საცოდავიც, მერე ისევ გოროზი და ამაყია, მერე ჩივის კიდეც და შორეული სინანულის ბზარიც კი ჩნდება მის ხმაში: „**არა ვინ იპოვა კაცთაგანი, რომელსა აქუნდა წყალობა და ტკივილი ჩემთვის... მიაგოს მას უფალმან, ვითარ მან უჟამოდ ნაყოფნი ჩემნი მოისთულნა და სანთელი ჩემი დაშრიტა და ყუავილი ჩემი დააჭნო...**“ და რაც უფრო მძაფრია განცდა, ეჭვი, სინანული და შინაგანი ბრძოლა, მით უფრო შორია ის სიმაღლე, რომლისკენაც მიილტვის არა მარტო მტერზე, არამედ საკუთარ თავზე ამაღლებული დედოფალი.

რა ძალამ შეაძლებინა, რა მაღლმა?

— რწმენამ.

ჭეშმარიტად, უცხო რამ ბედი ჰქონია ამ წიგნს, რომ გადაურჩა ჟამთა სიავეს, რომ არ დაღრღნა დრომ და ნაც-რად არ აქცია. რომ დღეს თხუთმეტი საუკუნის იქით ვიწ-ვლით ჩვენ ხელებს. ვშლით სასოებით მის ფურცლებს და როგორც სარკეში, ისე ვხედავთ შიგ საკუთარ ცხოვრებას. ვარსკენისა და შუშანიკის ორთაბრძოლაში ჩვენ ვხედავთ ჩვენს სულში გამართულ ხელჩართულ ომს, სადაც ხორ-ციელი მისწრაფებანი და სულიერი აღმაფრენა ხმალამოწ-ვდილნი ეკვეთებიან ერთიმეორეს.

მაგრამ ჩვენს სულში განა მხოლოდ დედოფალი იმარ-ჯეებს!..

დღეს მოხარულ არს ერი ქართველთაა ხსენებისა შენისათვის...

იქნებ ზვალ ვარსკენი დაუშვებს მახვილს?!!

— მეოხ გუეყავ, მაჭებელთა შენთა, სანატრელო!



იაკობ ხუცესი. მხატვარი ზ. სამხარაძე. 1978 წ.

ნიკოზ ხუცესის თხზულების ხელნაწერები

ჩვენი ისტორიის მწვანელობა მიზეზი იმისა, რომ დღეისათვის არ შემოგვრჩა იაკობ ცურტაველის „შუშანიის წამების“ არა თუ ავტორაფი, ავტორის ხანასთან შედარებით ახლოს მდგომი ხელნაწერებიც კი. უძველესი ნუსხა, რომელიც ამ ტექსტს შეიცავს, X საუკუნის პარხლის მრავალთავია (კ. კეკელიძის სახ. ხელნაწერთა ინსტიტუტის A-45 ხელნაწერი).

დიდი ფორმატისა და მოცულობის ეს ხელნაწერი გადაწერილია პარხალში, ერთი კაცის მიერ. გადაწერა თავის თავს გაბრუნდ პატარაას უწოდებს.

როგორც ხელნაწერზე ღარბული ანდერძი მოგვითხრობს, გაბრუნდ პატარაას თავდაპირველად სურეული ჰქონია, შეედგინა ისეთი კრებულა, რომელშიც მხოლოდ დედამა წამება-ცხოვრებანი შევიდოდა: „ესრე მედეა გულსა, ვითა დედათა წამება და ცხოვრება ოდენ დაწერო და მით გავასრულო“ — წერს იგი. დედათა წამება-ცხოვრებების მიუხედავად დამწერს დიდალი შრომა დაუხარჯა: „ვიხარკე დიდითა შრომითა და გულს-მოღიწებითა ვებუნე დედა (დედანი — ც. ქ.) და ესთენ ვბოვე, ვერღარა შემეძლო ძებნა“. რაკი ხელნაწერის შესაღწევად დედათა წამება-ცხოვრებანი საკმარისად არ აღმოჩენილა, ამიტომ გაბრუნდ პატარაას მამათა წამება-ცხოვრებებიც შეუდგინა, „რომელი პარხალს არა ეწერა“, იმხინდან ჩამოუტანია და ხელნაწერი „მით გაუსრულებია“.

აღსანიშნავია, რომ „წამება წმიდისა შუშანიისი დელოფლისა“ A-95 ხელნაწერში სრული სახით არაა დაცული. იმის გამო, რომ ამ ხელნაწერს დროთა განმავლობაში ფურცლები დაჰკარგვია, „შუშანიის წამების“ ტექსტს ოთქმის ერთი მესამედი აკლია.

X საუკუნიდან მოკიდებული, მთელი შეიდი საუკუნის მანძილზე „შუშანიის წამების“ ხელნაწერებს კვლავ ვეღარ ვხვდებით. მიზეზი, ცხადია, აქაც იგივეა — ქვეყნის მუდმივად განსაცდელში ყოფნამ მოსპო და გაანადგურა ისინი. თვითონ A-95 ხელნაწერის თავგადასავალი ძველი ქართული მწერლობის მრავალი ძეგლის ხვედრს ასახავს: პარხალში შექმნილი ეს უნიკალური მრავალთავი ბედს ურუმთა ქვეყანაში მოუხვედრებია, აქედან კი XVII საუკუნეში ქართლის დელოფალს მარამს გამოუხსნია. ამ ფაქტის შესახებ თვითონ მარამ დელოფალი ხელნაწერის ერთ-ერთი გვერდის არშიაზე ღარბულ მინაწერში შემდეგს გვაუწყებს: „ჩუენ, ხელმწიფემა პატრონმა, დადიანისა ასულმა, დელოფალთ-დელოფალმა მარამ, ესე წიგნი ურუმის ქვეყნიდამ გამოვიხსენ და გავახლე, დაშლილი და წამხდარი ჩუენდა სადღევრემლოდ და ცოდვათა ჩუენთა შესანდობლად. ეინც ამა წიგნს წაიკითხველეთ, შენდობით მომიხსენებლით, ამინ“.

XVIII და XIX საუკუნეებში თარიღდება ის რამდენიმე (ერთი ათეული) ხელნაწერი, რომლებმაც „შუშანიის წამების“ ტექსტი სრულად გადავიჩინეს, ესენია: კ. კეკელი-

ძის სახ. ხელნაწერთა ინსტიტუტის ხელნაწერები A-130 (გადაწერილი 1713 წ. გაბრუნდ საგინაშვილის მიერ დაით გარეჯის იოანე ნათლისმცემლის მონასტერში), A-170 (გადაწერილი 1733 წ. მთავარდაიკონ იოანეს მიერ), A-176 (გადაწერილი 1743 წ. კანძღვისისი იოანეს მიერ, იმავე დაით გარეჯის იოანე ნათლისმცემლის მონასტერში), H-2077 (გადაწერილი 1736 წ. სვეტიცხოვლის დეკანოზის ალექსის მიერ), H-1672 (გადაწერილი 1740 წელს თბილისში სიონის მთავარდაიკონ აპრონის მიერ), H-2121 (გადაწერილი 1748 წ. სიონის დეკანოზის შვილის ნიკოლოზის მიერ), H-1370 (გადაწერილი 1871-1884 წწ. მღვდელმონიზონ თეოდოსეს მიერ), იმავე დელოფალის იოანე ნათლისმცემლის მონასტერში, H-3637 (გადაწერილი 1838 წ. პეტერბურგში თეიმურაზ ბატონიშვილის მიერ), H-300 (გადაწერილი XIX ს. დამდეგს, დაით გარეჯის მონასტერში) და აზიის ხალხთა ინსტიტუტის ლენინგრადის განყოფილების ხელნაწერი H-21 (გადაწერილი 1842 წ. პეტერბურგში სვიმონ ტაბიძის მიერ).

ჩამოთვლილი ხელნაწერები ქართველ წმიდანთა წამება-ცხოვრებების კრებულებს წარმოადგენენ. მთი შედგენა შედეგია იმ ძებნებისა, რასაც ადგილი ჰქონდა აღორძინების ხანის ქართულ მწერლობაში. როგორც კ. კეკელიძე წერს: „ამ ეპოქის მწიგნობრებმა ქართულ მწერლობას მოაცილეს ის ფერფლი, რომლითაც დაფარა ის ღაცემის ხანის წვედობა, და ამნარად, ხელი შეუწყვეს კლასიკური ლიტერატურის მითლებილ ნაკვერცხალთა აღაპაპებას. ახლა გულმოდგინედ დაეძებენ წინა პერიოდში ნათარგმნ, თუ დაწერილ თხზულებებს და დაუღალავად იღებენ მათგან პირებს. ამით აისხნება, რომ აღნიშნული საუკუნეებიდან ჩვენამდე შენახულა ნუსხები ისეთი თხზულებებისა და ტექსტებისა, რომელნიც თუ არა ამ გზით, ჩვენთვის საუღამოდ დაკარგული იქნებოდა“.

თვით ხელნაწერების ანდერძ-მინაწერებიდანაც ჩანს, თუ რა დიდი შრომა შეუღევით გადაწერებს ამ ხელნაწერთა დედნების ძიებისათვის. ასე, მაგალითად, A-130 ხელნაწერის ერთ-ერთი მინაწერი გვაუწყებს, რომ დომენტი კათოლიკოსს შეუკრებია „წიგნი ესე ერთად გაბნეული, რომელი ფაშთ დავიწყებისაგან მიფარულ იყო, ცხოვრებანი და ღუაწ-

ლნი მათნი“, A-170 ხელნაწერის მინაწერში გადაწერი ლოცავს წინამძღვარ იოზს, რომელმაც „შეკრიბა დედა წიგნისა ამის“. H-1672 ხელნაწერის გადაწერი წუხს იმის გამო, რომ შესაძლოა, მის მიერ „ძალით“ შეკრებილ და გადაწერილ ტექსტებში მკითხველმა შეცდომები იპოვოს: „უწყის ღმერთმა, ფრიადი მაქუნდა სურვილი ამათ წმიდათა წამებათა, შესხმათა და გალობათა შეკრებისათვის, და ძლით შევკრიბე, და თუ რამე წერით ცთომილება ჩემი იხილოთ, ნუ მწვევთ, თქუენ გამართეთ“ და სხვ.

ასე რომ, თუ არა ეს ხელნაწერები, ძველი ქართული მწერლობის ბევრ სხვა ძეგლთან ერთად „შუშანიის წამების“ სრული ტექსტაც ჩვენთვის, ალბათ, სამუდამოდ დაკარგული იქნებოდა.

„შუშანიის წამების“ ვრცელი ვერსიის გარდა ძველთაგანვე არსებობს ამ თხზულების მოკლე ვერსიაც. იგი ჩვენამდე ერთადერთი ხელნაწერთაა მოღწეული, ესაა XI საუკუნის Ath-57 ხელნაწერი. ვრცელი ტექსტის შემოკლება გარკვეული ლიტურგიული საჭიროებით იყო გამოწვეული, ისევე როგორც, უფრო მოგვიანებით, სახელდობრ, XVIII საუკუნეში, ე. წ. სვინაქსარული რედაქციის შემცველ „შუშანიის წამების“ სვინაქსარული რედაქცია დაცულია XVIII საუკუნის ორ ნუსხაში A-425-სა და A-220 ხელნაწერებში.

„შუშანიის წამების“ ტექსტი თავისებურად გადაამუშავეს ვერ ანტონ კათოლიკოსმა, ხოლო შემდეგ — იოანე ბატონიშვილმა. ანტონმა „შუშანიის წამების“ გადაამუშავებული რედაქცია სათაურით — „შესხმა და მოთხრობა ღუაწლთა წმიდისა დიდისა მოწამისა რანთა დელოფლისა ხუხანდასა, ზედწოდებით შუშანიისა“ — ასევე გადაამუშავებული, სხვა ქართველ წმინდანთა წამება-ცხოვრებებთან ერთად, შეიტანა თავისსავე მიერ შედგენილ ჰაგიოგრაფიულ კრებულში — „მარტირიკაში“ (კ. კეკელიძის სახ. ხელნაწერთა ინსტიტუტის ხელნაწერები: S-1272, — 78, Q-2988...), იოანე ბატონიშვილმა ანტონის ნახედავის გამარტივება სცადა და ეს გამარტივებული ტექსტი თავის ენციკლოპედიურ ნაშრომში — „კალმასობაში“ მიათავსა (ხელნაწერი H-2170).

გ. ქურციკი



წმინდის ჭინუხი ჭინუხით

თორნიკე პრისთავილაძე

ათონის მაღალ მთაზედა,
მთაწმიდად სახელდებულსა,
სადაცა უდაბნოებსა
და ტაძრებს წმიდად გებულსა
რიცხვი არა აქვსთ, იქ ლავრა,
დაუღებელი ფასისა,
ყველაზე პირველი არის
დიდისა ათანასისა.
გინდ დარი იყოს საამო,
გინდა ავდარი საზარი,
სამოთხის სადგურს გვაგონებს
მაღლობზე მდგომი ტაძარი.
ხან ღრუბლით შემობურვილი,
გარშემო ირტყამს ელვასა
და გადაჰყურებს შორის ზღვის
ტალღების გროვა-ღელვასა;
ხან ისარკით სხივები

დიდის მზეს ეტყორცნებიან,
თითქოს იმ საღმრთო ნათელსა
ნათლითა ეხორცებიან.
ხან ღამით მთვარე გავსილი,
თითქოს მიმსვლელი იქ ბინად,
თავზედ ედგმება წმიდასა
წმიდა დიდებულ გვირგვინად.
და ვარსკვლავებიც იმავე დროს
დაჰფეთქენ, დასჭიკჭიკობენ
და ამ გალობით ძალთა ძალს
აღმაღლებულად ამკობენ.
წინ უძევს ბაღი ხეხილის,
ხელოვნად შენაკაზმისა,
და იქვე წყარო ჩუხჩუხებს
წმიდისა აიაზმისა.
მთა მწვანე ზეთისხილისა
და ყვავილები ველისა,

საკურთხად აღმომფშენელნი
ბუნებით საკმეველისა,
ჰაერსა შეაზავებენ
სამკურნალოდ და მარგადა
და სასულდგმულოდ ცხოველთა
მიანიჭებენ ხარკადა!..
მეუღდაბნოედ მიდიან
საქრისტიანოს ყოველ მხრით
და იქ იჩენენ საგანეს
სასოებით და ცრემლის ღვრით.
წიაღგახსნილი უდაბნო
უჩენს, ვინც მივა, ბინასა
და მორწმუნეთა იზიდავს,
ვით ანდამატი რკინასა.

პაპაი წარმითელი

ილია II

სრულიად საკათოლიკოსო
კათოლიკოს-პატრიარქი

ათონის ივერთა მონასტერი და მისი მნიშვნელობა*

აღმოსავლეთის სამონასტრო ცხოვრების უდიდესი ცენტრი — ათონი ყველა მართლმადიდებელი ქრისტიანის ძვირფასი სალოცავია. განსაკუთრებით ძვირფასი იგი მაინც მათთვისაა, ვისაც თავისი ცხოვრების მიზნად ღვთისმსახურების სრულყოფილი იდეალი დაუსახავს. ჭეშმარიტად, ათონის წმიდა მთა ამ იდეალის განსახიერებაა.

კარგად რომ წარმოვიდგინოთ, საერთოდ, ყველა მართლმადიდებელი ქრისტიანისა და, კერძოდ კი, ქართული ეკლესიისათვის ათონის მნიშვნელობა, საჭიროა, გავერკვეთ მისი არსებობის მთავარ მიზანში, იდეაში.

ვფიქრობთ, წმიდა ათონის მთის მნიშვნელობა ბოლომდე გასაგები მხოლოდ მაშინ იქნება, როცა ადამიანი ღრმად ჩაწვდება მის მკვიდრთა სულიერ ცხოვრებას, როცა იგი თავისი გულით დაუკავშირდება იმ ყოფას, იმ სამყაროს, რომლითაც ცხოვრობდნენ ეს წმიდა მამანი.

„წმიდა მამანო, ათონის ღვთაებრივი და წმიდა მთის მკვიდრნი! იცოდეთ, ქვეყნად არსებობს კონსტანტინეპოლის მსგავსი ქალაქთა მეუფე ქალაქი და კიდევ მეტი — ყველა მათზე მაღალი, უსამეფოესი და უღვთაებრივესი თქვენი მთა, რომელიც ყველა ამქვეყნიურ მთაზე მაღალია. თქვენ კი ხართ ნათლით მოსილნი და მარბილნი ამა სოფლისანი. ასე ვფიქრობთ და ასე გვწამს ჩვენ“, — წერდა იმპერატორი ალექსი კომნენი.

ასეთ დიდ შეფასებას აძლევდნენ ათონს ძველთაგანვე.

ათონის სამონასტრო ცხოვრება საუკუნეთა მანძილზე წარმოადგენდა დიდ რელიგიურ განმანათლებლურ ინსტიტუტს, ქრისტიანული მოძრაობის სულიერი ზრდისა და განვითარების მძლავრ კერას, რომელსაც, შეიძლება ითქვას, არა მხოლოდ საერთო ქრისტიანული, არამედ, მსოფლიო მნიშვნელობა ჰქონდა.

ჭეშმარიტად, ათონი იყო და რჩება ქრისტიანული მრწამსის უმაღლეს საზომად ყველა დროისა და ვითარებისა.


ასეთი დიდი მნიშვნელობა აქვს ათონის მთის ივერიის მონასტერს საქართველოსათვის.

მისი სიმაღლიდან ნათელივით გადმოსწვდა ჩვენს ქვეყანას მართლმადიდებლური იდეები: იგი იყო ქრისტიანული მოძღვრების სიწმიდის მფარველი და ნათლის სვეტივით მიუკვლევდა გზას ყველას ცათა სასუფევლისაკენ.

მისი მკვიდრნი, როგორც მარბილნი ამა ქვეყნისანი, თავიანთი სიწმიდით, ქრისტიანული ცხოვრებითა და მორალით მუდამ მაგალითის მიმცემნი იყვნენ ყველასათვის.

ივერიის მონასტერში მოღვაწე წმიდა ბერები ჩვენ იმითაც გვიზიდავენ და გვზიბლავენ, რომ რელიგიური სამსახურის პარალელურად ისინი ერთი წამითაც არ

* სტატია ნაწილია ავტორის დიდი ნაშრომისა: „ათონის ივერთა მონასტერი“. იბეჭდება პირველად.



პალიმფესტი, ოთხთავი, V—VI ს.ს. (პალიმფესტი ისეთი ეტრატია, რომელზედაც რაღაც წაუწერიათ, მერმე ეს წაუშლიათ, სხვა წაუწერიათ. ასეთ ეტრატს სინათლეში რომ გახედავ, ძველსაც შეამჩნევ და ახალსაც).

ივიწყებდნენ თავიანთ მრავალტანჯულ სამშობლოს — საქართველოს, მის ერს, მის ეკლესიას. ქართველი ერის სიხარულით ცხოვრობდნენ, მისი ტანჯვით ოტანჯებოდნენ. დიდი რელიგიური მრწამსით და თავიანთი საქმიანობით უმაღლეს სიწმიდემდე მიღწეულნი, კარგად ხედავდნენ ქართველი ხალხისა და ეკლესიის ტკივილებს. და ყოველივე ეს მწუხარებითა და საქვეყნო საქმეებზე ზრუნვით აღავსებდა მათ სულს. სწორედ ამიტომ, საფრთხის ყამს, ზოგჯერ დროებით ტოვებდნენ წმიდა მთას და საქართველოში ჩამოდიოდნენ, რათა ზოგიერთი გზასაცდენილი თანამემამულისათვის ქრისტეს მცნება ხელახლა ექადაგნათ და ისინი ჭეშმარიტების გზაზე მოებრუნებიათ.

იოანე და ექვთიმე მთაწმიდელების ცხოვრებაში ნათქვამია, რომ ხანდაზმულობის მიუხედავად, ექვთიმე ათონელი არ შეუშინდა შორეულ, ძნელ მგზავრობას ათონიდან საქართველოში და ოთხი წლის მანძილზე უქადაგებდა და ასწავლიდა ხალხს ქრისტეს მცნებას, უჩვენებდა სწორ გზას, მათს ჭკევეზსა და ჩვეულებებში შესწორებები შეჰქონდაო.

ამ თვალსაზრისით, კიდევ უფრო მეტი გიორგი მთაწმიდელმა გააკეთა. იგი ბაგრატ IV-მ საგანგებოდ გამოიხმო ათონის მთიდან, რათა ხალხს საკუთარი თვალით დაენახა და გულით შეეგრძნო ის დიდი სიწმიდე, რომ-

ლითაც ნათელმოსილი იყო ეს ღირსი მამა... გიორგი მთაწმიდელი გულმხურვალედ გამოეხმურა საქართველოს მეფის თხოვნას, ჩამოვიდა საქართველოში და ენერგიულად მოჰკიდა ხელი საეკლესიო საქმიანობის გამოღვივებას და მის აღორძინებას. სწორედ მან მოუშვა და ნიადაგი იმ დიდ საეკლესიო რეფორმას, რომელიც 1103 წელს რუის-ურბნისში ჩატარდა. მისი სახელი ბევრი ქართველი ქრისტიანისათვის იქცა სამაგალითო გზად ცხოვრებისა.

თავიანთი პირადი მოწამებრივი ცხოვრებით, ღვთისა და მშობელი ჭვეყნისადმი თავდადებული საქმიანობით ივერიის წმიდა მამებმა მართლაც შესძლეს არა თუ მხოლოდ ეკლესიის მსახურთა, არამედ, მთელი სამწყსოს გამოღვივება. მათი განსაკუთრებული გულისხმიერების საგანი იყო არა შთამომავლობა და სიმდიდრე, არამედ — აღამიანის პირადი ღირსებები. ამას დიდი მნიშვნელობა ჰქონდა, მაგრამ მთავარი და მნიშვნელოვანი მთელს მათს მოღვაწეობაში, როგორც ზემოთაც აღვნიშნეთ, ის არის, რომ ივერიელი მამები, ცხოვრობდნენ რა საკუთარი მასშობლოდან შორს, ერთი წუთითაც არ წყვეტდნენ მასზე ფიქრს, მუდამ საქართველოს ეკლესიისათვის ლოცულობდნენ და გულმხურვალედ მფარველობდნენ მის ავტოკეფალიას.

ცნობილია: XII საუკუნეში ჯვაროსანთა მიერ ანტიოქიისა და იერუსალიმის თურქთაგან გამოხსნას აღმოსავლეთის მართლმადიდებლობისათვის საკმაოდ არასასურველი შედეგი მოჰყვა, რაც იმაში გამოიხატა, რომ ამ ქალაქების მართლმადიდებელი პატრიარქები გადააყენეს, ხოლო მათი ადგილი დაიკავეს ლათინებმა. ლათინები დაემკვიდრდნენ ანტიოქიაშიც და პატრიარქის ტახტზე ავიდა თეოდოსი, რომელმაც გადაწყვიტა თავისი უფლებები მთელ აღმოსავლეთში განემტკიცებინა და საქართველოს ეკლესიაც თავისთვის დაექვემდებარებინა, — თითქოსდა, იმ საბაბით, რომ მეხუთე საუკუნემდე იგი ანტიოქიას მორჩილებდა.

თეოდოსიმ გამოიძახა ღირსი მამა გიორგი მთაწმიდელი და ასეთი სიტყვებით მიმართა მას:

— **ნეტარო მამაო, შენ ქართველი ხარ, მაგრამ ცოდნითა და განსწავლულობით ჩვენ გვიტოვებები. ამიტომაც მოგმართავთ: — თქვენი ეკლესია და სამწყსო თქვენი აუცილებელია, რომ გემორჩილებდეს ჩვენ, რამეთუ ხგი სამოციქულო არაა და იმთავითვე ჩვენზე დამოკიდებული იყო.**

გარდა ამ განცხადებისა, პატრიარქმა მუქარით ამცნო გიორგი მთაწმიდელს, რომ, თუ საქართველოს ეკლესია მის განჩინებას არ დაემორჩილებოდა, აღმოსავლეთის სხვა პატრიარქთა მხარდაჭერით, მას ანათემას გადასცემდა.

გიორგი მთაწმიდელმა მოითხოვა წიგნი, რომელშიაც მოთხოვნილი იყო მოციქულ ანდრია პირველწოდებულის ცხოვრება და მოღვაწეობა, იქ ნათლად ეწერა, რომ ანდრია პირველწოდებულმა ქრისტეს მცნება იქადაგა საქართველოში... ამის შემდგომ მან ასეთი რამ უპასუხა პატრიარქს:

„წმიდა მუფუეო! შენ აღნიშნავ და თავი მოგწონს იმით, რომ ზიხარ მაღალყოვლადღირსი მოციქულის

პეტრეს ტახტზედ. იცოდე კი, რომ ჩვენ განგვანათლა ანდრია პირველწოდებულმა, პეტრეს ძმამ, თვით პეტრეს განმანათლებელმა, მისთვის ჭეშმარიტი სინათლის მეკვლემ. ჩვენი განმანათლებელი მათ შორის უპირველესია, ხოლო ერთი თორმეტ მოციქულთაგანი, სიმონ კანანელი, დაკრძალულია ჩვენს ქვეყანაში, აფხაზეთში, — ძველი ნიკოფსიის მილამოებში. მხმობელი ვალდებულია დემორჩილოს ხმობილს ისე, როგორც წმ. პეტრე მოციქული, მოხმობილი თავისი ძმისაგან, უნდა დემორჩილოს მას, როგორც მის მეკვლეს ჭეშმარიტების გზაზე. ამიტომ თქვენი ტახტი წესით ჩვენსას უნდა ჰმორჩილებდეს“. ასეთი იყო გიორგი მთაწმიდელის პასუხი, მაგრამ მხოლოდ ამით არ დაკმაყოფილებულა იგი. მან სათანადო არგუმენტებით დაუდასტურა ანტიოქიის პატრიარქს შემდეგი: იუო დრო, როცა ბიზანტიაში ისე შერყეული იყო მართლმადიდებლობა, რომ ადგილის პოვნაც ჭირად მოციქულთა სწავლების საქადაგებლად, მაშინ, როცა საქართველო მუდამ მტკიცედ ინახავდა მოციქულთა გადმოცემებსო... და სხვ.

ამ განცხადების შემდეგ ანტიოქიის პატრიარქი იძულებული შეიქნა დამორჩილებოდა გიორგი მთაწმიდელის სიტყვებს. მან თქვა:

— ხედავთ ამ მონოზონს. იგი ყველაფერზე სწორი და ამომწურავ პასუხს გვაძლევს. ნულარ შევედავებით მას, თორემ როგორც სიტყვით, ისე საქმიანად დაგვიმტკიცებს თავის სიმართლეს და ჩვენ დამარცხებულნი აღმოვჩნდებითო.

გიორგი მთაწმიდელში ფეთქავდა ნამდვილი ქართველი მამულიწვილის გული. არც მას და არც ივერთა მონასტრის მკვიდრ სხვა ბერებს არ შეეძლოთ გულ-

გრილნი დარჩენილიყვნენ საქართველოსა და ქართული ეკლესიის ბედ-იბლის მიმართ.

ეთხოვებოდნენ რა თავიანთ სამშობლოს, მას უტოვებდნენ თავიანთ გულებს და საჭირო შემთხვევაში მუდამ მზად იყვნენ მისი უფლებებისა და ინტერესების დასაცავად.

მაგრამ არა მარტო ამისთვისაა ქართველთათვის ძვირფასი ივერთა მონასტერი. იგი საუკუნეთა მანძილზე იყო ქართული საეკლესიო მწიგნობრული კულტურის დიდი ქერა. აქ მიმდინარეობდა დიდი შემოქმედებითი — ორიგინალური თუ მთარგმნელობითი მუშაობა. სწორედ ათონში შემუშავდა ბრწყინვალე სალიტერატურო ენა, რომელიც იმთავითვე მიიღო და შეითვისა ქართულმა მწერლობამ. ათონის მთის ივერთა მონასტერი იყო ის მთავარი საყრდენი, საიდანაც ჩვენი ქვეყანა ეზიარებოდა ბერძნულ კულტურას. ცხადია, ეს კავშირი არ ყოფილა ცალმხრივი და მაშინდელი ქართული კულტურის მიღწევებიც სწორედ ათონის მთიდან გადიოდა ბიზანტიასა და მსოფლიოს სხვა ქვეყნებში.

დიდმა მთაწმიდელებმა თავიანთი მისია შეასრულეს. ივერთა მონასტერი, სადაც მოღვაწეობდნენ დიდი ფილოსოფოსები, მწერლები, მთარგმნელები, მეცნიერები, საქართველოსათვის ბიზანტიისა და ახლო აღმოსავლეთის ქვეყნებთან კულტურული ურთიერთობის დიდ ცენტრად იქცა.

ამასთან ერთად, იგი მუდამ იყო ჩვენი უძველესი საქრისტიანო ქვეყნის რელიგიური ცხოვრების შთაგონებული სალოცავი.

საუკუნეთა მანძილზე, თუმცა არათანაბრად, მაგრამ მაინც მუდამ ჩქედდა აქ ქართველთა დიდი საეკლესიო, სამწერლობო ცხოვრება და მხოლოდ ბოლო საუკუნეში შეწყდა. ჩვენი ნატვრაა, კვლავ აღვადგინოთ იგი.

ათონის მთის გუბერნატორი თბილისში

ნატვრა, რომ კვლავ აღდგეს ჩაწყვეტილი ფესვები ათონის მთის მონასტერთან, თანდათან რეალურ სახეს იღებს. ამის ერთ-ერთი საიმედო დასაწყისია ათონის მთის გუბერნატორის, სალონიის უნივერსიტეტის პროფესორის, ბატონ დიმიტრიოს ცამისის სტუმრობა თბილისში.

ბატონი დიმიტრიოს ცამისი საქართველოში ჩამობრძანდა უწმიდესისა და უნეტარესის, სრულიად საქართველოს კათოლიკოს-პატრიარქის, ილია II-ის მოწვევით.

ბატონი დიმიტრიოს ცამისი გაეცნო საქართველოს ისტორიას, ქართველ მეცნიერებს, პქონდა შეხვედრა თბილისის სახელმწიფო უნივერსიტეტის პროფესორ-მასწავლებლებთან, საბჭოთა კავშირ-საბერძნეთის საქართველოს განყოფილების საზოგადოებასთან, სსრ კავშირის მინისტრთა საბჭოსთან არსებული რელიგიის საქმეთა საბჭოს რწმუნებულთან საქართველოში — თენგიზ იონოფრიშვილთან.

ქართული ეკლესიის, ქართველი მორწმუნე ერის და პირადად თავისი სახელით სიონის საპატრიარქო ტაძარში მას მიესალმა უწმიდესი და უნეტარესი ილია II. დაბოლოს, მოეწყო ქართველი საზოგადოების შეხვედრა დიმიტრიოს ცამისთან.



ბატონებო და ქალბატონებო...

გვაქვს პატივი — ჩვენი მოწვევით, საქართველოს ეკლესიას ესტუმრა საბერძნეთის ერთ-ერთი დიდი საზოგადო მოღვაწე, სალონიკის უნივერსიტეტის პროფესორი, თეოლოგი და ათონის მთის გუბერნატორი, ბატონი დიმიტრიოს ცამისი. ეს ჩვენთვის დიდად სასიხარულოა, როგორც ჩანს, აღდგენას იწყებს ის დიდი ტრადიციული ურთიერთობანი, რომელიც საუკუნეების განმავლობაში არსებობდა საქართველოსა და საბერძნეთს შორის.

ბატონო დიმიტრიოს ცამის, მოგესალმებით საქართველოს ეკლესიის სახელით... იმ ეკლესიისა, რომელმაც მსოფლიოს მრავალი საზოგადო და საეკლესიო მოღვაწე აჩუქა, რომელმაც აღზარდა საბერძნეთში კარგად ცნობილი იოანე, ექვთიმე, გაბრიელ, გიორგი მთაწმიდელები — დიდი მთაწმიდელები... მოგესალმებით იმ ეკლესიის სახელით, სადაც განგებთა ღვთისათა, ჩამოიტანეს და დაკრძალეს კვართი უფლისა ჩვენისა იესო ქრისტისი, სადაც ქადაგებდნენ და მოღვაწეობდნენ იესო ქრისტეს მოციქულები — ანდრია პირველწოდებული და სვიმონ კანანელი. როგორც ვხედავთ,

ჩვენს ურთიერთდამოკიდებულებას, ძალიან დიდი და ნაყოფიერი ტრადიცია აქვს, მაგრამ იმ რთულმა ისტორიულმა პირობებმა, რაც საუკუნეთა მანძილზე გამოიარეს ჩვენმა ქვეყნებმა — ბერძენი და ქართველი ერების უამრავმა ავბედობამ, გარკვეულ პერიოდში შეანელა და შეწყვიტა ეს ურთიერთშორისი კავშირი... ამჟერად კი, ჩვენთვის დიდად სასიხარულოდ, ხდება მისი თანდათანობითი აღდგენა. ეს აუცილებელია როგორც ეკლესიური, ისე საზოგადოებრივი თვალსაზრისით; ეს საქართველო, როგორც ქართველი, ისე ბერძენი ერისათვის. ჩვენ ბევრი რამ გვაქვს საერთო... ვფიქრობთ, უფრო უნდა განვიფარდეს ყოველივე ეს.

სულ რამდენიმე დღეა, თქვენ ბრძანდებით საქართველოში. ეს არის თქვენი პირველი ვიზიტი ჩვენს ქვეყანაში და დარწმუნებულნი ვართ, ამას უსათუოდ კარგი და სასურველი შედეგი მოჰყვება.

როგორც ერთ-ერთი თქვენი გამოსვლის დროს ბრძანეთ, უნდა აღდგეს ხიდი და ამ ხიდზე უნდა იყოს მიმოსვლა. ჩვენც ამ აზრისანი ვართ. გვჯერა, რომ ეს არის მხოლოდ დასაწყისი. გვჯერა, რომ თქვენ მომავალში კიდევ არაერთხელ გიხილავთ აქ. ვი-

ხილავთ სხვა საზოგადო მოღვაწეებსაც საბერძნეთისას. ჩვენთვის მეტად სასიამოვნოა, რომ თქვენ ბრძანდებით ათონის მთის გუბერნატორი, იმ მთისა, სადაც საუკუნეთა მანძილზე არსებობდა საქართველოს დიდი საეკლესიო და სამეცნიერო კერა — ივერიის ათონის მონასტერი. იქ მოღვაწეობდნენ, შრომობდნენ, ლოცულობდნენ, შეპლადებდნენ ღმერთს ჩვენი დიდი წინაპრები: იოანე, ექვთიმე, გაბრიელ, არსენი, გიორგი და მრავალი სხვანი. ჩვენ გვიწინადა და გვწყურია — კავშირი, რომელიც არსებობდა საქართველოსა და ათონის მთის შორის, ისე აღდგეს, ისევე გაცხოველდეს. ათონის მთის ივერიის მონასტერში ინახება დიდი საგანძური ქართველი ერისა — მრავალი ხელნაწერი. ეს ყოველივე კი მეტყველებს იმ დიდ ურთიერთობაზე, რომელიც არსებობდა ბიზანტიის იმპერიასა და საქართველოს შორის. აი, ამ კავშირს მოწყურებულნი მოგესალმებით თქვენ. მოგესალმებით სიყვარულით და შევთხოვთ უფალს, მოგანიჭოთ დღევანდელი, ოჯახსა თქვენსა კეთილდღეობა, წარმატებანი თქვენს სამეცნიერო და საზოგადოებრივ ცხოვრებაში...

ი ც ო ც ხ ლ ე თ !

ბატონ დიმიტრიოს ცამისის სიტყვა

დიდად მოხარული ვარ, რომ საშუალება მეძლევა ამ უწმიდეს და უძველეს ტაძარში გამოვხატო უდიდესი მადლობა პირადიდ თქვენს მიმართ, თქვენო უწმიდესობაე და

უნეტარესობაე, ჩემი საქართველოში მოწვევისათვის,—ეს ჩემთვის დიდი პატივია. მადლობელი ვარ იმისთვისაც, რომ ამ სიტყვის თქმის საშუალება მომეცა ხმამაღლა, ქარ-

თველ ქრისტიანთა წინაშე. ჩვენს ორ უძველეს სახელმწიფოს შორის ურთიერთობასა და მეგობრობას ხომ უშორეს საუკუნეებში უღვას ფესვები... ბევრი ტანჯვა და წვალება გამოიარეს ჩვენმა ქვეყნებმა, მაგრამ, ყველაფრის მიუხედავად, მაინც მტკიცედ დაცივეს და დღემდე მოიტანეს ჭეშმარიტი მართლმადიდებლური სარწმუნოება. ცხადია, დიდი და მძიმე იყო ეს გზა. ისევ ისტორიის ბედუქულობათობის გამო, ხშირად ჩვენი ურთიერთობები ჩაწყვეტილიც იყო, ამჟერად კი ხდება მათი აღდგენა. ამის ერთი საწინდარი ეს შეხვედრაცაა. ვიმედოვნებ, მომავალში უფრო ახლობლური და ნაყოფიერი იქნება ჩვენი თანამშრომლობა.

ჩვენ ბევრი რამ გვაკავშირებს ერთმანეთთან. ბევრი რამ ვიცით დღევანდელი საქართველოს შესახებაც. ბოლო წლებში ჩვენთან ჩამოვიდნენ ბერძნები, რომელთაც სიყვარულთან ერთად ჩამოიტანეს საინტერესო ცნობები დღევანდელი საქართველოს ცხოვრებისა და მისი ისტორიის შესახებ.

და მე მინდა დღეს, ამ წმიდა ტაძარში, ჩემი მცირე ლოცვით, გამოვხატო გულითადი პატივისცემა და სიყვარული ქართველი ერისადმი, პირადიდ თქვენდამი, ვილოცო პირადიდ თქვენთვის.



დიმიტრიოს ცამისი

ძალიან ბევრმა და სამახსოვრო წუთმა მოიყარა თავი. ყველაფერი ეს რაღაც ფანტასტიურ, საოცარ შთაბეჭდილებას ახდენს ჩემს სულზე. წელთავერთი სრბოლა ვერ გაანელებს ამ შთაბეჭდილებებს; ბირჟით, უფრო გააღრმავებს, უფრო ძვირფასს გახდის ჩემთვის. მე არ ვარ ერთადერთი ადამიანი, რომელსაც ასეთი დამოკიდებულება გაუჩნდა საქართველოსთან; ყველა ბერძენი, ვინც კი აქ ყოფილა, ვისაც საშუალება ჰქონია გასცნობოდა თქვენს ხალხსა და ქვეყანას, მუდამ დიდი სიყვარულით არის აღსავსე საქართველოსადმი.

ჩვენი ისტორიები მჭიდროდა დაკავშირებული ერთმანეთთან. ძალიან ხშირად იყვნენ ერთად ქართველი და ბერძენი ბერები, ერთად მოღვაწეობდნენ, ერთად ქმნიდნენ მართლმადიდებელი ეკლესიის საგანძურს, რომელთა დიდი ნაწილი დღეს მსოფლიო ხელოვნების შედევრებს მიეკუთვნება. ერთი ასეთი ხელოვნების შედევრი ათონის მთის ივერიის მონასტერია, სადაც ქართველ ბერებთან ერთად ბერძენებიც ხშირად ლოცულობდნენ, ქვეყნის გასაჭირის დროს კი ეს ბერები ბერძენებთან ერთად იბრძოდნენ, მხარე ედგნენ ერთმანეთს. ათონის წმიდა მთაზე დღესაც მრავალი ძვირფასი ქართული ხელნაწერია შემონახული და ჩაკეტილი. სამწუხაროა, რომ ქართველი ვერი ვერ ვწაფება მას. და არა მარტო ხელნაწერი, ყოველივე, რაც იქ შემორჩა, იქნება ეს კედლის ქართული წარწერა, ფრესკები, ხატები, თუ



სხვა, რა თქმა უნდა, ძვირფასია და ქართული კულტურის განძს წარმოადგენს. იგი ელოდება გამოცდილ მკვლევარს. ვფიქრობთ, ამ ხელნაწერებისა და საერთოდ, მთელი საგანძურის შესწავლა-დამუშავება საქართველოს ისტორიის ბევრ საინტერესო ფურცელს მოჰფენს სინათლეს.

მინდა მოგახსენოთ, რომ ნატვრა, რომელიც ქართველ და ბერძენ ხალხებს ამ თვალსაზრისით აერთიანებს, მალე ასრულდება. მე ამას ვამბობ არა მარტო ჩემი სახელით, არამედ ბერძენი ხალხისა და ბერძენი ბერების სახელით.

როგორც არ უნდა იყოს სამადლობელი სიტყვები, იგი მთლიანად მაინც ვერ გამო-

ხატავს გრძნობებს. აი, იმ გამოუთქმელი გრძნობებით მინდა, თქვენო უწმიდესობა, გადმოგცეთ ჩემი მადლობა, დიდი მადლობა.

ვიმედოვნებ, ჩვენ ისევ შევხვდებით ერთმანეთს, შევხვდებით საბერძენეთში და მე ყველაფერს გავაკეთებ, რომ თქვენი ნატვრა ასრულდეს.

დაბოლოს, ერთი და მთავარი, რაც მინდა გისურვოთ, არის ის, რომ თქვენი სახელი და სახე თქვენი, მშვენიერი სახე, ისტორიას შემორჩეს, როგორც ფრესკა, როგორც ნათელი.

* სიტყვა, წარმოთქმული საზეიმო მიღებაზე.

ადამიანის ცხოვრებაში, იშვიათად, მაგრამ მაინც არსებობს წუთები, როდესაც არ შეიძლება გამოითქვას გრძნობები, რომელიც მას ეუფლება. ყველა სიტყვა, რომელიც შეიძლება მე ახლა ვთქვა, ღარიბი და უფერული იქნება ჩემს განცდებთან შედარებით. ისეთი გრძნობა მაქვს, თითქოს ჩემს მეორე სამშობლოში ვიმყოფებოდ... მთელი ჩემი შესაძლებლობებით ვეცდები ვიყო თქვენი ჰუმანიტარული მეგობარი. ყოველივეს მოვიმოქმედებ, რათა განმტკიცდეს კავშირი ჩვენს ერებს შორის.

გფარავდეთ მოციქულთა სწორი, წმიდა ნინო.

დიმიტრიოს ცამისი





ბერძენი

გუგუნი

ჯა ჯედი

ყნს პრეს

პრესტერი

მიხეილ თამარაშვილი

ჯერ გაზეთებმა და ტელევიზიის ეკრანმა აუწყა საქართველოს მისი დაბრუნება... კუბოზე ისევ ცოცხლად ეწყო თორმე, 72 წლის წინათ დაკრძავილი ყვავილები... სხეული მისი უცხო მიწაში ჩაიშალა... სული კი, ის ძლიერი, ნათელი სული, იმ წუთიდან თავის სათაყვანო სამშობლოს ზეცას დაუბრუნდა...

ჩვენ, რა თქმა უნდა, აღრეც ვიცოდით მისი სახელი... შემეტყვილად, იქნებ ზოგადად, მაგრამ ვიცნობდით მის წიგნებს, შრომებს მისას, სამშობლოს სიყვარულით ანთებული გული რომ წერდა იმ შორეულ ქვეყანაში. იგი არის ავტორი უნიკალური წიგნისა — „ისტორია კათოლიკობისა ქართველთა შორის“. თავის დროზე ამ წიგნს დიდმა ილია ჭავჭავაძემ მეორე „ქართლის ცხოვრება“ უწოდა...

ამაღლელებელმა მისი ცხოვრების ისტორია, ამაღლელებელმა მისი სიცოცხლის უკანასკნელი დღეც... მან, ქართველმა კაცმა, იქ, იტალიაში სხვისი სიცოცხლის გადასარჩენად გასწირა თავი... შემოდგომის თუ ზამთრის ერთ ნაღვლიან დღეს, ქუჩაში მიმავალმა უეცრად დაინახა, რომ მდინარეში ვიღაც იღრჩობა, ცურვა არ იცოდა, მაგრამ ერთი წამითაც არ დაფიქრებულა და წყალში გადაეშვა. მომკვდავი გადაარჩინა, მაგრამ

თვითონ დაიღუპა... მომხიბვლელია ეს ტრაგიკული და მაინც ულამაზესი დასასრული მისი სიცოცხლისა, ქრისტიანული დასასრული... ადამიანის ცხოვრებაში გადადგმულ ასეთ ნაბიჯს ხშირად დიდი შემოქმედების მწვერვალებსაც უთანაბრებენ... და ეს ასეცაა... ძვირფას წიგნებს შორის, რომელიც მან თავის ერს დაუტოვა, ერთ-ერთი საუკეთესო იმ უცნობი იტალიელი მოქალაქის გადარჩენილი სიცოცხლეცაა...

სწორედ ამის გამო და მაღლიერების ნიშნად ჩაუტანებიათ მისთვის ეს მშვენიერი, ვინ იცის, ვისი ხელით მოტანილი ყვავილები... რომელთაც 72 წლის მანძილზე არ ეწერათ დაშლა... თითქოს სიმბოლურად, ცოცხალივით შენახულიყვენ ისინი, რათა საბოლოოდ, ქართველი კაცის თვალს ენახა და ამ ხილვის ამსახველი, ამაღლელებელი კინოკადრები სამშობლოში ჩამოეტანა... სამშობლოში ჩამოეტანა თვით ნეშტი მისი...

ქართული ეკლესია, უწმიდესის ლოცვა-კურთხევითა და მაღლიერების გრძნობით იხსენიებს ვინმე კორნელო კურციოს, იტალიელ მოქალაქეს, რომლის უანგარო ზრუნვის შედეგად საგანგებოდ შეინახეს მიხეილ თამარაშვილის სამარე იტალიის ქალაქ ჩივიტავეციას მონასტერში.

მაღლიერების გრძნობით იხსენიებს მწვერალ რევაზ თაბუაშვილს, რომელმაც თამარაშვილის ნეშტი საქართველოში ჩამოასვენა.

რა საოცარი იყო ის დღე... ხალხი რომ უწყვეტ ნაკადად მოედინებოდა ჯერ საქართველოს ხელოვნების მუზეუმის შენობისაკენ, შემდეგ, რუსთაველის პრინციპის გავლით... მზეში აშრიალებული ჭადრების ხეივანსა და საზეიმო მღვთაობაში მოქონდათ ამჯერად უკვე ქართული მიწაზე მოსული ყვავილებით შემკული მისი საოცრად მშვენიერი, თეთრი სასახლე.

დიღუბის წმიდა მიწას მიაბარეს იგი.

უმშვენიერესი ქართული გალობის ხმები სწვდებოდა სმენას... ქართველი გოგონების გალობის ხმები... დაბოლოს, რაოდენ სიმბოლური იყო დიდი აკაკის ხმა რომ გაისმა ეთერში:

„ღელავილობამ, ბევრს არ გათხოვ, შენს მიწას მიმბარეო...“

იყო ცრემლიც, იყო ღიმილიც და ყველაზე მეტი იყო სიხარული... ხალხმა, ქართველმა ხალხმა, ამ ნათელ დღეს ერთხელ კიდევ ღრმად იწამა თავისი უკვდავება... ერთხელ კიდევ ეზიარა იმ მაღალ სიწმიდეს,

რომელიც ასე აუცილებელი და საჭიროა მისთვის...

და სიტყვებშიც, რომელიც იმ დღეს გაისმოდა იქ, უპირველეს ყოვლისა, სწორედ ეს სიხარული და მადლიერება იგრძნობოდა.

„ჩვენი ერი და ეკლესია საუკუნეთა მანძილზე მუდამ იყო ერთად... დღეს ეს ერთხელ კიდევ დადასტურდა... ჩვენ დღეს ვართ ერთად და მომავალშიც მუდამ ერთად უნდა ვიყოთ“ — თქვა თამარაშვილის გაქრილ საფლავთან სრულიად საქართველოს კათოლიკოს-პატრიარქმა, უწმიდესმა და უნეტარესმა ილია II-მ.

და მან, ვინც იმ დღეს ეს სიტყვები მოისმინა, ერთხელ კიდევ იწამა მისი ჭეშმარიტი სიბრძნე.



ჩვენმა დიდმა თანამემამულემ მიხეილ თამარაშვილმა თავისი კეთილშობილური მოღვაწეობა ხელუხლებელი საარქივო მასალების ძიებით დაიწყო. დრამატიზმით სავსე, მოკლე სიცოცხლეც ამ უვალ გზაზე დაასრულა. დიდა მისი ღვაწლი როგორც საერო, ისე სასულიერო მოღვაწეობის ასპარეზზე. ყველაფერი, რაც მან თავისი სიცოცხლის მოკლე დროში შექმნა, შეუღარებლად ძვირფასია და ერთი ადამიანის შესაძლებლობას აღემატება.

საქართველოს ისტორიისათვის უძვირფასესი საბუთების მიგნებამ, მათმა დამუშავებამ-გამოქვეყნებამ შარავანდედით შემოსა მისი სახელი. იმის გარდა, რომ მიხეილ თამარაშვილმა გამოსცა სამი წიგნი (მათ შორის, „ისტორია კათოლიკობისა ქართველთა შორის“), მის პირად არქივში დამუშავებული და დაუსტამბავი დარჩა საინტერესო მასალა XVII საუკუნიდან მოკიდებული XVIII საუკუნის დასასრულამდე. საქართველოს მეცნიერებათა აკადემიის ხელნაწერთა ინსტიტუტის საარქივო ფონდში შემონახულია მ. თამარაშვილის პირადი არქივი, რომელშიც თავმოყრილია ამ შესანიშნავი მკვლევარ-ისტორიკოსის მიერ მოძიებული სრულიად უცნობი ავტორების ფრანგულ-იტალიური და ლათინურენოვანი დოკუმენტები. ამ

უცნობ ავტორთა რიცხვი 50-ზე მეტია.

საქართველოს ისტორიის ყველა უბანზე მოღვაწე მიხეილ თამარაშვილი პირველ ყოვლისა, ცდილობდა შეესწავლა ქართული ეკლესიის წარმოშობისა და განვითარების ყველა ეტაპი. საამისოდ მას ხელთ ჰქონდა უნიკალური ქართული წყაროები და მატრიანები. მან მთელი სიცოცხლე შეაღია ამ საქმეს ვატიკანის ხელუხლებელ ფონდებში. რომის არქივში ზღვა მასალა დახვდა ქართული ეკლესიის ისტორიის გასაშუქებლად. და ამ სრულიად ახალი დოკუმენტების საფუძველზე საქართველოს ისტორიის მთელი რიგი უცნობი ფაქტები აღმოაჩინა და აღდგინა.

მ. თამარაშვილის მიერ მოძიებული ისტორიული დოკუმენტები ფასდაუდებელი წყაროა ქართული ეკლესიის სრულყოფილი შესწავლისათვის. ვატიკანის არქივიდან ამოკრებილი ხუთენოვანი საბუთები 1500 წლის პერიოდის ამბებს აშუქებს. საქართველოს ცხოვრების ამსახველი ეპისტოლარული დოკუმენტები ფართოდ გვახედებს საუკუნეების სიღრმეში და აქტუალურ სახეს აძლევს ეროვნული ისტორიის შესწავლის პრობლემებს.

იტალიელი მისიონერების მიერ აღწერილი XVII—XVIII საუკუნეების საქართველოს ვითარება რომ ფართოდ ცნობილი გახდეს, ეს დიდად შეუწყობს ხელს საქართველოს ისტორიის შევსებასა და მის სრულყოფილად დამუშავებას. ვატიკანის არქივში მოპოვებული ისტორიული მასალა, — იმის გარდა, რომ დღემდე გამოუქვეყნებელია, — სრულიად უცნობია ქართული ისტორიოგრაფიისათვის. მ. თამარაშვილის მიერ მიკვლეული საქართველოს ისტორიისათვის მნიშვნელოვანი წყაროები ძვირფას ცნობებს, ახალ დეტალებს შეიცავენ აღმოსავლეთ და დასავლეთ საქართველოს სოციალურ-პოლიტიკური და ეკონომიური ვითარების შესასწავლად.


იტალიელი მისიონერების მიერ შემჩნეული საინტერესო ფაქტები, რომლებიც საქართველოს სინამდვილეში ხდებოდა, ნათელ წარმოადგენს



ნას გვიქმნიან გარდასული საუკუნეების ცხოვრებაზე.

როგორც ცნობილია, ქართველმა საზოგადოებამ უკვე გაიცნო დონ ჯუზეპე ჯუდიჩეს „წერილები საქართველოზე“, დონ პიეტრო ავიტაბილეს „წერილები საქართველოზე“, დონიჯო კარლი და პიაჩენცას „თბილისის აღწერა“, ბორომეოს წერილი და სხვა. ამ მეტად საინტერესო ნაშრომებზე რომ დღეს ხელი მიგვიწვდება, მათი შესწავლა და ფართო საზოგადოებისათვის მიწოდება რომ შეეძელით, ესეც ჩვენი სულმნათი მიხეილ თამარაშვილის დამსახურებაა. ზემოხსენებულმა ავტორებმა შემოგვიწახეს უტყუარი ისტორიული ცნობები საქართველოზე და ამით ფასდაუდებელი მასალა შესძინეს ქართულ ისტორიოგრაფიას, სრულად ჩავახედდეს თავიანთი საუკუნის ცხოვრებისეულ მატრიანში და მრავალი ფაქტობრივი მასალით ნათელი მოჰფინეს ჩვენი საისტორიო წყაროების ზოგიერთ ბინდით მოცულ საკითხს.

მართალია, მისიონერების საანგარიშო მოხსენებებს მოცულობით დიდი ადგილი არ უჭირავთ საისტო-



დიდუბის პანთონი. მ. თამარა-
შვილისადმი მიძღვნილ მიტინგზე
სიტყვას წარმოთქვამს უწმიდესი
და უნეტარესი ილია II.

რით ლიტერატურაში (სულ 50 თა-
ბახია), მაგრამ თავისი მნიშვნელო-
ბით დიდად ამეტებენ ბევრ სხვა ამ-
გვარი ხასიათის თხზულებებს, რად-
გან ჩვენ გვაქვს თანამედროვეთა
თვლით ნანახისა და გაგონილის
უშუალო აღწერილობა, დაკვირვე-
ბა, დოკუმენტურად ფიქსირება სი-
ნამდვილისა და არა რაიმე სუბიექ-
ტური მოსაზრების ინტუიციით გა-
ანალიზება.

ისტორიული დოკუმენტების ენით
დაწერილ მოკლე ინფორმაციებში,
რომლებსაც მისიონერები სამოღვა-
წეთა ქვეყნის ადგილსამყოფლიდან
რომში გზავნიდნენ, დაწვრილებითი
ცნობებია შეკრებილი საქართველოს
მკვიდრ მოსახლეობაზე და დროდა-
დრო სრული ანგარიშია წარდგენი-
ლი ვატიკანში.

მ. თამარაშვილს თავისი ნაშრომე-
ბის მეოთხე ტომში განზრახული
ჰქონდა ეჩვენებინა სრული სურათი
საქართველოს მღელვარე ისტორი-
ისა XVI საუკუნიდან მოკიდებული
XVIII საუკუნის დასასრულამდე.

მ. თამარაშვილის გამოუქვეყნე-
ბელ არქივში ქართული ისტორიო-
გრაფიისათვის სრულიად უცნობ
წყაროთა შორის გამოირჩევა მისი-

ონერთა ეპისტოლარული დოკუმენ-
ტების კრებული და ვრცელი რელა-
ციონები საქართველოზე, დელი ან-
ჯოლის აღწერილობა ქეთევან წამე-
ბულის ტრაგედიისა. ამ საშინელი
ამბის თვითმხილველი ავტორი შემ-
ზარავი სურათებით ხატავს, როგორ
აწამეს ქეთევან დედოფალი შირაზ-
ში სპარსეთის მთავარსარდლისა და
ბეგლარბეგის — იმამ-ყული-ხანის
ბრძანებით. საინტერესო ცნობებს
გვაწვდის XVIII საუკუნის საქარ-
თველოზე მისიონერ ლეონის რელა-
ციონი. ეს გამოუქვეყნებელი წყარო
შეიცავს ერეკლე II-სა და სოლო-
მონ I-ის მეფობის პერიოდს. მასში
განხილულია საქართველოს წყობი-
ლება, სათავადოები, მოხელე-ყმები;
ნაჩვენებია ადმინისტრაციული ერ-
თეულები, ტერიტორიული დაყოფა
აღმოსავლეთ და დასავლეთ საქარ-
თველოში; ცალ-ცალკე დახასიათე-
ბულნი არიან ერეკლე II და სოლო-
მონ I, სქემატურად გადმოცემულია
სომხეთისა და ირანის პოლიტიკური
მდგომარეობა და სხვა.

ვატიკანის არქივში მოპოვებული
დოკუმენტების გარდა მ. თამარა-
შვილმა მიაკვლია სხვა უცხოელ ავ-
ტორთა ისეთ უცნობ ნაშრომებს,
რომლებიც გვაწვდიან უძვირფასეს
ცნობებსა და აღწერილობებს სა-
ქართველოზე. ასეთ ავტორთა
რიცხვს ეკუთვნის დონ არქანჯელო
ლამბერტის მეორე წიგნი, სახელ-
წოდებით „წმინდა კოლხეთი, ანუ
კოლხების წმინდა ისტორია“, რომე-
ლიც ქართულად ჯერაც არ არის გა-
მოცემული. მასში განხილული და
შესწავლილია კოლხეთის სოცია-
ლურ-პოლიტიკური კულტურა და
რიგი სხვა საკითხებისა. მოყვანილია
იმდენად საინტერესო ფაქტები, რომ
თავისი შინაარსით ხარისხობრივად
სჭარბობს პირველ წიგნს — „სამეგ-
რელოს აღწერილობას“. მასში ჩა-
მოთვლილია მთელი დასავლეთ და
აღმოსავლეთ საქართველოს კულტურ-
ის ცენტრები. ისტორიული ექს-
პურის შემდეგ ავტორი საგანგებოდ
ჩერდება ზნე-ჩვეულებების ანალიზ-
ზე, შედარებებზე და სხვა.

მ. თამარაშვილის არქივში ყურად-
ღებას იქცევს პიეტრო დელა ვალეს
თხზულებებიდან ამოწერილი ის ად-
გილები, რომლებიც საქართველოს


ამბებს მოგვიხსობენ; ცნობები მე-
ტად საინტერესოა, რადგან ავტორი
თანამედროვე იყო თეიმურაზ მეფე-
სა, შირაზში პირადად გაეცნო ქეთე-
ვან წამებულს, ცოლად შეირთო ქე-
თევან დედოფალთან ახლო ურთი-
ერთობაში მყოფი ქართველი ქალი
ლინათინ-ძიბა, რომელსაც თვითონ
მარიუჩა დაარქვა.

ისევ და ისევ მ. თამარაშვილს
უნდა ვუმადლოდეთ XVI საუკუნის
პორტუგალიელი ავტორის დონ ან-
ტონიო დე გოვეას რელაციონის გა-
ცნობას საქართველოზე. იგი დღეს
უმნიშვნელოვანესი ცნობების შემ-
ცველი წიგნია, ბიბლიოგრაფიული
იშვიათობაა, რომელშიც თავმოყრი-
ლი ამბები უდიდესი ინტერესით
იკითხება იმის გამო, რომ ავტორმა
ძალზე დეტალურად აგვიწერა ქეთე-
ვან დედოფლის დროს სახელმწი-
ფოებრივ მმართველობაში მომხდა-
რი ფაქტები: დედოფლის შამახიაში
გამგზავრება, მხედრულად გამოწყო-
ბილ ქართველ 300 ქალთან ერთად
დიპლომატიური დემარშების მოწ-
ყობა და სხვა. მ. თამარაშვილმა გად-
მოიწერა იოსებუს სილოსის ნაშრო-
მის მეხუთე თავი, რომელშიც მო-
თხრობილია საქართველოში მოღვა-
წე მისიონერების ისტორია და გა-
შუქებულია ნახევარსაუკუნოვანი
ამბები, როცა აღმოსავლეთ და, გან-
საკუთრებით, დასავლეთ საქართვე-
ლოში მიმდინარეობდა დამანგრევე-
ლი შინაფეოდალური ომები და
ამასთან დაკავშირებული სპარსეთ-
თურქეთის აგრესიული ექსპანსიები
საქართველოს ტერიტორიაზე.

გულმხურვალე პატრიოტს, საქარ-
თველოს პოლიტიკურ-ეკონომიური
ისტორიის დასაწერად დიდძალი მა-
სალა შეუვგროვებია, რომლის დამუ-
შავება და გამოქვეყნება მან ველარ
შეძლო.

მ. თამარაშვილის დაღუპვიდან 72
წლის შემდეგაც მზის სინათლეს
ელჩან მისი მთელი რიგი ნაშრო-
მები.

გეგან გიორგაძე





ეკლესიანი ხორციანი უმეტეს არიან ეკლესიათა ქვათასა.





რაუამს შთახვედ საფლავად ცხოვრება ეგე უკვდავი, მაშინ ჭოჭოხეთი შეაძრწუნე
ელვითა მით ღვთაებისა შენისათა, ხოლო რაუამს მკვდარნი ქვესკნელით აღმოიყვანენ,
მაშინ ყოველნი ძალნი ცათანი დაღაღებდენ: ცხოვრების მომცემელი ქრისტე ღმერთო.
დიდება შენდა!

ქ ა ლ ა გ ე ბ ა ნ ი

კათოლიკოს-პატრიარქ ილია II-ისა

(ზამირი საუბრები და ჩანაწერები)

სიყვარული ღვთისა და სიყვარული ადამიანისა

„სახელითა მამისათა, და ძისათა, და სულისა წმიდისათა...“

კაცობრიობის წინაშე მუდამ იდგა და დგას მეტად მნიშვნელოვანი საკითხები: — რა არის ადამიანის ცხოვრება? ვინ არის ადამიანი? საიდან მოვიდა, ან საით მიდის იგი? — ეს კითხვები მუდამ აწუხებდა კაცობრიობას...

ინტერესი ამისადმი არც დღეს შენელებულა და არც მომავალში შენელდება...

ადამიანი არის არსება, რომელიც შექმნა ღმერთმა ხატად და მსგავსად თვისსა; ადამიანი არის არსება, რომელიც ცხოვრობს დედამიწაზე; ადამიანი უნდა გამოიაროს განსაცდელი დედამიწისა და წარსდგეს წინაშე ღვთისა.

მაშასადამე, მიზანი ადამიანის ცხოვრებისა ყოფილა მიახლოება ღმერთთან... ღმერთთან და კიდევ... მის ირგვლივ მყოფ ადამიანებთან...


ს ი ყ ვ ა რ უ ლ ი ღ ვ თ ი ს ა და ს ი ყ ვ ა რ უ ლ ი ა დ ა მ ი ა ნ ი ს ა — ესაა მთავარი, ამას გვასწავლის სახარება. მთელი საღმრთო წერილის შინაარსი არის სწორედ სიყვარული ღვთისა და სიყვარული ადამიანისა.

ადამიანს, უპირველეს ყოვლისა, უნდა სწამდეს და უყვარდეს ღმერთი. რწმენა არის საფუძველი ადამიანის ცხოვრებისა.

ადამიანი ვერ იქნება ბედნიერი, თუ მას არა აქვს რწმენა. ვერავითარი მატერიალური სიმდიდრე ვერ შეავსებს იმ სიცარიელეს, რაც არსებობს ადამიანში, როცა მასში არ არის ღმერთი. ადამიანს აქვს მრავალი მისწრაფება. იგი ცდილობს მიიღოს განათლება, ცოდნა... მაგრამ ეს არ კმარა... ამით იგი ბოლომდე ბედნიერი მაინც ვერ იქნება. თითონაც გრძნობს ამას... გრძნობს, რომ რაღაც სხვა სჭირდება და ეძიებს ამ სხვას... ცდილობს უზრუნველყოფილი იყოს მატერიალურად, ჰყავდეს ოჯახი, შვილები, ნათესავები, მეგობრები... ჰქონდეს კარგი, კეთილმოწყობილი სახლი... მაგრამ როდესაც აღწევს ყველაფერ ამას, ხედავს, რომ არც ეს ყოფილა მთავარი... ამაში არ ყოფილა ბედნიერება. ყველას თავისი გზა აქვს... ყველა სხვადასხვა გზით ეძიებს ბედნიერებას... ზოგი პოულობს, ზოგი კი ვერა... რა არის ამის მიზეზი? საქმე ის არის, რომ ადამიანს უსათუოდ სჭირდება ღვთის რწმენა. თუ მას არ უყვარს ღმერთი... უფრო ზუსტად, ღმერთი და ადამიანი, იგი ვერასოდეს ვერ იქნება ბედნიერი. უპირველესად ყოვლისა, საჭიროა რწმენა და სიყვარული.

ადამიანს ღმერთმა მიანიჭა თავისუფალი ნება... ეს ნება კი შეიძლება სიკეთისკენაც წარიმართოს და სიბოროტისკენაც... ეს უკვე თვით ადამიანზეა დამოკიდებული. ასეთი თავისუფლება ღმერთს არ მიუცია არცერთი სხვა არსებისათვის. მაგრამ უნდა ითქვას, რომ ამ თავისუფლებით ადამიანი ხშირად ისე ვერ სარგებლობს, როგორც საჭიროა. ხშირად ამას ბოროტად იყენებს და ნაკლებად ფიქრობს საკუთარი სულისა და სხვა ადამიანთა სასიკეთოდ. ჩვენი მიზანია, ისე წარვმართოთ ადამიანის ნება, რომ იგი არ ეწინააღმდეგებოდეს ღვთის განგებასა და მცნებას ღვთისას.

უნდა გვახსოვდეს, რომ არსებობს როგორც ღვთაებრივი, ისე ადამიანური ენერგია... და როცა ეს ორი ენერგია არ ეწინააღმდეგება



ერთმანეთს, როცა ისინი ერთი მიმართულებით მიდიან, ადამიანი დგას კეთილ გზაზე, დგას ცხოვრების გზაზე და იგი მიდის ღმერთთან, უახლოვდება ღმერთს... ხოლო, როცა ადამიანი უახლოვდება ღმერთს, უახლოვდება ადამიანსაც.

არ შეიძლება ითქვას: — ჩვენ გვიყვარს ღმერთი, მაგრამ არ გვიყვარს ადამიანი... უსიყვარულოდ შეუძლებელია ცხოვრება. უნდა გვიყვარდეს ერთმანეთი, გვიყვარდეს მოყვასი ჩვენი; გვიყვარდეს, თუ გვინდა ვიპოვოთ ღმერთთან მისასვლელი გზა... თუ გვინდა ვიყოთ ბედნიერნი. მხოლოდ ამ შემთხვევაში მოიპოვებს ადამიანი მადლსა ღვთისასა, სულიერად გაძლიერდება და ამაღლდება.

როდესაც მყარდება კავშირი მიწასა და ზეცას შორის, როდესაც ადამიანი აღწევს ამას, ის ძლიერია, ძლიერია სულით და ძლიერია ხორციით.

ფიდაო ღმერთო, ფიდაო კლიერო, ფიდაო უკვდავო

სახელითა მამისათა და ძისათა და სულისა
წმიდისათა

ყოველი ადამიანი ეძებს ძლიერებას: ძლიერებას სულიერს, ძლიერებას ხორციელს. ყოველი ადამიანი, რომელსაც სწამს უზენაესი ძალა, ელოდება მისგან შეწევნას, მფარველობას. ადამიანი ცდილობს დააკავშიროს თავისი თავი ზეცასთან; ცდილობს, რომ ეს მისი სულიერი კავშირი ზეცასთან იყოს მუდმივი, უწყვეტი, ძლიერი. ამ

იხარებს სულნი შენი უფლისა მიმართ, რომელმან შთაგაცვა სამოსელი ცხოვრებისა და კვართი სიხარულისა შეგმოსა შენ.



კავშირისათვის კი — არსებობს ლოცვა. ლოცვა იგივე საუბარია ღმერთთან; ლოცვა — ეს არის ისეთი მდგომარეობა, როგორც ნათქვამია ერთ საგალობელში, როცა:

„ადამიანი დაუტევებს ყოველივე მიწიერს და საუბრობს ღმერთთან“.

რის შესახებ საუბრობს ღმერთთან ადამიანი? ლოცვა არის შედეგი რწმენისა. უნდა გწამდეს და მერმე უნდა ილოცო. თუ შენი რწმენა მტკიცე არ არის, ლოცვაც უძლური და სუსტი იქნება. ადამიანი, რომელშიც არის ეჭვი, — ღმერთი არსებობს თუ არაო, — ან ეჭვი — ღმერთი შეისმენს თუ არ შეისმენს ჩემს — ვედრებასო, ტყუილად ლოცულობს — მისი ლოცვა აქვე დარჩება. გინახავთ, ალბათ, დანთებული ცეცხლი — სადმე მინდორში. გაზაფხულზე, როცა ხვეტენ ფოთლებს და წვავენ. არის ბოლი, რომელიც მაღლა მიდის და არის ბოლი, რომელიც მიწაზე იშლება. ასევეა ლოცვა. არის ადამიანი, რომელიც ლოცულობს... მისი ლოცვა ღმერთთან ადის და პირდაპირი კავშირი მყარდება ღმერთსა და ადამიანს შორის — როცა ეს ლოცვა აქედან ადის, იქიდან მაღლი გადმოდის, აქედან ვედრება ადის, იქიდან ლოცვა-კურთხევა გადმოდის. ასეთი კავშირი ძლიერია. ე. ი. რა არის საჭირო? საჭიროა, რომ ჩვენი ლოცვა შეისმინოს ღმერთმა. უნდა ილოცოთ ნამდვილი რწმენით. აუცილებლად უნდა გწამდეს, რომ ღმერთი არსებობს, აუცილებლად უნდა ხედავდე ღმერთს შენს წინაშე. აი, როგორც ჩვენ დიდი ადამიანების წინაშე ვდგავართ გამართულად, მოკრძალებით, თავმდაბლად, ასე უნდა იდგეთ. თქვენ უნდა გრძნობდეთ, რომ ხართ ღვთის წინაშე და თვალი ღვთისა დაგყურებთ. მე მაგონდება ქადაგება ერთი ჩემი მასწავლებლისა, როდესაც ვიყავი სასულიერო სემინარიის სტუდენტი; მან მოიყვანა ასეთი მაგალითი: როდესაც თქვენ, სტუდენტები ეზოში გადიხართ, თუ გრძნობთ, რომ ფანჯრიდან რექტორი დაგყურებთ, ცუდს არაფერს გააკეთებთ. აი, ასე უნდა იქცეოდეთ ღვთის წინაშეო. როდესაც გრძნობს ადამიანი, რომ მას, თვით მისი გულის სურვილსაც დაჰყურებს ღმერთი და ხედავს ამას, სულ სხვა სულიერი სამყარო შეიქმნება მის გულში. ლოცვა არსებობს მრავალნაირი. ლოცვასაც აქვს თავისი ხარისხი. არის ლოცვა, რომელსაც ამბობს მხოლოდ ენა. არის ადამიანი, რომელიც ფიქრობს აი, ეს ლოცვა უნდა წავიკითხოო. იმას კი არ ფიქრობს, — ეს როგორ წავიკითხება, ან შესმენილი იქნება თუ არა; არა! ეს უნდა წავიკითხოო. ესე იგი, ენა ასრულებს, აზრი კი, დიდი აზრი, რომელსაც ადამიანის გულს უწოდებენ, გამოთიშულია. ეს ძალიან უხარისხო ლოცვაა და იგი აუცილებლად აქვე, მიწაზე რჩება. ამას ნაკლებად ისმენს ღმერთი. მეორე, ამაზე მეტი არის ის ლოცვა, როდესაც გონებაა ჩართული. ე. ი. შენ ამბობ ლოცვას და მასში ჩართულია შენი აზრი. მესამე, ყველაზე დიდი და ყველაზე ძლიერი არის ის, როდესაც შენი გული ლოცულობს და აზრი თითქმის გამოთიშულია.

ლოცვა არსებობს მრავალნაირი: ღვთის სადიდებელი, თხოვნითი, სინანულისა და სხვადასხვა. ყოველივე ეს ადამიანის სათანადო გრძნობების გამომხატველია.

მე დღეს მექნება საუბარი მხოლოდ ერთ ლოცვაზე, რომელსაც ძალიან ხშირად ვიმეორებთ ჩვენ. ძალიან მოკლეა, მაგრამ ძალიან ძლიერია ეს ლოცვა. უნდა ითქვას, რომ ლოცვები შექმნილია ადამიანის მიერ. პირველი ლოცვა, რომელსაც ჩვენ ძალიან ხშირად ვამბობთ, არის „მამაო ჩვენო“. თქვენ იცით, რომ ეს გადმოგვცა უფალმა ჩვენმა იესო ქრისტემ; ხოლო სხვა ლოცვები, რომელსაც თქვენ ისმენთ, სხვადასხვა პერიოდში სულიერმა ადამიანებმა — მღვდელთმთავრებმა, ღირსმა მამებმა შექმნეს და დაგვიტოვეს. მაგრამ არსებობს კიდევ ერთი ლოცვა, რომელიც ადამიანს არ შეუქმნია. ეს არის ძალიან მოკლე ლოცვა:





„წმიდაო ღმერთო, წმიდაო ძლიერო,
წმიდაო უკვდავო, შეგვიწყალებ ჩვენ“.


რატომ ვახსენე ეს ლოცვა დღეს?

დღეს ეკლესია ზეიმობს წმიდა პროკლეს დღესასწაულს. წმიდა პროკლე იყო ბერძენი და ცხოვრობდა V საუკუნეში. იგი იყო მთავარეპისკოპოსი კონსტანტინეპოლისა. იგი იყო მოწაფე წმიდა იოანე ოქროპირისა და თავის ყმაწვილობაში მის ქადაგებებს ისმენდა. წმიდა იოანე ოქროპირი დიდი მღვდელთმთავარი იყო. იგი თავისი ცხოვრების უკანასკნელ პერიოდში გაასახლეს კონსტანტინეპოლიდან, გადმოასახლეს საქართველოში და აქ გარდაიცვალა, სოფელ კამანში, სოხუმის მახლობლად და აქვე დაკრძალეს. თითქმის 40 წლის განმავლობაში იმყოფებოდა აქ მისი საფლავი, მაგრამ როდესაც კონსტანტინეპოლის მამათმთავრის ტახტზე წმიდა პროკლე ავიდა, მან დააყენა საკითხი — იოანე ოქროპირის ნეშტი საქართველოდან გადაევენებინათ კონსტანტინეპოლში. ეს გადასვენება იყო სასწაულებრივი. ამითხარეს მისი საფლავი და ნახეს, რომ წმიდა იოანე ოქროპირი ჩასვენებული იყო ქვის სარკოფაგში. სარკოფაგი ძალიან მძიმე იყო და მისი კონსტანტინეპოლში გადატანა შეუძლებელი შეიქნა. გახსნეს და ნახეს, რომ გვაში სრულიად უხრწნელია. როგორც დასაფლავეს, ისევე ისე დახვდათ, მაგრამ მათად გასაოცრად, ვერავითარმა ძალამ ვერ შესძლო მიცვალებულის გვამის სარკოფაგიდან ამოღება. მიხვდნენ: წმ. იოანე ოქროპირი გამწყრალია კონსტანტინეპოლის მმართველობაზე და არ სურს დაბრუნდეს უკან. ხელცარიელნი წავიდნენ კონსტანტინეპოლში და ახალ იმპერატორს ყოველივე მოახსენეს. წმ. პროკლეს რჩევით იმპერატორმა იოანე ოქროპირს მისწერა წერილი და სთხოვა: აპატიე ჩემს მშობლებს, ასე უდანაშაულოდ რომ გაგასახლეს კონსტანტინეპოლიდან, დაბრუნდი და ისევე დაიკავე შენი ადგილი. მისი ხელმოწერით და ბეჭდით წამოიღეს ეს წერილი საქართველოში და მისცეს ხელში მიცვალებულს. ამის შემდეგ სავსებით თავისუფლად ამოიღეს სარკოფაგიდან მისი ნეშტი და ირწმუნეს, რომ წმ. იოანე ოქროპირმა შეუნდო შეცოდებანი მათ. იგი გადაასვენეს კონსტანტინეპოლში. აი, ამ პროკლეს მამათმთავრობის დროს კონსტანტინეპოლში მოხდა საშინელი მიწისძვრა. ისეთი საშინელი, რომ ინგრეოდა მთელი შენობები, ხალხი გამოსული იყო გარეთ და ხელაპყრობილი, ცრემლით ლოცულობდა. წმ. პროკლემ შემოსა მთელი სამღვდლოება და ღია ცის ქვეშ დაიწყო პარაკლისი. ამოვარდა ქარიშხალი და ქარმა ბავშვი ზეცად აიჭაცა. რამდენიმე ხნის შემდეგ დაინახა ხალხმა, რომ ეს ბავშვი ისევე ჩამოეშვა ზეციდან და როდესაც მიცვივდნენ მასთან, ნახეს, რომ ცოცხალია.



— რაღაც ძალამ ამიყვანა ზეცად და მომესმა ანგელოსთა გალობა „წმიდაო ღმერთო, წმიდაო ძლიერო, წმიდაო უკვდავო“ და გავიგონე ხმა: გადაეცი ხალხს, რომ მათაც ილოცონ ასე და გადარჩებიანო, — სთქვა ბავშვმა. ხალხმა მაშინვე აიტაცა ეს ლოცვა და დაუმატა: „შეგვიწყალებ ჩვენ“.

ამ დღიდან მუდამ ისმის ეს ლოცვა. იგი წმ. სამების სადიდებელია. ეს არის უძლიერესი ლოცვა. როდესაც ადამიანი გასაჭირშია, ქვეყანა გასაჭირშია, ყველამ უნდა ილოცოს აი, ამ მოკლე, მაგრამ ძალიან ძლიერი ლოცვით.



მოგახსენებთ ერთ შემთხვევას, რომელიც მოხდა ერთი ღირსი მამის ცხოვრებაში. იყო ერთი ბერი განდევნილად უდაბნოში. ის სულით შეწირული იყო ღვთისა და ხალხისადმი. თავისი თავი სრულიად დავიწყებული ჰყავდა და ლოცულობდა მხოლოდ ხალხისათვის. ისეთი სიყვარულით იყო აღვსილი მისი სულიერი სამყარო, რომ საბოლოოდ, თვით ეშმაკიც კი შეენანა და შესთხოვა ღმერთს:

„შენ ხომ ხარ მოწყალე, შენ ხომ ხარ სიყვარული, აპატიე ეშ-

მაკს, რაც შეგცოდა, ეშმაკი ხომ ანგელოზი იყო და დაუბრუნე ისევ ანგელოზის სულიო“.

პასუხად მოესმა მას ხმა:

— კარგი, შენთან მოვა ეშმაკი და მე არაფერს არ ვთხოვლობ; ოღონდ, აი, ეს მოკლე ლოცვა შეასრულეთ შენ და მან ერთად:

„წმიდაო ღმერთო, წმიდაო ძლიერო,

წმიდაო უკვდავო, შეგვიწყალებ ჩვენ“.

მართლაც გამოეცხადა ბერს ეს არაწმიდა სული, შევიდა გამოქვაბულში და ღირსმა მამამ დაიწყო ლოცვა...

„წმიდაო ღმერთო...

არაწმიდა სულმაც გაიმეორა:

— წმიდაო ღმერთო...

მან იცის, რომ ღმერთი წმიდაა, რომ იგი უზენაესი სიწმიდეა. ეს მან ძალიან კარგად იცის. გაიმეორა დანარჩენი სიტყვებიც:

„წმიდაო ძლიერო, წმიდაო უკვდავო...“;

მაგრამ აი, ბერმა წარმოსთქვა:

„შეგვიწყალებ ჩვენ!“

ვერა და ვერ გაიმეორა ეშმაკმა. ეს სიტყვები უკვე არის სინანული; ხოლო იქ, სადაც სინანულია, აუცილებლად მოწყალებაა, აუცილებლად ღვთის შენდობაა. ვერ თქვა ეს სიტყვები არაწმიდა სულმა. ცეცხლის ალისფერი გავიდა იგი გამოქვაბულიდან და აღარ გამოჩენილა.

და აი, ბერს მოესმა ხმა:

— ხომ ხედავ, ის არის ამპარტავანი, ის უკვე ისე დაეცა, რომ სინანულის უნარიც კი დაკარგა. ნუ მთხოვ, რომ ის შევიწყნარო. მართალია, მე ვარ სიყვარული, მაგრამ სინანულის გარეშე შეწყალება შეუძლებელიაო.

და აი, დღეს, როდესაც ჩვენ ვახსენებთ ამ მოკლე, მაგრამ ძალიან ძლიერი ლოცვის შექმნის დღეს, ეს იყო 447 წელს, მე შევთხოვე უფალს, რომ წმიდა ღმერთი, წმიდა ძლიერი, წმიდა უკვდავი, იყოს მფარველი და შემწე ჩვენი ერისა, რომ ჩვენი ერთი გაძლიერებული იყოს სულით და ხორციით. წყალობა ღვთისა იყოს თქვენს ზედა.

ამინ!



ილუზიანი ანბონი (გულიანოვილი)

რატომ არის საჭირო მარხვა

უსაზღვროა და მიუწვდომელი ადამიანის გონებისათვის ღმერთი. მან შექმნა ცა და დედამიწა და ყოველივე, რაც ამკობს ორივეს. შემდეგ შექმნა ადამიანი, — გვირგვინად ყოველთა ქმნილებათა. საზოგადოებრივ ცხოვრებაში ყველაფერი განსხვავდება ერთმანეთისაგან: ადამიანთა მდგომარეობა, ქონებრივი დონე, წლოვანება, ეროვნული წარმოშობა, პროფესია და სხვა. ადამიანი განვეული არის ცხოვრების ბაღში და, თუ უნდა ამ ბაღისაგან გათავისუფლება, მან უნდა მიმართოს ეკლესიას. ეკლესიაში შესვლისთანავე ადამიანი ხვდება სხვა სულიერ სამყაროში, მის წინაშე უკვე ირრვევა ყველა პრობლემა, რომელიც მიწიერ ცხოვრებაში აწუხებს და აღიმაართება ერთი, უდიდესი პრობლემა — სულის ცხოვრება. ადამიანი ფიქრობს, თუ რა საშუალებით შეუძლია მას აცხონოს თავისი სული, ეძებს საშუალებას, რა გზით დაუახლოვდეს ღმერთს, — კითხულობს საეკლესიო წიგნებს, ისმენს ლოცვას და ამ გზით ეზიარება

ეკლესიის შვილთა რიცხვს. ბოროტი, როგორც მშვიერი ღმერთი დაეძებს უდაბნოში საკბილოს, ისე ეძებს ამ ადამიანს, რომელმაც გადაწყვიტა კეთილი გზით ცხოვრება და მის წინაშე უამრავ დაბრკოლებას აღმართავს; ეს დაბრკოლებები უმეტესად აგებულია ვნებებზე. ასეთ ვნებებს ჩვენ ვიცნობთ, ესენია მ ვნება: უძლეობა, მრუშობა, ვერცხლის მოყვარეობა, მრისხანება, ნადრევი მწუხარება, სასოწარკვეთილება, პატივმოყვარეობა, ამპარტავნობა. ღმერთმა დაუშვა ეს ვნებები არა იმიტომ, რომ არ უყვარს ადამიანი, არამედ იმიტომ, რომ ადამიანმა თვითონ გაარჩიოს კეთილი და ბოროტი და აირჩიოს თავისი გზა.

ღმერთს ადამიანისაგან არაფერი სჭირდება და თუ ჩვენ რაიმეს ვაკეთებთ, ვაკეთებთ მხოლოდ ჩვენი საკუთარი სულისათვის. ერთი ასეთი აუცილებელი რამ არის მარხვა.

მაგრამ მარხვაც სხვადასხვანაირია. ძველი აღთქმა

დან ჩანს, რომ ადრეც მარხულობდნენ, მაგრამ ეს არ იყო ისეთი მარხვა, რომელიც ესაჭიროება ადამიანის სულს. მაგალითად: ხალხი იყრიდა თავზე ნაცარს, იმოსებოდა ძველმანებით, ნაკლებად აქცევდა ყურადღებას მარხვის დროს თავის თავს, მაგრამ გულთი ისეთივენი რჩებოდნენ, როგორებიც ადრე იყვნენ. მაცხოვარმა თავისი მობრძანებით დედამიწაზე დაარღვია მათი წესები, მოუტანა ხალხს ახალი აღთქმა, რომლის სწავლებაც დაავალა თავის წმიდა მოციქულებს. მათ გაავრცელეს იგი მთელ ქვეყანაზე.

გარდა ამისა, დიდი წმ. მამა იოანე, მარხვის შესახებ გვასწავლის: იცოდეთ, შენ, თუ მაცხოვარს ვიწრო გზით სიარული ალუთქვი, შენი სხეულის მოთხოვნილებების გზაც უნდა შეაეწირო, უსასრულო და ფართოა გზა უძღები ადამიანისა, რომელსაც იგი დალუპვისაგენ მიპყავს. ამ გზით ძალიან ბევრნი დავდივართ. ცხოვრების ვიწრო, წმიდა გზაზე კი, ცოტანი. იგი გვასწავლის: როდესაც ადამიანი გამწილ მავიდას უზის, თავისი აზრით წარმოადგენილი უნდა ჰქონდეს სიკვდილი და საშინელი სამსჯავრო. ხოლო როდესაც ეკარება სპსმელს, მან უნდა წარმოადგინოს ძმარი და ნაღველი, რომელიც იგემა მაცხოვარმა თავისი ჭვარცმის დროს. აი, ამ მცირედიტაც ყველა ჩვენგანს შეუძლია მიუახლოვდეს თავშეკავებას.

მარხვის დროს ჩვენ გარეგნულად კი არ უნდა ვიცვლიდეთ სახეს, რასაც მოჩვენებითი ხასიათი აქვს, მარხვა უნდა ეტყობოდეს ჩვენს ცხოვრებას, ჩვენს მოქმედებას. საჭიროა განსაკუთრებული თავშეკავება, დუმილი, ზომიერება კვებაში და ბევრი სხვა რამ, რითაც გამოიხატება ეს. უნდა აუცილებლად ვეცადოთ, მარხვის საშუალებით გამოვასწოროთ ყველაზე დიდი ცოდვა,

რომელსაც ჩავვადენინებს ჩვენი ენა. ენით შეგვიძლია ათასობით ადამიანი მოვკლათ და კაცმა რომ გვეითხოს, არაფერი ცოდვა არ ჩავვიდენიაო, ვუპასუხებთ. ჩვენ უნდა ვითხოვდეთ პატიებას მოყვასისაგან და გაორკეცებული ყურადღებით ვისმენდეთ წირვა-ლოცვას.

არსებობს მრავალდღიანი მარხვა: დიდმარხვა, პეტრე-პავლეს, მიძინების და შობის მარხვა. ეს მარხვებიც განსხვავდებიან ერთმანეთისაგან. მაგალითად: დიდი და ყოვლად წმიდა ღვთისმშობლის მარხვა — შობისა და პეტრე-პავლეს მარხვისაგან განსხვავებით — განსაკუთრებული სიმკაცრით ტარდება. პირველი ორი მარხვით ჩვენ აღვნიშნავთ მაცხოვრის ვნებასა და განცდებს და ღვთისმშობლის მიძინებას, ხოლო მეორე ორი მარხვით ჩვენ ვემზადებით, განწმენდილნი შევხვდეთ დიდ დღესასწაულს, როგორცაა შობა, ქრისტეს დაბადება, და ორი მოციქულის პეტრესა და პავლეს ღვთისმშობლისადმი გარდა ამისა, ჩვენ ვიცით მთელი წლის განმავლობაში ყოველი ოთხშაბათის და პარასკევის მარხვაც, რომელიც დიდ მარხვას უსწორდება. ოთხშაბათს აღვნიშნავთ მაცხოვრის შეპყრობას ფარისევლებისაგან, პარასკევს — მის ჭვარცმას. არსებობს კიდევ ერთდღიანი მძიმე მარხვები, როგორცაა, მაგალითად: იოანე ნათლისმცემლის თავისკვეთის დღე, ნათლისღების წინა დღე, ჭვართამღობის დღე.

მარხვაზე ჩვენ შეგვიძლია ვილაპარაკოთ ძალიან ბევრი და ეს უსათუოდ საჭიროა. ამჯერად კი დავჯერდეთ მხოლოდ ამ ზოგად განმარტებას. გისურვებთ, როდესაც მარხულობთ, თქვენი მარხვა იყოს ძლიერი და მარხვის დროს მიღებული მცირე საზრდო თქვენი, იყოს შეზავებული სინანულის ცრემლით.

მარხვა

მარხვა მოვიდა უბიწო,
განწმენდი სულის-გულისა,
მომსპობი ავხორც-ვნებათა,
მომგვრელი სინანულისა.


აჰა, განსწმინდე გონება,
უარ-ჰყავ ბოროტ-ზრახვანი.
გრწამდეს, რომ წმინდა მარხვისა
ეგ არს პირველი საგანი.

ზოგი ხორცს არ სჭამს, მაგრამ ძმის
ხორცი რომ სჭამოს, არა შურს!
ეს ცოდვა არის, თუ მადლი, —
ამის გარჩევაც არა სურს!

ძმაო! რად შფოთავ ამოღ,
წარმავალია ყოველი!
უკვდავი მხოლოდ სულია —
ნათლით მოსილი, ცხოველი,

რაჰდენ საჯაროხელი
„მწეფისი“, 1892, № 8—4.





უნათლისმცემლე ცხოვართა განზნეულთა, ვითარცა მწუეცმან
კეთილმან, შეკრიბე და მიხგვარე ქართველნი ღმერთსა მართალსა
დედაო, წმიდაო ნინო, ევედრე შვილთა შენთათვის ქრისტესა ღმერ-
თსა.

იქსტოს უკუღმდნე

წმინდა ხატი

მღვდელი თორნიკე (წამალაია)

ისტორია მოწმობს, რომ ქრისტიანულ ეკლესიაში უძველესი დროიდან თავიანთ სცემდნენ წმიდა გამოსახულებებს და მათ ქრისტიანულ ტაძრებში იყენებდნენ. ეკლესიის მემკვიდრე ევსევი (IV ს.) გადმოგვცემს ცნობას ქრისტიან-მაცხოვრის ხელთუქმნელი ხატის შესახებ. ამ ცნობას ვხვდებით ევგარი სქოლასტიკოსთან და ნიკიფორ კალისტანაც.

საეკლესიო თქმულება გადმოგვცემს, რომ მაცხოვრის პირველი ხატი გაჩნდა მისი მიწიერი ცხოვრების დროს, — ეს ის ხატია, რომელსაც ჩვენ ვიცნობთ მაცხოვრის ხელთუქმნელი ხატის სახელწოდებით. თქმულების თანახმად ტილოზე (უბრუსზე), რომელიც მაცხოვარმა სახეზე მიიფარა, გამოისახა ხატი. იგი თვით მან გაუგზავნა ედესას მეფე ავგაროზს, რომელმაც მაცხოვრის ხატი დაამაგრა დაფაზე და მოათავსა ქალაქის ჭიშკრის წაღოში. ავგაროზი ძლიერ უწყობდა ხელს ქრისტიანობის გავრცელებას, მაგრამ მეფის ერთერთმა შვილიშვილმა აღადგინა ძველი კერპთაყვანისმცემლობა და ხელთუქმნელი ხატის განადგურება გადაწყვიტა. შეიტყო რა ამ უღვთო განზრახვის ამბავი, ავგაროზმა ხატი კედელში ჩასვა და გარედან ამოქოლა; ხუთი საუკუნე ინახებოდა იგი ასე.

544 წელს, ედესას თავს დაესხა სპარსეთის მეფე ხოსრო. ქალაქის ეპისკოპოსმა ევლამიმ ნახა სიზმარი... გახსნა ქალაქის კედელი და იპოვა ხელთუქმნელი ხატი: მის წინაშე ხუთი საუკუნის შემდეგ კვლავ ენთო კანდელი; ქალაქი გადარჩა და ეს ყოველივე სასწაულომოქმედ ხატს მიეწერა. ტილო როგორც წმიდათა წმიდა განძი, დიდხანს ინახებოდა ედესაში. 639 წელს ქალაქი არაბებმა დაიპყრეს.

VIII ს-ში, ედესას ეკლესიის მსგავსად, ამ ხატის დღესასწაულს უკვე ბევრი ქვეყნის ქრისტიანები ზეიმობდნენ. ამ ხატზე მიუთითებს წმიდა იოანე დამასკელი, არაერთხელ ახსენებს მას 787 წლის მსოფლიოს მეშვიდე საეკლესიო კრებაც.

X საუკუნეში ხელთუქმნელი ხატი გადაასვენეს კონსტანტინეპოლში და მოათავსეს ღვთისმშობლის ტაძარში. ამის შემდგომ დაწესდა მისი კონსტანტინეპოლში გადასვენების აღსანიშნავი დღესასწაული — 16 აგ-

ვისტოს. ჯვაროსანთა მიერ კონსტანტინეპოლის განადგურების შემდეგ, 1024 წლიდან ხელთუქმნელი ხატის კვალი იკარგება.

მაცხოვრის ხატის ორიგინალიდან მრავალჯერ იქნა გადახატული მისი გამოსახულება, მაგრამ მათგან თითქმის არაფერი შემონახულა, თუ არ ჩავთვლით ამასწინათ საქართველოში აღმოჩენილ ე. წ. „ანჩისხატის მაცხოვრის ხატს“. ეს ხატი შექმნილია VI, ან VII ს-ში (წ. ამირანაშვილი: ქართული ხელოვნების ისტორია, 1950, გვ. 126).

გარდა თვით მაცხოვრის მიერ დატოვებული ხატისა, რა თქმა უნდა, არსებობდა კიდევ იმ ადამიანთა მიერ შექმნილი გამოსახულებები ქრისტესი, რომელთაც იგი უნახავთ და იცნობდნენ. ეს გამოსახულებები დაედო საფუძვლად შემდგომ საუკუნეებში შექმნილ ხატებს. მათგანაც ძალზე მცირე ნაწილმა მოაღწია ჩვენამდე: ბევრი ხატომორკინალობის პერიოდში განადგურდა, ბევრი დრომ მოსპო; შემორჩა მხოლოდ უძველესი ფრესკები კატაკომბებში (ძირითადად რომში).

საეკლესიო თქმულებით ღვთისმშობლის პირველი ხატი შეუქმნია მახარებელ ლუკას. ამას მოწმობენ ეკლესიის მემკვიდრეები: ნიკიფორ კალისტი და მეტოფრასტე. უძველესი გადმოცემის მიხედვით, მახარებელი ლუკა მხატვარი იყო. აღასრულა რა მორწმუნეთა სურვილი — ენახათ ქვეყნის მხსნელის დედის სახე, შექმნა ღვთისმშობლის ხატი, და მიიტანა თვით ღვთისმშობელთან, რომელმაც წმ. ლუკას თავისი ლოცვა-კურთხევა გარდაავლინა. ამავე გადმოცემაში ნათქვამია, რომ მოციქულმა ლუკამ, სული წმიდის გადმოსვლის შემდეგ შექმნა ღვთისმშობლის სამი ხატი: ორი — ყრმით, ხოლო ერთი — ყრმის გარეშე.

ამჟამად არსებობს 30-მდე ხატი, რომელთაც მიაწერენ წმიდა მახარებელ ლუკას; რა თქმა უნდა, არა იმ აზრით, რომ ისინი თვით მისი ხელითაა შექმნილი — არც ერთს, მის მიერ შექმნილი ხატებიდან ჩვენამდე არ მოუღწევია. წმ. ლუკას ავტორობა აქ ისე უნდა გავიგოთ, რომ ესენი წმ. ლუკას ხატებიდანაა გადმოხატული. გადმოცემაში ნათქვამია, აგრეთვე, რომ ღვთისმშობლის ხატის შემდეგ, წმ. ლუკამ დახატა პეტრე და



წაროსთავის სახარება. XII ს. ხელნაწერის ზედა ფრთა, ზეშენ ოპიზარის
პედურობა.

წაროსთავის სახარება. XII ს. ხელნაწერის ქვედა ფრთა. ბეშქენ ოპიზარის ქედურობით.



პავლე მოციქულების პირველი გამოსახულებანი. საერთოდ, წმიდა მოციქულების გამოსახულებები ქრისტიანულ ხელოვნებაში გაჩნდა მაცხოვრისა და ღვთისმშობლის გამოსახულებების შექმნის დროსვე.

კატაკომბების პერიოდში მოციქულები გამოხატულნი იყვნენ სიმბოლურად — ბატკნის სახით, მაგრამ უკვე ამავე პერიოდში ჩნდება მათი პირდაპირი გამოსახულებებიც. ისტორიკოსი ევსევი კესარიელი ახსენებს მის დროს არსებულ პეტრე და პავლე მოციქულების ხატებს, მაგრამ საბოლოო სრული სახე იკონოგრაფიამ მიიღო ბიზანტიურ პერიოდში.


ქრისტიანობის გავრცელებასთან ერთად განვითარდა ხატწერაც, მაგრამ იმის გამო, რომ პირველი სამი საუკუნის განმავლობაში ქრისტიანული რელიგია აკრძალული იყო და დევნას განიცდიდა, ტაძრები არ არსებობდა; ქრისტიანებს უხდებოდათ მალვა, თავიანთი კრებებისა და ღვთისმსახურების კატაკომბებში ჩატარება.

კატაკომბები — ეს მიწისქვეშა აკლდამებია. რომაული კანონი ხელშეუხებელ ადგილად თვლიდა სამარხულებს, რომელი რელიგიისაც არ უნდა ყოფილიყო. კატაკომბები წარმოადგენდა დერეფნების ქსელს, ზოგ-

ჯერ 10—15 მეტრის სიღრმეზე. მათ კედლებში გაკეთებული იყო წალოები, სადაც გარდაცვალებულთა ნეშტს ასვენებდნენ. ეს წალოები შემდეგ ქვის ფილებით იხურებოდა, რომლებზედაც, ჩვეულებრივ, იწერებოდა გარდაცვალებულთა სახელი, ასაკი და დამარხვის თარიღი. ამ კატაკომბებში ქრისტიანები მარხავდნენ წმიდა წამებულებს, რომლებიც მრავლად იყვნენ იმ დროისათვის და მათ საფლავებზე ასრულებდნენ ღვთისმსახურებას. კატაკომბებში ჰქონდათ პატარა სამლოცველოები და უფრო დიდი ტაძრები, სადაც ტარდებოდა ღვთისმსახურება.

ღვენის პერიოდში ქრისტიანები იყენებდნენ წმიდა გამოსახულებებს, მაგრამ მათ აკეთებდნენ დიდი სიფრთხილით. არ სურდათ მათი სალოცავი ხელთ ჩავარდნოდათ წარმართებს. ისინი თავიანთი რწმენის საფუძვლებს ალევგორიულ ფორმებში გამოსახავდნენ. პირველი ქრისტიანები მიწისქვეშა აკლდამებში გამოსახულებებს კვეთდნენ ქვის ფილებზე, სამლოცველოში აკეთებდნენ ფრესკებს. ამ რომაულ კატაკომბებში პირველქრისტიანული ძეგლების უდიდესი რაოდენობა გადაურჩა განადგურებას.

პალმების, თევზების, ჩიტების, ფიალების, ლუხე-



წმიდაო ღმერთო, წმიდაო ძლიერო, წმიდაო უკვალო,
შეგვიწყალებ ჩვენ!



გელათი XI ს.

პეტრე გელათსა, თვით მას ელადსა.



ღვთისმშობელი. გელათის მონასტერი.



გელათი. ღვთისმშობლის ფრესკა.

ღირსმშობლები ქართულ მიწა-წყალს,
რაი გადარდებს?
გასწიე იგი „ნიკოფსიიდან
დარუბანდამდე“

ბის, წყალს დაწყურებული ირმებისა და სხვათა გამო-სახულებებში წარმართებს არ შეეძლოთ რაიმე უცნა-ური ეპოვება; ხოლო ქრისტიანებს ისინი მოაგონებდათ რწმენის ძირითად ჭეშმარიტებებს. მაგალითად, გამოხა-ტავდნენ პალმას, რომელიც ნიშნავდა ცოდვაზე გამარ-ჯებებს.

პირველი ქრისტიანების ყველაზე მეტად გავრცე-ლებული სიმბოლო იყო თ ე ვ ზ ი. იგი ხშირად გვხვდე-ბა სახარებაში. ქრისტეს მოძღვრების მიხედვით, ცის სასუფეველი ემსაჯება ბაღეს, რომელიც საცნაო ყვე-ლა ჯიშის თევზით. მეთევზისა და თევზის სახე, რო-გორც სიმბოლო მქადაგებლისა და მოციქულისა, ქრის-ტიანული გაგებით, სავეებით ნათელია; მაგრამ თევზის სიმბოლოს გავრცელებას ქრისტიანობაში ჰქონდა სხვა საფუძველიც: თევზის ბერძნული სახელწოდება „ი ხ მ ფ ი ს“ მოიცავს იმ ხუთი სიტყვის პირველ ასოებს, (იესო ქრისტე ძე ღვთისა მაცხოვარი), რომელიც გა-მოსახატავს იესო ქრისტეს ღვთაებრიობის რწმენას და მისი, როგორც მსხნელის მისიას. მაშასადამე, თევზის სახელწოდებაში ჩვენ ვაქვს ერთ სიტყვაში მოქცეული რწმენის სიმბოლოს ერთგვარი უძველესი ფორმულა. სწორედ ამ ხუთ ასოში მოქცეული ეს იდუმალი აზრი იქცა საბაბად თევზის სახის სიმბოლოდ მიღებისა. მე-ტალისაგან, ქვისაგან, სადაფის, ან შუშისაგან დამზადე-ბულ პატარა თევზებს ქრისტიანები ყელზე ატარებდ-ნენ ისევე, როგორც ჩვენ ვატარებთ გულსაყიდ ჯვრებს. იმის ნიშნად, რომ ეკლესია ემყარება ქრისტეს მცნებას, გამოსახული იყო თევზის ზურგზე მოთავსებული ხო-მალდი. ქრისტეც გამოსახული იყო პატარა თევზებით გარშემორტყმული დიდი თევზის სახით. ასევე გვხვდე-ბა დელფინის გამოსახულებები ზურგზე მოთავსებული პურის კალათით და ღვინით. აქ დელფინი ქრისტეს სიმ-ბოლოა, რომელმაც საცხოვრებელ საზრდოდ საკუთარი სისხლი და ხორცი გაიღო.

ლ უ ზ ა აღნიშნავდა ქრისტიანულ იმედს. ი რ ე მ ი, რომელიც წყალს სვამს, აღნიშნავს სულიერი წყურვი-ლის დაკმაყოფილებას. მაცხოვრის სხვა ძალზე გავრცე-ლებულ სიმბოლოდ გამოსახულებას წარმოადგენს მი-სი სიმბოლო ძველი აღთქმიდან — ბ ა ტ კ ა ნ ი. ბატკანი გამოიყენებოდა, აგრეთვე, საერთოდ ქრისტიანის და, პირველ რიგში, მოციქულების სიმბოლოდ გამოსახვი-სათვის; ხოლო მაცხოვრის სიმბოლო გამოსახული იყო როგორც მწყემსი კვერთხით ხელში და გვირგვინით თავზე. აკლდამებში არის, აგრეთვე, ბატკნის გამოსახუ-ლება, რომელიც დგას მთაზე, საიდანაც წყლის ოთხი ნაკადი მოედინება, სხვა ორი ბატკანი კი სვამს წყალს. ეს ნიშნავს, რომ მთა ეკლესიაა, ბატკანი მის წვერზე — ქრისტე, ოთხი ნაკადი — ოთხი სახარება, რომლებიც ოთხივე მხარეს თავიანთი წერილებით წყურვილს უკ-ლავენ სამყაროს, ბატკნები, რომლებიც წყალს სვამენ, აღნიშნავენ ადამიანის სულიერი წყურვილის დაოკებას ქრისტიანული მოძღვრების ცხოველმყოფელი წყლით. ორი ბატკნის გამოსახულება ქვევით აღნიშნავდა იუდე-ველთაგან და წარმართთაგან მოქცეულებს.

გარდა ამ სიმბოლოდ ფერწერისა, არსებობს უფ-რო გასაგები, უფრო პირდაპირი ფერწერაც. განსაკუთ-

რებით ხშირად გვხვდება მწყემსის გამოსახულება მხარზე შემოსული ცხვრით, ან მწვანე კორდებ-ზე ფარის მწყემსის დროს. ეს გამოსახულება ემ-ყარება საღვთო წერილის ტექსტებს. თვით ქრის-ტე ამბობს თავის თავზე „მე ვარ მწყემსი კეთილი“ ან, „არა ვიდრე მე მოვლინებულ ვარ, გარნა ცხოვართა მათ წარწყმედულთა სახლისა ისრაელისათა“ (მათე, 15,24). კეთილი მწყემსის სახით მაცხოვარი ყოველთვის გამოსახულია ხან ცხვრებით გარშემორტყმულ, ხან მხარზე ცხვარშემოსმულ ახალგაზრდა ყრმად. ზოგჯერ მას ხელში უჭირავს გრაგნილი — საღვთო წერილის სიმბოლო, ხან მწყემსის კვერთხი. მაცხოვარი მხარებზე ისევს მკვდარ ცხვარს, ე. ი., წმიდა მამების განმარტე-ბით, დაცემულ ადამიანურ ბუნებას, ადამიანურ არსს და მას ღვთაებრივ სიცოცხლესთან თანაზიარს ხდის. მი-წისქვეშა სამყაროს კედლებზე კეთილი მწყემსის გამო-სახულებას ღრმა აზრი ჰქონდა: თითქმის ყოველთვის მწყემსს ქამარზე ჰკიდია სოინარი (შვიდნასვრეტანი საკრავი), რომელიც მიგვანიშნებს შვიდ ქრისტიანულ საიდუმლოს, შვიდ ქრისტიანულ სათნოებას და ქრის-ტიანული მოძღვრების იმ ტკბილ ხმებს, რომელთაც ემორჩილება ადამიანთა ველური ვნებები. ეს უკანასკ-ნელი აზრი გამოსახულია ცხოველთა სიმბოლოდ გა-მოსახულებებით, რომლებიც, ივიწყებენ რა თავიანთ სიბოროტესა და სისხლის წყურვილს, მწყემსის სალაშ-რის ტკბილ ხმებზე გროვდებიან ერთად: ღომი; უძვე-ლესი თქმულების თანახმად, მშვიდად წევს ცხვრის გვერდით, ხოლო მორგვად შეკრული გველი არა ვნებს თავის მეზობლებს.

სიმბოლოები შთაგვაგონებენ იმ აზრს, რომ ქრის-ტიანული სულის სამყარო გარშემოხვეულია უბედუ-რებებით და ხიფათით, მაგრამ იგი არ არის საშიში, რად-გან ჩვენთან არის უფალი ღმერთი.

მამა-ღმერთი გამოსახება მოხუცის სახით, რადგან წინასწარმეტყველ დანიელის ჩვენებებში იგი წარმოდ-გენილია ხანდაზმულად. სულიწმიდა გამოსახებოდა მტრედისა და ცეცხლოვანი ენების სახით: მტრედის სა-ხით იგი გადმოვიდა ძე ღვთისაზე იორდანეში, ცეცხლო-ვანი ენების სახით კი — მოციქულებზე სულიწმიდის გადმოსვლის დროს.

კეთილი მწყემსის გამოსახულების გარდა გვხვდება სხვა გამოსახულებებიც; როგორცაა: ყრმა დანიელი ორ ღომს შორის, რომელიც ქრისტიანებს ამცნობს, რომ ისინი არ დაიღუპებიან. ვეშაპისაგან იონას ვანთავისუფ-ლების გამოსახულებაში იგულისხმებოდა ქრისტეს აღ-დგომის პირველსახე; ნოეს გადარჩენაში, რომელიც მტრედს უშვებს კიდობნიდან — ნათლობის პირველსა-ხე. დანიელი გადაურჩა ღომებს, ნოე წარღვნას, — ეს კი იყო ჩვენი გადარჩენის მათწყებელი. ისააკის მსხვერ-პლად შეწირვა გვიჩვენებს ქრისტეს ჯვარცმის, წამებისა და სიკვდილის სურათს.

ღვთისმშობლის გამოსახულება კატაკომბებში თით-ქმის ისევე ბევრია, როგორც მაცხოვრისა; მაგრამ, თუ მაცხოვარი ხშირად გამოიხატებოდა სიმბოლოდ, ღვთისმშობლის გამოსახულება უფრო რეალურია. ღვთისმშობელს გამოსახავდნენ ბავშვით ხელში. მის

გვერდით დგას წინასწარმეტყველი, რომელიც უთითებს ვარსკვლავებზე. ხშირად ღვთისმშობელი გამოისახებოდა მარტოც, ლოცვად აპყრობილი ხელებით.

კატაკომბებში ხშირად გვხვდება ვაზის გამოსახულება ყურძნის მტევნებით. ასეთი გამოსახულებები ჩვეულებრივ, წარმოადგენდნენ ან ყურძნის კრეფის სურათს, ან ჩიტებს, რომლებიც მტევნებს კენკავენ.

კლიმენტი ალექსანდრიელის გამოქმნით ყურძენი იძლევა ღვინოს, ისევე როგორც სიტყვა (ე. ი. უფალი) თავის სისხლს“. მტევნების მკენაკვი ჩიტები — ეს არის მორწმუნე სულელები (ჩიტი სულის სიმბოლოა), რომლებიც იკვებებიან ქრისტეს სისხლით და ხორციით. ძველ აღთქმაში ვაზი, რომელიც მოსეს წარგზავნილებმა მოიტანეს, იყო აღთქმული ქვეყნის სიმბოლო. ახალ აღთქმაშიც იგი აღთქმული ქვეყნის სიმბოლოა მათთვის, ვინც ეზიარება ქრისტეს სისხლსა და ხორცს. ვაზი, იმავე სიმბოლური მნიშვნელობით, დეკორატიული სიუჟეტის სახით, დღესაც აგრძელებს არსებობას.

სიმბოლოებმა დიდი როლი შეასრულეს პირველი ქრისტიანების აღზრდის საქმეში. მაგრამ, აი, დამთავრდა ქრისტიანთა დევნა და დაიწყო ქრისტიანობის გაფურჩქვნის პერიოდი. წმ. კონსტანტინეს დროს, ეკლესია უკვე ლეგალურად არსებობს და მისი მხატვრობაც იცვლება. ამასთან დაკავშირებით, IV—V სს-ებიდან ეკლესიაში ჩნდება სახარებისეული და ძველი აღთქმის სიუჟეტების უფრო მონუმენტური მოხატულობები. ამ პერიოდიდან ქრისტიანულ ეკლესიას აღარ სჭირდება

კატაკომბების სიღრმეში მალვა და ქრისტიანული ტაძრები შენდება დაუფარავად. კატაკომბების უბრალო ფერწერული მოხატულობები უკვე მიუღებელი გახდა წმიდა ტაძრისათვის. ძველი სიმბოლური გამოსახულებების პოეტური უბრალოება აღარ შეესაბამებოდა ეკლესიის მდგომარეობას. იგი აღარ საჭიროებდა სიმბოლურ ფორმებს.

კონსტანტინე დიდის ეპოქაში დგინდება ძირითადი საეკლესიო დღესასწაულები და იქმნება შესაბამისი ხატები. ამავე დროისათვის განსაკუთრებული ყურადღება ექცევა გამოსახულების გარეგნულ ფორმას, მაცხოვრის, ღვთისმშობლისა და მოციქულების სახის ნაკვთებსა და ტანსაცმელს. ახლა ქრისტეს უკვე აღარ გამოხატავდნენ მორჩილი, კეთილი მწყემსის სახით, არამედ — როგორც მეფეთა მეფეს — ტახტზე ასულს, თავისუფლად გაწვდილი მარჯვენით და მფრინავი ანგელოზებით გარშემორტყმულს. ამ დროისათვის წმიდა გამოსახულებები გვხვდება ფრესკული და მოზაიკური სახით, იქმნება ქანდაკებებიც.

ხატი ქრისტიანული რელიგიის ერთ-ერთი უმადგენელი ნაწილია. იგი ღმერთის შეცნობის ერთ-ერთი საშუალებაა, ერთ-ერთი გზა მასთან ურთიერთობისა. ამიტომ იგი არ შემოიფარგლება ამა თუ იმ ეპოქით, ან ამა თუ იმ ხალხით. იგი ისევე საყოველთაოა, როგორც მართლმადიდებლობის მხსნელი მოძღვრება, რომელიც ეკლესიას მოაქვს სამყაროსათვის.



**სულხან-საბა
ორბელიანის
დაბადების
340
წლისთვის**

„მთელ საქართველოს მამად მიაჩნია“ — წერს ერთი უცხოელი სულხან-საბა ორბელიანზე.

„სულხან-საბა ორბელისძე სიბრძნით აღხდა ორბების-ზე“ — ამბობს ხალხური მელექსე.

თანამემამულენი კი „სიბრძნე ფრიადს“ და „მსწავლულს“, „მრავალთა გამომკვლეველს“, ბრძენსა და ფილოსოფოსს“, „სიბრძნის წყაროს მდინარეს“ უწოდებენ. ასეთი შარავანდდით დგას ქართული მწერლობისა და ეკლესიის პანთეონში დიდი მწერალი, ბერი, ლექსიოგრაფი, დიდი სახელმწიფო მოღვაწე და დიპლომატი — სულხან-საბა ორბელიანი.

მრავალი დიდებული მამულიშვილი მოუცია ორბელიანთა გვარს საქართველოსთვის... მრავალი მწერალი, პოეტი, კალიგრაფი, სარდალი... ყველა მათ უბრწყინვალეს გვირგვინად ადგას სულხან-საბას სახელი. იგია უმაღლესი საზომი მამულიშვილობისაც, რწმენისაც, მწერლობისაც.

და ჩვენს თვალწინ კვლავ ცოცხლდება დღეს თავისი მრავალტანჯული სამშობლოს ბედზე ფიქრით დავით გარეჯის იოანე ნათლისმცემლის მონასტრის ბუფებთან ბერის სენაკში დაღამებული და ღმრთის წინაშე მამულის ბედზე მუხლმოყრით მლოცველი, ტრაგიზმით აღსავსე მისი მაღალი, მწუხარე სული. და ვხედავთ... ხაგს-მოჭიდებულ ნაბიჯებს მისას ევროპის ცივ და შორეულ გზებზე. იგი მიჰყვება ამ გზებს უკვე მოხუცი, თეთრი თმებით და ბერის სამოსით... მიჰყვება კვერთხით ზელში; მიიკვლევს გზას იტალიისა და საფრანგეთისკენ.

„მიხარია, რომ რომში დიდი ხმა და გივარდაო...“ — უთქვამს მისთვის ამ მგზავრობის დროს პაპს კლემენტი XI-ს... მის სიბრძნესა და დიდებულებას მოუხიბლავს საფრანგეთის იმპერატორიც... მაგრამ იმეამდ არც ევროპას და არც ლუი XIV-ს არ ეცალა საქართველოსთვის. საქართველო ამჟერადაც ერთხელ კიდევ უნდა დარწმუნებულიყო თავის მარტოობაში. ჩამქრალი იმედებით ბრუნდებოდა საბა იმ შორეული გზიდან...



წვიმა არ არი!
საბას კაბა დაუსველა რამ?!
თოვლი არ არი!
საბას თავი გაუთეთრა რამ?!
ყინვა არ არი!
სულხან-საბას აკანკალებს რა?!
რამ დაასველა?!
რამ დათეთრა?!
რა აკანკალებს?!
საქართველოა
მისთვის წვიმაც,
თოვლიც და ყინვაც!..“

(მ. მაჭავარიანი)

ასეთი სიმძაფრით მოდის დღეს ჩვენამდე თითქმის სამი საუკუნის წინათ განცდილი, მისი ჩამქრალი იმედების სიმწარე... მან თავისი ქვეყნის სახსნელად შორეული ქვეყნებიც მოიარა, კათოლიკობაც მიიღო, მაგრამ ამაოდ... ბოლოს თითონაც თავისი გაზრდილის — ვახტანგ VI-ის გზას დაადგა და ესეცვიატსკოეს ქართველთა სავანეში ჰპოვა უკანასკნელი თავშესაფარი. იქვე, ქართველთა სალოცავში შესთხოვდა მაღალ ღმერთს თავისი ქვეყნის ხსნასა და გადარჩენას.

წარსულთა დღეთა ავბედობამ მისი საფლავიც დაუკარგა საქართველოს. მაგრამ განუშორებლად, მუდამ ჩვენთანაა მისი მაღალი და კეთილშობილი სული... იგი

ისევ ლოცულობს ჩვენთვის... წიგნები კი, მისი დიდი წიგნები, ჩვენი მუდმივი თანამგზავრებია... „სიბრძნე-სიცოცხლისა“, „სიტყვის კონა“, „ქილილა და დამანა“, „მოგზაურობა ევროპაში“... მიმზიდველია მათი სიბრძნე; — მიუწვდომელია სილამაზე მათი ენისა. ყოველივე ეს ქართული მწერლობის დიდი საგანძურია და ჩვენმა ერმა დიდი ხანია თავისი ღირსეული კუთვნილი ადგილი მიუჩინა მათ.

მაგრამ არსებობს კიდევ მისი სხვა წიგნები, არანაკლები სიბრძნისა და ხატოვანებისა. და მათ დღემდე ნაკლებად იცნობს ჩვენი მკითხველი. ესაა მისი „სწავლანი“, „საქრისტიანო მოძღვრება (ანუ „სამოთხის კარნი“)“; „აღთქმა ქრისტიანეთა, რომელთა ენების სწავლებად კეთილისა გზისა უამსა სიკვდილისასა“ და სხვ., რომელთა დიდი ნაწილი ჯერ კიდევ ხელნაწერების სახით ინახება სიძველეთა საცავებში და მზის სინათლეს ელიან.


სულხან-საბა ორბელიანი

სწავლა სიმშვიდისათვის

„ნეტარ იყუნენ მშუკდნი, რამეთუ მათ დაიმკვდრონ ქუეყანად“ — იტყვის მათე სახარების ე, ე.

ხედავთ, მშვიდნო, რასა გიქადაგებთ უფალი: რომელი იყოს მშვიდ, მან დაიმკვიდროს ქვეყანა, და მერმე კიდევ ნეტარულ გყოფსთ? რომელსა ქვეყანასა გიქადაგებთ სიმშვიდით დამკვიდრებასა? — პირველად ამას საწუთოსა და გიბრძანებთ: ნუ მრისხანებით განძინდები, ნუ გინებით აღივსები, ნუ სიგლისპით განცოფნები, ნუ შფოთით აპირებთ თავსა შენსა, სანატრელი სიმშვიდე მოიგე და მე დაგიმკვიდრო ქვეყანა, ნუ აღიჭურვი

ს. ს. ორბელიანის ლექსიკონი, ხელნაწერი.



ჯაჭვითა, ნუ განეწყობი მკედრებითა, ნუ აღიღებ მახვილსა, (რომლისათვის იტყვის) მათეს სახარების კვ, ნხ: „რამეთუ რომელმან აღიღოს მახვილი, მახვლითა წარწყმდესო“, მშვიდ იყავ, სანატრელო, და მე დაგიმკვიდრო ქვეყანაო.

არა ნეტარულ-ჰყოფს ქრისტე მძლავრთა, არცა გმირთა, არცა ქვეყნისა მახართა, რომლისათვის იტყვის წინასწარმეტყველი დავით რმგ ფსალმუნსა შინა: „მსხვილ ბარკალი მამაკაცისა არა სთნდეს უფალსა, არამედ სთნდეს მოშიშნი მისნი“.

ვინა არს მოშიში უფლისა? — მშვიდი, რომლისათვის იტყვის წინასწარმეტყველი: „მშუდსა ზედა განიუფენა სულმან ჩემმან“.

საყვარელნო, სიმშვიდე ვითარ სანატრელ არს, იცია, რამეთუ მსგავსება არს ღმრთისა, რამეთუ იტყვის წმიდა მათე ია, კთ: „ისწავეთ ჩემგან, რამეთუ შვიდ ვარ და მდბალ გულითა“?

ხედავა, ვითარ ნეტარულ იქმნები, ვინაფთგან ღმერთს მიემსგავსები?

უკეთუ სიმშვიდით ღმერთსა მიემსგავსები, რაფსათვის არა მოიგებთ ყოველნი სიმშვიდესა?

ქრისტე რაფსათვის შეამსგავსეს წინასწარმეტყველთა ცხოვარსა და ტარიგსა?

— სიმშვიდისათვის!

ვითარცა ცხოვარი უხმობლად დგას წინაშე მრისველისა, რომელი სძრცვის სამოსელსა მისსა და აღკვეცს მატყლთა და სიმშვიდით არა განევლტის, ეგრეთვე ქრისტე დგა წინაშე მტანჯველთა მისთასა სიმშვიდით, ოდეს კნისისათვის ჩვენისა იტანჯებოდა და არარასა მიუუგებდა.

ხედავა ცხოვართა უგულისხმოთა და უცნობოთა, რომელ სიმშვიდითა მათითა ვითარ დაიმკვიდრეს ქვეყანა და ვითარ განამრავლა უფალმან ყოველსა სოფელსა?

ცხოვარნი წელიწადთა შინა ერთსა შობენ კრავთა და ძაღლნი, და მგელნი და სხვანი მკეცნი რომელიმე ორგზის, რომელიმე ერთგზის ათორმეტთა ათთა, რვათა და გინა ექვსთა შობენ და არასადა არს სიმრავლე მათი. ცხოვართა ჩვენ კაცნი ვსჭამთ და უფროფსად მგელნი და სხვანი მხეცნიცა, და ცხოვარნი არავის მავნებელ არიან, არამედ მშვიდ და უწყინარ. ხოლო მრავლის მშობელნი იგი, რომელსა არცა ჩვენა ვსჭამთ და არცა მკეცნი,

ლმერთმან არა განამრავლა, და არცა დაუმკვიდრა ქვეყანა მტაცებლობისა და სხვათას მგლეჯველობისათვის და ქმნა იგინი იშვით ქვეყანასა ზედა, ხოლო ერთისა მშობელი და ყოველთა საქმელი და სატაცებელი ცხოვარი ესრეთ განამრავლა ქვეყანასა ზედა, რომელ ვერა რომელმან აღრიცხვნეს არე-არეგობა მათი სიმშვიდისათვის მათისა.

ეგრეთვე ტრენდი და გვრიტნი ვითარ უნდო ფრინველნი არიედ და მცირისა ფასისანი, რომელ თვითო ტრენდი სამ ფოლად, გინა ოთხ ფოლად განისყიდებიან, ეგრეთვე გვრიტნი. ხოლო ქორნი და შავარდენნი და მისთანანი — შვენიერ და მრავალ-ფას, და დიდებულთა საყვარელ და მეფეთა სანდომ, რომელთა შინა მისცემენ დრაჰკანთა მრავალთა; არამედ უნდონი ტრენდი და გვრიტნი შეიწირვიან ღმრთისათვის მსხვერპლად სიმშვიდისათვის მათისა, ხოლო რჩეულნი და მრავალ-ფასისა ქორნი და შავარდენნი არა შეიწირვიან ღმრთისა უმშვიდობობისათვის მათისა და სხვათას კორცის ჭამისათვის. უმეტესი ესე: რამეთუ სული წმიდა მოვიდა სახედ ტრენდისა და ნათლის-მკემელი წმიდა იოანე ამსგავსეს გვრიტსა, ხოლო ქორთა და შვეარდენთა არა რომელი წმიდა ემსგავსა მძინვარებისათვის მათისა და მტაცებლობისათვის.

ვინაიდან სიმშვიდე ესრეთ საყვარელ არს, რომელ ყოველნი წმიდანი მას ზედა ქადაგებენ და ყოველნი წმიდანი მას ზედა გამოისახვიან, გვიღირს ყოველთა გლისპთა, რათა დაუტეოთ მრისხანება და მოვიგოთ სიმშვიდე პატიოსანი.

გესმისთ და ხედავთ: მშვიდსა ტრენდსა ემსგავსა სული-წმიდა, მშვიდსა ზედავე განისვენებს სული ღმრთისა, მშვიდსა ცხოვარსა ემსგავსა ქრისტე, მშვიდსა გვრიტსა შეამსგავსეს ნათლის-მკემელი, მშვიდსა ნეტარებასა მისცემს ქრისტე და უბრძანებს სოფლისა დამკვიდრებას!

თქვენცა მოიგვეთ სიმშვიდე პატიოსანი!
ბრძანებს: „ნეტარ იყუნენ მშვიდნი, რამეთუ მათ დაიმკვიდრონ ქუეყანა“.

სადა დაიმკვიდრების საწუთო ესე, რომელ კაცნი ოთხმეოცსა წელსა ვერა იცოცხლებენ? სადა იქმნა დამკვიდრება? ვიდრე ცოცხალ იყოს მშვიდი, სოფელიცა ესე დაიმკვიდროს, ხოლო ქრისტეს მიერ ქადაგებული სასუფეველი დაიმკვიდროს უკუნისამდე, რომელ არს სოფელი წარუვალი და სამკვიდრებელი მშვიდთა, მოუშლელი სამარადისოდ.

რა გნებავსთ, ჰოი მშვიდნო, უდიდესი ამისი? ვითარსა პატიესა გყოფსთ უფალი, ვითარ განიჭებსთ, ვითარ მიგიზიდავსთ, ვითარ აღგამალლებსთ!

„ნეტარ იყუნენ მშვიდნი, რამეთუ მათ დაიმკვიდრონ ქუეყანა“, ქვეყანა იგი, სადა ღმერთი მთავრობს!

დაიმკვიდრონ მშვიდთა სუფევა მამისა, დიდება ძისა, მადლი სულისა წმიდისა!

დაიმკვიდრონ მშვიდთა ქვეყანა ზეცისა, ნათელი სამებისა, პირისპირ მზერა ყოვლად წმიდისა, სამყოფელი სერობინთა, ადგილი ქერობინთა, საშვებელი ანგელოზთა, მეგობრობა მთავარ-ანგელოზთა!

დაიმკვიდრონ მშვიდთა ქვეყანა წარუვალი, ქვეყანა მართალთა, თემი წმიდთა, სავანე მოციქულთა, სახლი


წინასწარმეტყველთა, სადგური მოწამეთა, განსასვენებელი მღვდელთ-მოძღვართა, ყოფნა მამათ-მთავართა!

დაიმკვიდრონ მშვიდთა და არა გლისპთა და მტაცებელთა ქვეყანა აღთქმისა, ზეცისა იერუსალიმი, უკვდევება, უზრუნველყოფა, მზისაგან უნათლესყოფა, ელვათაგან უბრწყინვალესობა, ყოველთა ზეციერთა წესთა მინიჭება!

მშვიდნო, ღმრთისაგან ნეტარეულნო, მშვიდნო, წინასწარმეტყველთაგან სანატრელნო და მღვდელთ-მოძღვართა მიერ საქებელნო, თავს-იდევით სიმშვიდე და ნუ მოაკლებთ კეთილსა საქმესა მაგას, ნუ მოუძღურდებით, რათა არა გამოსცივინეთ სასუფეველისა და ნიჭისაგან ღმრთისა და დიდებისა მისგან წარუვალისა, ვითარცა გლისპნი და მრისხანენი, ვითარცა მტაცებელნი და მძლავრნი, განშორებულნი ღმრთისაგან, არამედ თქვენ უფრომად თავს-იდევით და მოიგეთ სიმშვიდე ქრისტეს მიმსგავსებელი და მოიგეთ ქვეყანა იგი, რომელი გიქადათ ქრისტემან, და დაიმკვიდრეთ ყოფნა მისთანა, რათა სამარადისოდ იხარებდეთ მისთანა და იდიდებოდეთ უკუნისამდე, ამინ.

სვეტო ნათლისაო, ბრწყინვალედ განათლებულო, განანათლენ გალობით მვედრებელნი შენნი.





შენი სიცოცხლე ერს უხარია

მაცხოვრის კვერთხის მპყრობელი ხელთა,
 შეჭიდებული უხილავ მტერთან,
 სიმხნით და ღვაწლით აღურცხველთა,
 უძღვი ცად მიმართ, ცხოვართა შენთა.
 აყვავებული სანთლები ხატთან
 სიკეთის დღეთა იყვნენ მაცნენი, —
 სიწმიდის მაღლად და სასწაულად
 მშობელთა ღოცვით აღმონაცენნი.
 იმედოსხმულან შენი დღეები,
 სიხარულს ყოველს რომ უწილადებ,
 შენი ფიქრია, — შენი მამული
 სამარადისო ნათლით ბრწყინავდეს
 თუ საქართველო წმიდა ჯვარია,
 ნატრობ, სამოთხის კართან იყოსო...
 შენი სიცოცხლე ერს უხარია,
 მრავალჟამიერ, კათალიკოსო!..



* * *

სანთლებერ ვერ იწვი კეთილად ქმნილი,
 რად მარადიულს — წარმავალს არჩევ?
 შენი სიცოცხლის ელვა-ყვავილი
 ხვალ უნდა ნიშნად საწუთროს დარჩეს,
 დაუდგრომელნი ჰქრიან ჰუნენი,
 მზით, სიყვარულით და გაწამებით.
 საუკუნენი, საუკუნენი,
 წლები, თვეები, დღენი, წამები...
 მწამს უკვდავება, როგორც იმედი, —
 სიკეთისადმი ღტლოვა კვლავ თუა...
 სულს ელვად ქცეულს ჰგავს ნათლის სვეტი,
 სიკვდილისა და სიცოცხლის შუა.

* * *

ღვთივ კურთხეულო ვენახო

უშენოდ ყოფნა მეშინის
 ვკოცნი შენს წმიდა ჭრილობას,
 მემამეება მე შენი
 ლამაზი დედა-შვილობა.
 შენი ცისკრების ჭირიძე,
 ღვთის წინ მავალო მართლადა,
 როს დამიდგება ჯერი მე,
 დაგადნე წმიდა სანთლადა.
 სიცოცხლე შენით იწყება,
 თვით უკვდავებაც შენა ხარ, —
 სიკვდილის გადავიწყებაც,
 ღვთივ კურთხეულო ვენახო.
 იკურთხოს შენი ცა-მიწა,
 ყველა ყვავილი, ყველა ხე,
 ცრემლი გაშოროს უფალმა,
 სულ სიხარულში გვენახე.



ყოვლად კეთილო და სახიერო,
 დიდება შენდა, ღმერთო ძლიერო!
 შენი სიკეთის, შენი სიკეთის,
 ვინ გადიხადოს სამაგიერო!
 დიდება შენდა, ღმერთო ძლიერო,
 დიდება შენდა, ღმერთო ძლიერო...
 თვალმუდგამი ნათლით ბრწყინავ შენ,
 ვძრწი უღირსების ჩემისა გამო...
 ვით წარმოვდგები მე შენს წინაშე
 ჩემი მზის დასვლის როს დგეს საღამო?

ნეტარ არს, ვინაც განსწმიდა სული
 ცრემლით, ვედრებით ღამისმთევველი,
 ვინც წინ აღუდგა საკუთარ სურვილს,
 ამაოების არ მიმთნეველი
 და ალაველია ღოცვა უმანკო,
 ტკბილსასურველი, ვით საკმეველი.
 გამოუთქმელი საკვირველების,
 მიუწვდომლობის, ყოველივესი...
 სიბრძნის, სიკეთის, სახიერების —
 შენ ხარ მიზეზი,
 შენ ხარ მიზეზი...

შენ გევედრები ყოვლად ცოდვილი,
 ქედღარეკილი, მუხლოყრით ესე:
 ნუ თანაწარმწყემდ ცოდვათა ჩემთა,
 გულდამძიმებულს საწუთროს შხამით
 და დაუშრეტელ ცეცხლის დამშრეტად
 მომმადლე ცრემლი დღითა და ღამით,
 ვინც მვედრებულთა ვედრებას ისმენ —
 მარადიული ტანჯვისგან მიხსენ.

მცხეთის ჯვარი

დრო თუ ახალი სიცოცხლით ავსებს,
 სულში წარსულის ნაღველიც წვეთავს,
 წლები მიემსხვრა გრანიტის ფრთაზე...
 რა აღარ ახსოვთ მასა და მცხეთას.
 გაღუტანია ბევრი ვაება,
 გადაიარა ტკივილმა გულზე...
 დგას სანატრელი, ვით უკვდავება
 და საქართველოს მომავალს უმზერს.





ბტნი. შთაარანგელოზი გაბრიელი.

კურთხევა უფლისა თქვენზედა...

ურთიერთობა ალბენილია

(რომის შთაბეჭდილებები)

გადაწყდა: უნდა გავფრინდე რომში. დღეგაცაიდა მოსკოვიდან მიემგზავრება. ორი ოქტომბერია. რუსეთის ეკლესიის წარმომადგენელი, საგარეო საქმეთა თავმჯდომარე, მიტროპოლიტი იუბენალი წინა დღეს წასულიყო. მე ლიტვისა და ლატვიის კათოლიკური ეკლესიების პაპის, მომადგენლებთან ერთად მომიხდა მგზავრობა. ყველანი ჩვეულებრივი, სამოქალაქო კოსტუმებით იყვნენ. ჩემი ჩაცმულობა კი ძალაუნებურად იზიდავდა თვალს... მით უმეტეს, რომ თვითმფრინავში ჩვენთან ერთად იტალიელი ჟურნალისტი მსხდარან... ისინი დაინტერესდნენ ჩემი ვინაობით; გაიგეს, რომ მე საქართველოს უძველესი ეკლესიის წარმომადგენელი ვარ და რომში პაპის, იოანე-პავლე პირველის დაკრძალვაზე მიემგზავრები. ირგვლივ შემომისხდნენ და პრეს-კონფერენცია მომიწყვეს. შვიდი, თუ რვა ჟურნალისტი იყო... ყველანი საქართველოში ნაყოფნი იყვნენ და ძველი ქართული არქიტექტურის ძეგლებიც ენახათ... მაგრამ ქართული ეკლესიის შესახებ არაფერი სემონდათ. და ყოველივე, რასაც მე ჩვენი მართლმადიდებლობის შესახებ ვუამბობდი, მათთვის უაღრესად საინტერესო აღმოჩენად იქცა. — ძველი ტაძრები კი მართლაც შესანიშნავი გაქვთ, მაგრამ არ გვეგონა, თუ დღეს ისინი მოქმედი იყო.

კითხვებს კითხვებზე მაძლევენ:

— რა განწყობით მიზრძანდებით დაკრძალვაზე? — ასეთი იყო პირველი კითხვა.

მე ვუპასუხე, რომ დაკრძალვაზე ადამიანი ერთი განწყობით მიდის: ეს არის სამგლოვიარო შემთხვევა, რომელიც მხოლოდ მწუხარებას იწვევს.

აინტერესებდათ — როდინდელია, რამდენსაუკუნოვანია ქართული ეკლესია, არის თუ არა დამოუკიდებელი, ვინ არის პატრიარქი, ვყოფილვარ თუ არა რომში, მაქვს თუ არა ოჯახი და სხვა...

მათთვის საინტერესო იყო ისიც, რომ დიდი სულხან-საბა ორბელიანის მოგზაურობის შემდეგ საქართველოს ეკლესიის ოფიციალური წარმომადგენელი პირველად მიემგზავრებოდა ვატიკანში. ამ ფაქტმა სათანადო გამოხმაურება პპოვა რომის პრესაშიაც. თითქმის ყველა გაზეთი აღნიშნავდა ქართველი ეპისკოპოსის ჩასვლას რომში. ვფიქრობ, ამაში ერთგვარი და განსაკუთრებული წვლილი ჩემმა ნაცნობმა ჟურნალისტებმაც შეიტანეს.

ახალი ამაში, რა თქმა უნდა, არაფერი იქნება, თუ ვიტყვი: რომმა ჩემზე დიდი და წარუშლელი შთაბეჭდილება მოახდინა. მისი მარადიული სილამაზე და დიდებულება ერთნაირად აოცებდა და აოცებს ყველას, ვისაც კი იგი უნახავს. ეს შთაბეჭდილება დაიწყო იმ პირველი წუთიდანვე, როცა თვითმფრინავიდან გამოვედი და წავიკითხე წარწერა: „ლუიწარდო და ვინჩის სახელობის აეროდრომი“, — ამან ძალიან მომიხიბლა.

ოთხ ოქტომბერს დანიშნული იყო პაპის დაკრძალვა... მღელვარებით მოველოდი ამ ცერემონიას. იგი ჩატარდა ღია ცის ქვეშ, წმიდა პეტრეს ტაძრის წინ, მოედანზე... ორასი ათასზე მეტმა კაცმა ჩაიარა ამ დღეს განსვენებულის ცხედართან... საიდან არ იყვნენ ჩამოსულები... ჩემთვის განსაკუთრებით თვალში საცემი და საინტერესო იყო ის სიძუნწე და ლაკონიურობა, რომელიც თან ახლდა სამგლოვიარო წირვა-მესას.

კუბო დახურული იყო. ზედ გამოკვეთილი იყო ყვირთელი ფერის; საროს ხის ჯვარი, ესვენა ბიბლია. ეს იყო და ეს. გამოსამშვიდობებელი სიტყვა წარმოსთქვა ვატიკანის კარდინალთა დეკანმა ფოლოკოლონიერმა. ბოლოს პაპის ცხედარი შეასვენეს წმ. პეტრეს ტაძრის პაპთა განსასვენებელ აკლამაში.

5 ოქტომბერს შეხვედრა მქონდა ვატიკანის ქრისტიანული ერთობის დეპარტამენტში. ვესაუბრე ეპისკოპოს ტორელის. მან კმაყოფილება და სიხარული გამოთქვა რომში საქართველოს ეკლესიის წარმომადგენლის ჩილეის გამო. ძალზე სასურველია, გაღრმავდეს ურთიერთობა საქართველოსა და ვატიკანს შორის, — აღნიშნა მან.

6 ოქტომბერს საშუალება მომეცა დამეთვალყიერებია რომი. ვნახე წმ. პეტრეს, წმ. პავლეს, სანტა-მარია-მაჯორე (ღვთისმშობელისა), ალდგომისა, წმ. კლემენტის ტაძრები და სხვ. თვალი შევავლე რომის კოლიზეუმს, იმპერატორთა ფორუმებსა და კატაკომბებს... დიდი შთაბეჭდილებები დამეუფლა.

შიშის გრძობა გიპყრობს, როცა ხედავ ადამიანის ხელით შექმნილ ამ საოცრებებს... უყურებ, მაგალითად, მიქელანჯელოს პიეტას და ფიქრობ, რომ ცოცხალი, მწუხარე ღვთისმშობელი ზის, შვილი კი თითქოს მიწარეა... საოცარ შთაბეჭდილებას ქმნის სარკმლიდან შემოსული მზის სხივი, რომელიც ქანდაკებას ეცემა. ეს უნდა ნახო, ამის სიტყვებით გადმოცემა შეუძლებელია... და აქეთ კიდევ: რაფაელი, ტიციანი... ერთი წუთითაც არ გტოვებს მათზე ფიქრი და თაყვანისცემა, ვინც ასეთი საოცრება შექმნა.

ბევრად საინტერესო მაინც, რომში მეორედ მგზავრობა იყო. თავისთავად, შინაარსიც ბევრად სასიამოვნო ჰქონდა იმ მისიას, რომელიც ამჯერად დამეკისრა... მივდიოდი პაპის აღსაყდრების დღესასწაულზე. აღსაყდრება შესდგა 21 ოქტომბერს. აქაც ყველაფერი ლაკონიურად და ძუნწად.

წმიდა პეტრეს მოედანი ამ დღესაც ხალხით იყო სავსე. ღია ცის ქვეშ ჩატარდა საღვთისაწაულო წირვა: არავითარი გვირგვინის დადგმა პაპის თავზე (ეს გაუუქმებია უკვე პავე VI-ს), არც მისი ბრწყინვალე შესამოსელოთ შემოსვა — ყველაფერი გაადვილებული და გა-

მარტივებულია; პავლეს უთქვამს: გვირგვინოსანი ერთადერთი მხოლოდ ღმერთი არისო...

პაპს თეთრი შესამოსელი ეცვა, იმავე დღეს მიმილო. დიდი კმაყოფილება გამოთქვა იმის გამო, რომ მის აღსაყდრებას ქართველი ეპისკოპოსი დაესწრო.

— ვიცი, რომ ქართული ეკლესია უძველესი ეკლესიაა და ჩვენი სურვილია, კონტაქტები, რომელიც უკვე აღსდგა, უფრო გავაღრმავოთ და გავაძლიეროთ.

ახალ პაპს საქართველოს ეკლესიის პატრიარქის სახელით საჩუქრად მივართვი ხისგან ნაკვეთი ბარძიმი (მხატვარი წერეთელი). მან ინტერესითა და სიამოვნებით მიიღო იგი და აღნიშნა — „ეს ფრიად ორიგინალური საჩუქარიაო“ (ძირითადად სულ ხატები მიაართვეს). გადაგვიღეს სურათები და როგორც პირველი მგზავრობის დროს, პრესამ ამჯერადაც სათანადოდ აღნიშნა ქართველი ეპისკოპოსის ვატიკანში ჩასვლა.

შთაბეჭდილება ძალზე ბევრი დამიგროვდა და ყველაფერზე ლაპარაკი და, მით უმეტეს, წერა, ძნელია. მაგრამ ზოგ, განსაკუთრებით დასამახსოვრებელ შთაბეჭდილებას მაინც გავიზიარებთ.

ძალიან მომეწონა თვით ვატიკანი. ესაა ქალაქი ქალაქში, უფრო სწორად, — როგორც მას უწოდებენ: — სახელმწიფო სახელმწიფოში. იგი გარშემორტყმულია ვეებერთელა, აგურისაგან ნაშენი მაღალი გალავნით. ეზო დაყოფილია უბნებად. უბნიდან უბანში თაღოვანი გასასვლელებია და ყველა გასასვლელთან შუასაუკუნოებრივი სამხედრო წესით, სათანადო სამოსელითა და შუბებით ვატიკანის გვარდიის შეიარაღებული ჯარისკაცები დგანან. ვატიკანი გარედან არავითარ განსაკუთრებულ შთაბეჭდილებას არ ტოვებს, შიგნით კი მომხიბვლელია მისი მდუმარე დიდებულება, მომხიბვლელია არქიტექტურა... დიდი ინტერესით დავათვალიერე ვატიკანის მუზეუმში, შეუღარებელი სიქსტუს კაპელა, — ლეონარ-

დო, მიქელანჯელო, რაფაელი, ბოტიჩელი. ვიმოგზაურე სამხრეთ იტალიაში, გახლდით ქალაქ ბარში, სადაც ასვენია წმიდა ნიკოლოზის ნაწილები. ამისრულდა ოცნება: — მუხლი მომეყარა ამ საფლავის წინაშე. თაყვანი ვეც წმიდა ადგილს და ჩემი მფარველი ანგელოზის საფლავთან ქართულად ვილოცე, შევასრულე სამადლობელი პარაკლისი. მთელი დღე დავყავი იქ.

მეორე დღეს ისევ უკან დავბრუნდი და ვნახე მოსე — ადამიანის ხელით შექმნილი ერთ-ერთი ყველაზე დიდი, ამქვეყნიური საოცრება. ეს არის ამეტყველებული ქვა, რაღაც წარმოუდგენელი გრძნობა დამეუფლა; შეეყურებდი ამ ქანდაკებას და მინდოდა მასთან ლაპარაკი... მე ნამდვილი, ცოცხალი მოსეს წინაშე ვიდექი და ვხედავდი მის თვალებს... გულში კი ხშიანობდა უკვდავი მიქელანჯელოს სიტყვები:

„რა ძლიერი ხარ, ო, ჩემში, ღმერთო!“ — ასე ნიჭიერად თარგმნილი ჩვენი დიდი მწერლის კონსტანტინე გამსახურდიას მიერ.

მე, ალბათ, მსგავს საოცრებას ვერასოდეს ვეღარ ვნახავ. — ეს თითქოს ადამიანის ქმნილება არაა. რამდენი რამ დაწერილა და თქმულა ამ ქანდაკებაზე. ვიდრე ვნახავდი, წინასწარ ზეპირად ვიცოდი ყოველივე მის შესახებ, და მაინც, გამოგნებელია მასთან შეხვედრა... რა აძლევს მოკვდავ კაცს ასეთ ზეადამიანურ, ტიტანურ ძალას და შთაგონებას, თუ არა ღმერთი... ამას კარგად გრძნობდა თვით მიქელანჯელოც.

ბედნიერი ვარ, რომ ვნახე ადამიანის ხელით შექმნილი ეს ღვთაებრივი სასწაული, — ვნახე იტალია, — ვატიკანი, — ვნახე ბევრი რამ და დასასრულს ვიტყვი მხოლოდ ერთს: შეუქლებელია ამ ხალხის მიმართ, რომელმაც ასე უხვად და ნიჭიერად გადაუხადა ხარკი ცისა და ქვეყნის გამჩენს, არ განეწყო უდიდესი მადლიერებისა და პატივისცემის გრძნობით.



ეპისკოპოსი ნიკოლოზი, კურთხევის დღე.



**სრულიად საქართველოს
კათოლიკოს-პატრიარქის
ილია II**

გ ა ნ ც ხ ა დ ე ბ ა

ამ დღეებში ჩვენთვის ცნობილი გახდა, რომ გარეშე ძალების შთაგონებით ლიბანის მემარჯვენე ქრისტიანებმა მათ ქვეყანაში მცხოვრები სომეხი მოსახლეობის მიმართ გააჩაღეს ტერორისტული მოქმედებანი, რამაც მრავალი უდანაშაულო ადამიანი იმსხვერპლა; მათ შორის ბავშვები და უმწეო მოხუცები.

ჩვენ აღგვაშფოთა ამ ცნობამ, რის გამოც კატეგორიული მოთხოვნით მივმართეთ მსოფლიო ეკლესიათა საბჭოს, მიიღოს გადაწყვეტილი ზომები ამ მასობრივი ბოროტმოქმედების აღსაკვეთად.

ჩვენ, ქართველები, ისტორიის დასაბამიდან ვცხოვრობთ უძველესი კულტურისა და ტრადიციების მქონე მოძვე სომეხი ხალხის მეზობლად. ამ ხნის მანძილზე ერთად გადავიტანა მრავალი განსაცდელი, მტერთა შემოსევა და სხვა ბედუკუღმართობანი და არ შეგვიძლია გულგრილნი დავრჩეთ ლიბანში მცხოვრებ მათ თანამემამულეთა ტრაგედიის მიმართ. მსგავსი ტერორისტული აქტები ეწინააღმდეგება ქრისტიანული რწმენის პრინციპებს. ეგვს არ იწვევს, რომ ეს გარეშე ფარული ძალების მიერ არის გამოწვეული.

ჩვენ მოვუწოდებთ ყველა ქრისტიანსა და სხვა, მშვიდობისმოყვარე ადამიანებს, ხმა აღიმაღლონ ამ აღმავფოთებელი ფაქტის წინააღმდეგ.

ილია II

სრულიად საქართველოს
კათოლიკოს-პატრიარქი.

ქრისტიანული მშვიდობა

**სრულიად საქართველოს
კათოლიკოს-პატრიარქ
ილია II**

ქრისტეს მიერ საუკვარელო ძმად! გულის სიღრმემდე აგვადელოვა თქვენმა განცხადებამ ლიბანში მცხოვრები სომეხი მოქალაქეების ტრაგიკული ბედის გამო.

თქვენი ლოცვები, თქვენი თანაგრძნობა ნათელი გამოხატულებაა გულწრფელი, ნამდვილი თანაგრძნობისა საერთოდ, მთელი სომეხი ხალხის მიმართ.

მიიღო, თქვენო უწმიდესოებო, ჩვენი მადლობა და კეთილი სურვილები...

ახალ-ახალ აღმავლობას ვუსურვებთ ქართულ ეკლესიას.

ჩვენ მუდამ ვიქნებით ერთად.
ძმური სიყვარულით

გ ა ზ გ ე ნ I

ყოველთა სომეხთა
უმაღლესი პატრიარქი.

**სრულიად საქართველოს
კათოლიკოს-პატრიარქ
ილია II**

დიდი მადლიერებითა და მღელვარებით წავიკითხე თქვენი განცხადება ბეირუთში მშვიდობიანი სომეხი მოსახლეობის წინააღმდეგ გამართული სისხლიანი ტერორის გამო.

ჩვენ, საქართველოს მიწაზე მცხოვრებმა სომეხებმა, უფრო მეტად, ვიდრე ვინმემ

სხვამ, ვიცით იმ ნამდვილი, ძმური სიყვარულისა და მეგობრობის ფასი, რომელსაც მუდამ ვგრძნობთ ქართველებისაგან. ქართველ ხალხს, ქართულ ეკლესიას, ქართველ დიდ მოღვაწეებს საუკუნეთა მანძილზე არაერთხელ გამოუწვდიათ დახმარების ხელი სომეხთათვის მათი განსაცდელისა და გასაკვირის უამს.

და დღეს, მე, საქართველოში მცხოვრები ერთ-ერთი სომეხი მოქალაქე, რომელიც იცნობს ჩვენი ხალხების როგორც ისტორიას, ისე დღევანდლობას, გულის სიღრმემდე შემძრა და ამაღლევა თქვენი უწმიდესობის უაღრესად მაღალმუშანურა განცხადებამ.

ვბედავ და მოგახსენებთ უდიდეს მადლობას თქვენ, საქართველოს დიდებულ კათოლიკოს-პატრიარქს. სომეხი ხალხი არასდროს არ დაივიწყებს თქვენს მაღალადამიანურ და მოქალაქეობრივი სიყვარულით სავსე თანაგრძნობას, რომელიც ასეთი დიდი კრიზისის უამს გამოხატეთ ჩვენი თანამემამულეების მიმართ.

ულრმესი მადლობითა და მოკრძალებით

ბ. პ. ოვსიანიანი.

30 ნოემბერი, 1978 წ.
ახალქალაქი,

სრულიად საქართველოს კათოლიკოს-პატრიარქი ილია II და ყოველთა სომეხთა უმაღლესი პატრიარქი ვაზგენ I



სტუმრები ამერიკიდან

1978 წლის 30 სექტემბერს სრულიად საქართველოს კათოლიკოს-პატრიარქს უწმიდესსა და უნეტარეს ილია II-ს აშშ-დან ესტუმრნენ ამერიკის ავტოკეფალური მართლმადიდებელი ეკლესიის წარმომადგენლები — სრულიად ამერიკისა და კანადის მიტროპოლიტის, ნიუ-იორკის მთავარეპისკოპოსის, უნეტარესი თეოდოსის ხელმძღვანელობით. სტუმართა დელეგაციაში შედიოდნენ: არქიმანდრიტი ბორის გიზა, რომელიც უნეტარესი თეოდოსის ქორეპისკოპოსად უნდა აკურთხონ მოკლე ხანში; დეკანოზი დანიელ გუბიაკი; დეკანოზი, პროფ. იოანე მენინდორფი, დეკანოზი არტურ ლაილინი — აშშ-ის ალბანური მართლმადიდებელი ეკლესიის წარმომადგენელი, დიკონი სტეფან მხოლოკი, ნიუ-იორკის უნივერსიტეტის პროფესორი, ფილოლოგიისა და თეოლოგიის დოქტორი — კონსტანტინე კალაური. სტუმრებს ახლდნენ რუსული მართლმადიდებელი ეკლესიის წარმომადგენლები: ეპისკოპოსი ირინე — მოსკოვის საპატრიარქოს მმართველი კანდასა და აშშ-ში (დროებით) და დიკონი ნიკოლოზ დიმიტრიევი.

სრულიად ამერიკის ავტოკეფალური მართლმადიდებელი ეკლესია 1970 წლიდან ითვლის თავისი არსებობის წლებს ავტოკეფალიამდე იგი რუსეთის საპატრიარქოს გამგებლობის ქვეშ იმყოფებოდა. 1970 წელს „ტომოსი“ მოსკოვიდან ავტოკეფალიის შესახებ თვით ჩვენმა სტუმარმა, უნეტარესმა თეოდოსმა ჩაიტანა ამერიკაში.

უნეტარესი თეოდოსი დაიბადა 1933 წლის 27 ოქტომბერს კონანსბერგში (პენსილვანიის შტატი), 1961 წლის 10 ოქტომბერს აღიკვეცა ბერად. 1967 წლის 31 მარტს აკურთხეს ეპისკოპოსად. 1977 წლის 25 ოქტომბერს სრულიად ამერიკის მართლმადიდებელი ეკლესიის V კრებაზე მონრეალში (კანადა) ეპისკოპოსი თეოდოსი არჩეულ იქნა მთელი ამერიკის მართლმადიდებელი ავტოკეფალური ეკლესიის მამათმავრად.

იმავ დღეს 30 სექტემბერს ერთმორწმუნე ეკლესიის წარმომადგენლები აშშ-დან მიიღო სრულიად საქართველოს კათოლიკოს-პატრიარქმა უწმიდესმა და უნეტარესმა ილია II-მ.

მან აღნიშნა, რომ ერთმორწმუნე ამერიკული — ავტოკეფალური ეკლესიის მამათმავრისა და მისი თანმხლები პირების ვიზიტი საქართველოში მისასალმებელია და სასიხარულო, რომ ეს პირველი ვიზიტი ამერიკის მართლმადიდებელი ეკლესიის წარმომადგენლებისა საქართველოს ერთმორწმუნე ეკლესიაში. საქართველოს კათოლიკოს-პატრიარქმა გამოთქვა რწმენა, რომ ეს ვიზიტი იქნება დასაწყისი იმ დიდი ურთიერთობისა, რომელიც საქართველოსა და ამერიკის ერთმორწმუნე ეკლესიებს შორის უნდა დამყარდეს. მან აღნიშნა, რომ ორ ავტოკეფალურ ეკლესიას შორის, მიუხედავად დიდი მანძილისა და სიშორისა, უკვე გაიღო ხიდი, — გაიღო მშვიდობისათვის, ხალხთა ბედნიერებისათვის, ერთა კავშირისათვის და ამ ხილზე გავლენი მუდამ ურთიერთსიყვარულით იქნებინ აღვილინი; და, რაც მთავარია, ღმრთისადმი სიყვარულითა და მისი მადლით გასიხარუნებულნი, ერთი რწმენით, ერთი იმედით შეხედავენ ერთმანეთს.

სრულიად ამერიკისა და კანადის მიტროპოლიტმა, ნიუ-იორკის მთავარეპისკოპოსმა, უნეტარესმა თეოდოსმა საპასუხო სიტყვაში აღნიშნა: „უპირველესი მიზანი მისი და ამერიკის ეკლესიის წარმომადგენლების ჩამოსვლისა საქართველოში არის ის, რომ გაეცნონ უძველეს ქრისტიანულ კერას, გა-

ეცნონ ქვეყანას, რომელმაც ერთ-ერთმა პირველმა დაარწია ქრისტიანობის აკვანი მსოფლიოში.

„ქრისტიანულ სამყაროში ძნელად მოიძებნება ერი, უფრო დიდად და უფრო ღრმად რომ იყოს შესისხლბრკელებული ქრისტიანულ რელიგიას. და ჩვენც, — ბრძანა უნეტარესმა თეოდოსმა, — მოვედით, რათა ვიხილოთ ეს ერი და გავიცნოთ იგი. ჩვენ სულ ახალგაზრდები ვართ, ჩვენი ავტოკეფალია სულ რამდენიმე წელია, რაც დაკანონდა. ჩვენ მოვედით უფროს ძმასთან გამოცდილების, ცოდნის, სიბრძნის მისაღებად და გვეკერა, რომ ეს პირველი ვიზიტი იქნება უფრო დიდი და საფუძვლიანი მომავალი ურთიერთობების მომასწავებელი.

1 ოქტომბერს სიონის საპატრიარქო ტაძარში უწმიდესმა და უნეტარესმა ილია II-მ და უნეტარესმა თეოდოსმა ერთად ჩაატარეს საღვთო წირვა.

საღამოს სრულიად საქართველოს კათოლიკოს-პატრიარქმა უნეტარესი თეოდოსი და მისი თანმხლები პირები მიიწვია კინოსტუდიის თეატრ-სტუდიაში, სადაც ნახეს სპექტაკლი „შუშანიკის წამება“.

2 ოქტომბერს სტუმრები გაემგზავრნენ მცხეთაში, დათვალაიერეს სევეტიცხოველი, ჯვრის მონასტერი და მცხეთის სასულიერო სემინარია. იყვნენ ხელოვნების მუზეუმში.

საღამოს სრულიად საქართველოს კათოლიკოს-პატრიარქსა და უნეტარეს თეოდოსს შორის გაიმართა მოლაპარაკება, რომელიც ეხებოდა ორი ერთმორწმუნე ავტოკეფალური ეკლესიის შემდგომ ურთიერთობასა და ქრისტიანულ ეკლესიათა საერთო მდგომარეობას. კერძოდ, ქართული მართლმადიდებელი ეკლესიის როლს საერთაშორისო ასპარეზზე და ამერიკის ავტოკეფალური ეკლესიის თვითგამორკვევის საკითხებს.


დაისახა გეგმა ორი მართლმადიდებელი — ამერიკული და ქართული — ეკლესიის მომავალი ურთიერთობის შესახებ.

დაბოლოს, სრულიად ამერიკისა და კანადის მიტროპოლიტმა, უნეტარესმა თეოდოსმა, ოფიციალურად მიიწვია საქართველოს კათოლიკოს-პატრიარქი, უწმიდესი და უნეტარესი ილია II აშშ-ში.

იმავ საღამოს მოაწმინდაზე მოეწყო საზეიმო შეხვედრა, რომელსაც კათოლიკოს-პატრიარქის მიწვევით ესწრებოდნენ: უნეტარესი თეოდოსი და მისი თანმხლები პირები, სრულიად საქართველოს მღვდელთმთავრები, სამღვდლოება, საერონი და სსრ კავშირის მინისტრთა საბჭოსთან არსებული რელიგიის საქმეთა საბჭოს რწმუნებული საქართველოში თენგიზ ონოფრიშვილი.

3 ოქტომბერს დილის 6 საათზე სრულიად ამერიკისა და კანადის მიტროპოლიტი, უნეტარესი თეოდოსი და მისი დელეგაციის წევრები ოდესას გაემგზავრნენ.





ამა წლის 13 ოქტომბრიდან 17 ოქტომბრამდე საქართველოს მართლმადიდებელ ეკლესიას სტუმრად ეწვია ვატიკანის რადიოს რუსული განყოფილების დირექტორი თეოდორ ბოსაიტი.

ძირითადი მიზანი მისი ვიზიტისა იყო დაეთვალა საქართველოს ტაძრები და ნანახისა და შთაბეჭდილებების შესახებ „რესიუმის კოლეჯისათვის“ დაეწერა მოხსენება.

16 ოქტომბერს სტუმარი მიიღო უწმიდესმა და უნეტარესმა, სრულიად საქართველოს კათოლიკოს-პატრიარქმა ილია II-მ. პატრიარქთან საუბრის დროს თეოდორ ბოსაიტმა იკითხა, შეიძლება თუ არა, რომ ის დაჩენილიყო საქართველოში, როგორც მისიონერი და ექადაგნა რომელიმე ქართულ ეკლესიაში.

„მე მომეწონა და შემეყვარდა ეს ლამაზი ქვეყანა“, — დასძინა მან, — სიამოვნებით ვიცხოვრებდი საქართველოში“.

ვატიკანის რადიოს შესახებ თეოდორ ბოსაიტმა თქვა:

„რადიო «ვატიკანი» დიდი ორგანიზაციაა. იქ მსოფლიოს უმრავლეს ენაზე მიმდინარეობს გადაცემა ეთერში. გადაცემები მრავალფეროვანია: უმთავრესი დრო ეთმობა თეოლოგიის საკითხებს, ხშირად ისმის საგალობლები. რადიომსმენელებს ასწავლიან თეოლოგიურ, სასულიერო დოქტრინებს. კითხულობენ ბიბლიას, სახარებას, ზოგჯერ მთელი გადაცემა ეთმობა ამა თუ იმ ქვეყნის რელიგიური მიმდინარეობების განხილვას.“



პორტუგალიელი სტუმარი საქართველოში

18 დეკემბერს, სრულიად საქართველოს კათოლიკოს-პატრიარქმა, უწმიდესმა და უნეტარესმა ილია II-მ მიიღო პორტუგალიელი ეურნალისტი სეზარ პრინსიპე, რომლის ჩამოხველის მიზანი იყო გასცნობოდა ჩვენს ქვეყანაში არსებულ რელიგიურ მიმდინარეობებსა და საქმიანობას. სტუმარი დაინტერესდა ქართული ეკლესიის წარსულით, მისი დღევანდელი მდგომარეობით.

ილია II-მ სტუმარში პორტუგალიელმა ეურნალისტმა პირველად შეიტყო, რომ საქართველო არის ღვთისმშობლის წილხვედრი ქვეყანა, რომ აქ ჯერ კიდევ პირველ საუკუნეში იქადაგეს ქრისტიანობა იესო ქრისტეს მოწაფეებმა: ანდრია პირველწოდებულმა და სვიმონ კანანელმა და რომ საქართველოში მოტანილ იქნა მაცხოვრის კვალი. შემდეგ სტუმარი შეეხო ქართული ეკლესიის დღევანდელ საქმიანობას, მის აქტიურ მონაწილეობას მსოფლიო ეკუმენურ მოძრაობასა და მშვიდობისათვის ბრძოლაში.

სეზარ პრინსიპემ განსაკუთრებული ინტერესი გამოიჩინა ქართული ეკლესიის შინაური ცხოვრებისა და საზოგადოებაში მისი როლისადმი. თავის საუბარში სრულიად სა-

ქართველოს კათოლიკოს-პატრიარქმა ხაზგასმით აღნიშნა, რომ ქართული ეკლესია სარგებლობს ყველა იმ უფლებით, რომლითაც სარგებლობს საერთოდ ეკლესია ჩვენს ქვეყანაში. ეს დადასტურებულია როგორც სსრკ კონსტიტუციით, ისე საბჭოთა მთავრობის სხვა შესაბამისი დადგენილებებით. ქართულ ეკლესიას აქვს თავისი სასულიერო სემინარია, რომლის დამთავრების შემდეგ ღირსეულ სტუდენტებს ავზანთან მოსკოვის სასულიერო აკადემიაში. ახლო მომავალში განზრახულია სტუდენტთა გაგზავნა საბერძნეთში, ათენის უნივერსიტეტის ღვთისმეტყველების ფაკულტეტზე.

გარდა ხსენებული ღონისძიებებისა, ქართული ეკლესია მონაწილეობს იღებს მშვიდობის მომხრეთა საერთაშორისო ფორუმებსა და სიმპოზიუმებზე, ხდება დელეგაციების გაცვლა მსოფლიოს მრავალი ქვეყნის ეკლესიებთან.

როგორც მოგახსენებთ, საბჭოთა კავშირში ეკლესია სახელმწიფოდან გამოყოფილია, მაგრამ ამის გამო იგი არ განიცდის დისკრიმინაციას. ჩვენ ჩვენი საკუთარი ცხოვრებით ვცხოვრობთ და ვეხმარებით სახელმწიფოს

მშვიდობისა და ხალხთა კეთილდღეობის განმტკიცების საქმეში, რაც ქრისტიანული მოძღვრების ძირითად არსს შეადგენს, — აღნიშნა მისმა უწმიდესობამ.

სტუმრის დასასრულს პორტუგალიელმა სტუმარმა გულითადი მადლობა გადაუხადა საქართველოს ეკლესიის მეთაურს ასეთი გულსხმიერი და შინაარსიანი საუბრისათვის.

სრულიად საქართველოს კათოლიკოს-პატრიარქმა, უწმიდესმა და უნეტარესმა ილია II-მ პორტუგალიელ ეურნალისტს სეზარ პრინსიპეს საჩუქრად გადასცა წმ. გიორგის ხატი და მოოქროვილი ქართული ფიალა.

საუბარს ესწრებოდნენ: მისი ყოვლად უსაძვღველოესობა, წილხველი ეპისკოპოსი თაღეზი, სიონის საკათედრო ტაძრის დეკანოზი ანდრია ჩახვაშვილი, ანდრია პირველწოდებულის სახელობის, მცხეთის სასულიერო სემინარიის რექტორი დეკანოზი გურამ შალამბერიძე, მოსკოველი ეურნალისტი პოლიაკოვი და სხვ.

პორტუგალიელი სტუმარი მიიღო სსრ კავშირის მინისტრთა საბჭოსთან არსებული რელიგიის საქმეთა რწმუნებულმა საქართველოში თენგიზ ონოფრიშვილმა.



სულხაძის

„რომელი ქერუბინთა“

მღვდელ-მონაზონი ექვთიმე
(კოკლამაზაშვილი)

„რომელი ქერუბინთა“... ესაა იოანე ოქროპირის წირვის ცენტრალური საგალობელი. ამ საგალობლის დროს მწირველი მღვდელი, ან მღვდელთმთავარი საკურთხეველში ტრაპეზის წინ დგას და კითხულობს საიდუმლო ლოცვას, რომელშიც გამოხატულია უდიდესი მოკრძალება და შიში საღვთო მსახურების მიმართ. „არავინ არს ღირს, თანა-შეკრული ხორციელთა გულის თქმათა და გემოთა, წარდგომად, ანუ მიახლებად, გინა მსახურებად მისდა, მეუფისა დიდებისა, რამეთუ მსახურება მისი დიდ არს და საშინელ თვით მათ ზეცისა ძალთადაცა“. მაგრამ რადგანაც ღმერთმა თავისი განუზომელი და აურაცხელი კაცთმოყვარებით, თავისი მადლისა და წყნობის გამრავლებისათვის დააწესა უსისხლო მსხვერპლის შეწირვა, სამღვდელო წოდებას, რომელსაც ეს საღმრთო მოქმედება დაეკისრა, ევალეობა დიდი სიწმიდისა და სისპეტაკის დაცვა.

„რომელი ქერუბინთა“ გალობის შემდეგ, ტიბიკონის მიხედვით, მღვდელმა და დიაკონმა უსისხლო მსხვერპლი (ნაკვეთი სეფისკვერი და შავი ღვინო, რომელიც ბარძიმ-ფეშხუმშია მოთავსებული) სამკვეთლოდან ტრაპეზზე უნდა გადაასვენონ. იქ მოხდება ამ სხვერპლის (ანუ ძღვნის) კურთხევა, — სულიწმიდის მადლის უხილავი გარდამოსვლა და ძღვნის მაცხოვრის სისხლად და ხორცად გადაქცევა, რომელსაც შემდეგ ყოველი მორწმუნე ეზიარება.



ბერთუბანი.

აქებლით უფალსა ცათაგან...

აქებლით მას ყოველნი ანგელოსნი მისნა.

საგალობელი „რომელი ქერუბინთა“ წირვის განსაკუთრებული საგალობელია. ამ დროს უნდა დასვენდეს ძღვენი ტრაპეზზე, რაც დიდი კრძალულებით უნდა შეასრულოს მღვდელმა. საიდუმლო ლოცვაში მწირველი მღვდელი სთხოვს ღმერთს: განაძლიეროს იგი სულიერად, განწმინდოს მისი გული და გრძნობა, რათა ღვთის მოწყალებამ ღირს-ქმნას ღვდელმოქმედების საღმრთო პატივისა.

გალობის ტექსტი ასეთია: „რომელი ქერუბინთა საიდუმლოდ ვემ-

სგავსენით და ცხოველსყოფელისა სამებისა სამ-წმიდა არსობისა გალობასა შევსწირავთ, ყოველივე მსოფლიო დაუტევოთ ზრუნვა“.

გალობა მოუწოდებს მორწმუნეებს, მთელი ყურადღება მიმართონ ღვთისმსახურებისაკენ, მთელის არსებით შეუერთდნენ მას და ამაო ამქვეყნიური ზრუნვა დაივიწყონ.

საგალობელი „რომელი ქერუბინთა“ ხალხურია.

First system of musical notation, featuring a treble and bass clef with a common time signature. The music includes a piano (*p*) dynamic marking and a *6m* (sixteenth) note value.

Second system of musical notation, continuing the piece with a *6m* note value.

Third system of musical notation, featuring a piano (*p*) dynamic marking and a *6m* note value.

Fourth system of musical notation, featuring a *6m* note value.

Fifth system of musical notation, featuring a *6m* note value.

Sixth system of musical notation, featuring a *6m* note value.

Seventh system of musical notation, featuring a piano (*p*) dynamic marking and a *2m* (quarter) note value.

Eighth system of musical notation, featuring a mezzo-forte (*mf*) dynamic marking and a *3/4* note value.

Ninth system of musical notation, featuring a *3/4* note value.

Tenth system of musical notation, featuring a *3/4* note value.

Eleventh system of musical notation, featuring a piano (*p*) dynamic marking and a *6m* note value.

Twelfth system of musical notation, featuring a *6m* note value.

Handwritten musical notation for the first system, featuring a treble and bass staff with notes and rests.

Handwritten musical notation for the second system, featuring a treble and bass staff with notes and rests.

Handwritten musical notation for the third system, featuring a treble and bass staff with notes and rests.

Handwritten musical notation for the fourth system, featuring a treble and bass staff with notes and rests.

Handwritten musical notation for the fifth system, featuring a treble and bass staff with notes and rests.

Handwritten musical notation for the sixth system, featuring a treble and bass staff with notes and rests.

Handwritten musical notation for the seventh system, featuring a treble and bass staff with notes and rests.

Handwritten musical notation for the eighth system, featuring a treble and bass staff with notes and rests.

Handwritten musical notation for the ninth system, featuring a treble and bass staff with notes and rests.


Handwritten musical notation for the tenth system, featuring a treble and bass staff with notes and rests.

Handwritten musical notation for the eleventh system, featuring a treble and bass staff with notes and rests.

Handwritten musical notation for the twelfth system, featuring a treble and bass staff with notes and rests.

Handwritten musical notation for the thirteenth system, featuring a treble and bass staff with notes and rests.

Handwritten musical notation for the fourteenth system, featuring a treble and bass staff with notes and rests.



ჭვარო მფარველო ყოვლისა სოფლისაო,
ჭვარო, შვენიერებაო ეკლესიათაო,
ჭვარო, სიმტკიცეო ქრისტიანეთაო,
ჭვარო, შემწეო მორწმუნეთაო,
ჭვარო, დიდებაო ანგელოსთაო
და შემმუსვრელო ეშმაკთაო,
ჭვარო მფარველო ყოვლისა სოფლისაო,
ლაგვიცვი და ლაგვიფარე ჩვენ!

1978 წელს საქართველოს ეკლესიაში რამდენიმე ეპისკოპოსი ეკურთხა. ესენია: ცხუმ-აფხაზეთის ეპისკოპოსი ნიკოლოზი, ჭყონდიდელი ეპისკოპოსი იოანე, მაწვევერელი ეპისკოპოსი შიო, ბოდბელი ეპისკოპოსი თადეოზი*, ბათუმ-შემოქმედელი ეპისკოპოსი დავითი, ურბნელი ეპისკოპოსი კონსტანტინე და ბოდბელი ეპისკოპოსი ათანასე.

მათი ცხოვრების ამ უმნიშვნელოვანეს წუთებში თითოეულმა მათგანმა შთაგონებული და შთამბეჭდავი სიტყვა წარმოთქვა. ჩვენ ყველა ამ სიტყვას თანდათან გამოვაქვეყნებთ. ამჟამად ვებეჭადთ სამს.

არქიმანდრიტ იოანეს სიტყვა. 25 თებერვალი

თქვენო უწმიდესობაე და უნეტარესობაე, უწმიდესო და უნეტარესო მეუფეო!

ყოვლად სამღვდელონო, მღვდელთმთავარონ და პატროსანონ მამანო!

განგებთა ღვთისათა და ლოცვა-კურთხევითა თქვენი უწმიდესობისა და უნეტარესობისა, საქართველოს ეკლესიის წმიდა სინოდის გადაწყვეტილებით გამორჩეული ვიქმენი ეპისკოპოსად ღვთივ-დაცვულისა ჭყონდიდის სამწყსოსისა.

დიდი მღვდღვარებით ვარ მოცული — ვმადლობ ყოვლად-მოწყალე ღმერთსა, რომელი არა ჰრიდებს ცოდვათა ჩემთა და მიწოდებს ეგზომ დიდი მსახურებისათვის; ძრწოლვა მიბყრობს, როდესაც გონების თვალთ განვსჭვრეტ, როგორი აღსასრულებია ეს სამსახური.

თქვენი უწმიდესობისაგან ხშირად მსმენია და წმიდა მამათა დარიგებათაგან ამომიკითხავს, რომ მღვდელთმთავრის მსახურება მოციქულბრძვი მსახურებაა, და შეგნება იმისა, თუ ვისი სახელის წოდებასა ვინებებ და მოვალეობას ვიტვირთავ, შიშსა მგვრის.

დიდია ეს მსახურება, დიდია ვალდებულება ჩემი წინაშე ღვთისა.

მოციქული პავლე მიუწერს ებრაელთა: „არავინ თვით თვისით მოილოს პატივი, არამედ, რომელ წოდებულ არს ღმრთისა მიერ, ვითარცა იგი აპრონ“ (ებრ. 5.4).

მივიღებ ამ დიდ ხარისხს, როგორც ღვთის ნებას, ისევე ღვთისადმი სასოებითა; ვიტვირთავ უძველესი ჭყონდიდის სამწყსოს სულიერ მესაჭეობას თქვენი უწმიდესობისა და უნეტარესობის მამათმთავრული შემწეობის იმედით.

მამა, მღვდელმონაზონი ალექსი (შუშანია), დამაარსებელი და აღმშენებელი იმ საფანისა, სადაც ფეხი ავიდგი ღვთის მსახურებაში და ვიდრე ბოლო დრომდე, ძალისაებრ ჩემისა ვემსახურებოდი ეკლესიას, ლექსად ბრძანებს —

„რადენიც რა შეგესწავლოს მალალ სიბრძნის მიწვდომანს, მაინც კიდევ მოსწავლე ხარ, უსაზღვროა ღვთის ცნობანი“.

(სასულიერო წერილნი და მსჯელობანი — „თავო გიჩვენე“, 1902 წ.).

მოწაფე ვარ ღვთისა და თქვენი, უწმიდესო მეუფეო, თქვენ ბრძანდებოდი ჩემი საყვარელი მოძღვარი სემინარიაში, თქვენ ბრძანდებით ჩემი მანუგეშებელი განსაცდელსა ჟამსა და თქვენ ბრძანდებით ჩემი კეთილად დამმოდვრებელი დლიდან ჩემს მიერ სასულიერო ხარისხის მიღებისა — ვიდრე აქამომდე.

თქვენი უწმიდესობა მთელს ქართულ ეკლესიას, ყველა კეთილი ნების ადამიანს უყვარს, რადგან თვითონ საყვარული ბრძანდებით, ყველა გებრალვით, ყველას მფარველობით და ყოველსა კეთილსა უყოფთ.




ამ სიყვარულს უკლებლივ ყველანი უხვად ვიპოვებთ თქვენგან, მეცა, რომელიც მუდამ ვთვლიდი და ვთვლი ჩემს თავს თქვენს მოწაფედ. ვეცდები, ვემსახურო მაცხოვრის ნაქადაგებ სიყვარულსა.

გმადლობთ, თქვენო უწმიდესობაე, ეგზომ დიდი ყურადღებისა გამო.

გმადლობთ ყოვლადსამღვდელონო, მღვდელთმთავარონ იმ ნდობისათვის, რომელიც გამომიცხადეთ მე და გამომარჩიეთ ეპისკოპოსად საქართველოს წმიდა ეკლესიის ერთერთი უძველესი ეპარქიისა.

ლოცვა-ჰყავთ ჩემთვის, თქვენო უწმიდესობაე და უნეტარესობაე, ყოვლადსამღვდელონო მღვდელთმთავარონ და პატროსანონ მამანო, რათა შევძლო კეთილად აღსრულება ჩემი ახალი სამსახურისა, სადიდებულად ღვთისა, სასიკეთოდ ჩვენი დედა ეკლესიისა. ამინ.

* მისი უწმიდესობის გადაწყვეტილებით ბოდბელი ეპისკოპოსი თადეოზი 1978 წლის სექტემბრიდან დანიშნულ იქნა წილქვის ეპარქიის მმართველად.



უწმიდესო და უნეტარესო!
მამავ და მოძღვართმოდღვარო
ჩვენო!

საქართველოს სამოციქულო ეკლესიის ღვთიკურთხეულო შვილნო!

მადლი ღმერთის განგებით, მისი მადლითა და ულევით მოწყალებით მე ვდგავარ ქართველი ერის საყვარელ საპატრიარქო ტაძარ სიონში, სასულიერო ხარისხში ახალი ამაღლების წინ. როგორც არ უნდა მადლებდეს ეს სასწაულებრივად გასაოცარი მოწყალეა დიდი ღმერთისა, რომელიც მან მარგუნა ჩემი სიცოცხლის მიწურულში, როგორც ჭეშმარიტი ქრისტიანი, პირდაპირი ვაგებით ვხედავ ყოველივეს, სამოციცხრადწლის ადამიანი როგორ აღმოვჩნდი ამ წმიდათაწმიდა თაღებს ჭეშმ, უხილავად აქ მყოფი მაცხოვრის, თქვენი უწმიდესობისა და საქართველოს ეკლესიის შვილთა წინაშე.

ჩემთვის ამ მნიშვნელოვან დღეს, ვხედავ ღვთისა და თქვენს წინაშე მოვიგონო ჩემი შორეული წარსული, როდესაც ათი-თორმეტი წლის ბიჭუნა ვიდექი ხოლმე ჩვენი სოფლის პატარა ეკლესიის საკურთხეველში და ვეხმარებოდი იმ ეკლესიის აწ განსვენებულ მღვდელს, ნეტარხსენებულ სვიმონს. ნათლად მახსოვს, როგორი გულუბრყვილობით მიყვარდა მამინ მე მაცხოვარი, რომლის შესახებაც ძალიან ცოტა ვიცოდი და ისიც ბუნდოვნად, მაგრამ მაინც მიყვარდა. ძალიან მოკლე იყო ეს პერიოდი.

წამოვიზარდე.

ველარ ვნახულობდი ჩემს სოფელსა და იმ ეკლესიას. მოუსვენრობამ ბევრ ქართველში გამომატარა. გადატანილ ცხოვრებისეულ სიძნელეებს არ შეუწელებია ჩემში ბავშვობისდროინდელი სიყვარული ქრისტესა და ქრისტიანობისადმი.

მრავალმა უძილო ღამემ და ძიებამ მიმიყვანა იმ დასკვნამდე, რომ საოცრებითა და სილამაზით გარემოსილი სამყარო და, რაც მთავარია, სიცოცხლე და, რაც კიდევ უმთავრესია, გვირგვინი ამ სიცოცხლისა, ადამიანი შემთხვევით არ გაჩენილა და ყოველივე ამას ჰყავს ჭეშმარიტი ღმერთი „შემოქმედი ცათა და ქვეყანისა, ხილულთა ყოველთა და არახილულთა“. თავად ცხოვრება, სამყარო იყო ის დიდი წიგნი, რომელშიაც ვკითხულობდი ჩემი ძიების პასუხებს. ამ ძიებამ შემაყვარა ეკლესია და მორწმუნე ხალხი, შრომის მადლი და კეთილი საქმე... მაგრამ ყოველივე ამით მაინც არ იყო გზა გაცვალული; ალბათ, იყო ეჭვები სადღაც, რაღაც აკლდა მაძიებელს სულს, უკმარობას თითქოს გრძობდა გული; მაინც მიიწვედა სადღაც დაუოკებელი მისწრაფება ჩემი ადამიანური ბუნებისა...

წმიდა მოციქული პავლე ებრაელთა მიმართ მიწერილ ეპისტოლეს მეხუთე თავის მეოთხე მუხლში ბრძანებს: „და არავინ თავით თვისით მიიღოს პატივი, არამედ, რომელი წოდებულ არს ღვთისა მიერ, ვითარცა იგი აპრონ“. მაგრამ ორი წლის წინათ, მე კიდევ ძალიან შორს ვიყავი ღვთისაგან, რომ ღირსი გავმხდარიყავი მის მიერ წოდებულ ყოფისა, მაგრამ სწორედ თქვენთან შემახვედრა განგებამ ამ ორი წლის წინათ, თქვენ დამაყენეთ მე ღმერთისაკენ მიმავალ გზაზე, თქვენ დამანახეთ ყოველივეზე მალა მდგომი ნათელი უკვდავებისა, და თქვენმა ლოცვა-კურთხევამ მე წარმადგინა ჩვენს გამჩენ ღმერთთან.

ვიცი, რომ განუზომლად დიდი ჩემს ცოდვილ თავზე ეს პატივი. იმასაც ვხვდები, თუ რა მოვალეობა მეკისრება მომავალში მაცხოვრისა და თქვენს წინაშე.

წმიდა მოციქული პავლე ტიტეს მიმართ ეპისტოლეს პირველი თავის მეშვიდე მუხლში ბრძანებს: „რამეთუ ჯერ არს ეპისკოპოსისათვის უბიწო ყოფაჲ, ვითარცა ღმრთისა მონისაჲ, ნუ თავხედ, ნუ გულმწყარა, ნუ მოღვინე, ნუ მოლაღე, ნუ საძაგელის შემძენელ“. ღვთისაგან მომადლებული სასოებით, მისი ულევით მოწყალებითა და თქვენი ლოცვა-კურთხევით, თქვენო უწმიდესობავ, მე სიხარულითა და სიყვარულით შევეასრულე ყოველივე იმას, რაც ბრძანა წმიდა დიდებულმა და ყოველად ქებულმა მოციქულმა პავლემ.

იმავე მოციქულმა ბრძანა, თუ რა თვისებები უნდა ჰქონდეს ეპისკოპოსის ხარისხში ამაღლებულ ადამიანს. მე ვღალადებ მადლი ღმერთის წინაშე, რომელსაც თქვენთან ერთად ესმის ჩემი ხმა, რომ ვიქნები: „კ ა ე თ მ ო ყ უ ა რ ე, წ მ ი დ ა, მ ა რ თ ა ლ ი, ღ ი რ ს, მ ო თ მ ი ნ ე, თ ა ვ ს მ დ ე ბ ე ლ — მ ს გ ა ვ ს ა დ მ ო ძ ღ ვ რ ე ბ ი ს ა მ ი ს“.

ღვთისაგან ბოძებული მადლით, მე მოძულე ვარ ყოველგვარი განდიდებისა, მაგრამ ეპისკოპოსის პატივი დიახაც მახარებს, — არა როგორც განდიდება, არამედ, როგორც ღვთისაგან ბოძებული გზა, რომლითაც უნდა ვემსახურო მის ძლიერებასა და ჭეშმარიტების მარად მოყვარულ ქართველ ერს.

დასასრულ, ესოდენ სახსოვარ და საზეიმო დღეს, მთელი ჩემი ადამიანური ალტაცებით აღვაკლენ მადლობას მოწყალე ღმერთის წინაშე იმ პატივისათვის, რომელიც მომმადლა მე — მის ცოდვილ მონას. მადლობას აღვაკლენ თქვენი უწმიდესობისა და უნეტარესობის წინაშე იმ სიკეთისათვის, რომლითაც გზა გამინათეთ და წარმადგინეთ ჩვენს გამჩენ ღმერთთან.

მე ვიჩიქებ ჩვენი საყვარელი სიონის წმიდა და მადლმოსილ თაღებს ჭეშმ და საზეიმო ვერებით მოგახსენებთ: თქვენი მამათმთავრობითა და მოძღვრებით მზად ვარ ვემსახურო მადლ ღმერთსა და ჩვენს საყვარელ ქართველ ერს.

არქიმანდრიტ თადეოზის სიტყვა 2 აპვისტო

თქვენო უწმიდესობავ, უწმიდესო და უნეტარესო, სრულიად საქართველოს კათოლიკოს-პატრიარქო, დიდო მეუფეო და დიდო მამაო ილია; წმიდანო მღვდელთმთავარნო ჩვენი მრავალჭირახული ივერიის ეკლესიისანო, უმორჩილესად ვმადლობ ღმერთსა და უფალსა, შემოქმედსა ცისა და ქვეყანისასა, რომელი განანათლებს ყოველსა კაცსა მომავალსა სოფლად, რომელმან თქვენი უწმიდესი ლოცვის მადლით მიწოდა განსაკრთომელ მღვდელთმთავრულ გზაზე. დიდ არს და საშინელ ჩემთვის ნდობა ესე მსახურნო დიდებულსანო.

მთავარანგელოსნი და ანგელოსნი ძლიერნი ძალითა, ნათელნი მეორენი, ძრწიან დიდებისაგან ღვთისა და მე უღირსმან ვითარ ვიკადრო აღებად პირისა ჩემისა მისსა მიმართ, და ვითარ მივიღო პატივი ესე? ჩემი შინაგანი არსება ძრწის და გონებას ჩემსას ვერ მოუნახავს სიტყვა გამართლებისა... ამიტომ ვარჩევ დუმილს და განგებას ღვთისა და

თქვენს წმიდა ლოცვას უმორჩილესად მინდობილი გამოუთქმელ მადლობას მოგახსენებთ...

რთულია ჟამი ესე და ვის შეუძლია უღელვოდ გავლა ამ წუთისოფლის მღვლევარე ზღვისა, ხსნა უკვდავისა სულისა თვისისა და ხსნა მოყვასთა, უკეთუ არა ითხოვა მადლი ღვთისაგან, და ადამიანთა სიყვარულით არ გაიშუქა გული?..

ვმადლობდეთ ღმერთსა, რამეთუ კვალად მოგვხედა. დღეს ამას გრძნობს ყოველი გონიერი ადამიანი და გულით ლოცავს მთელი საქართველოსთვის მლოცველს.


დღეს დიდი დღეა. დღე — დიდი წინასწარმეტყველისა და ღვთისმხილველისა ილიასი, დღე ანგელოზისა უწმიდესისა და უნეტარესისა, სრულიად საქართველოს კათოლიკოს-პატრიარქისა, დიდისა მეუფისა და დიდისა მამისა ჩვენისა ილია მეორისა, დღე კეთილი მწყემსის მიერ დადგენილი დიდი მწყემსისა. მინდა თქვენი სახელით, ყველა ქართველისა და ყველა ქრტიანის სახელით



მივულოცო მას ეს ბედნიერი დღე და აღვუთქვა ივერიის დედა-ეკლესიას პატიოსნად მსახურება ძლიერსაებრ ჩემისა შეწვევითა უწმიდესის წმიდა ლოცვითა, შეწვევითა წმიდა სინოდის წმიდა მღვდელთმთავრების, ყოველთა სამღვდლო და სამონოზვნო დასისა და ყველა თქვენთაგანის წმიდა და გულწრფელი ლოცვითა. ა მ ი ნ.

ზ ა რ ზ მ ა,
ღმერთი ეკლესიათა შინა
განცხადებულ არს.





1978 წლის 10 სექტემბერს ქართულმა მართლმადიდებელმა ეკლესიამ დიდი ზეიმით აღნიშნა წმიდა დიდებული მოწამის, დედოფალ შუშანიკის მარტილობის 1500 წლისთავი.

სრულიად საქართველოს კათოლიკოს-პატრიარქმა, უწმიდესმა და უნეტარესმა ილია II-მ სიონის საკათედრო ტაძარში აღასრულა საღმრთო-სადღესასწაულო წირვა და პარაკლისი. აკურთხა ახლადშექმნილი ხატი წმ. მოწამის შუშანიკ დედოფლისა, რომლის ავტორია მხატვარი ალექსანდრე ბანძულაძე. დრამატურგმა მიხეილ თარხნიშვილმა წაიკითხა შუშანიკისადმი მიძღვნილი ოდა, ხოლო სიონის მგალობელთა გუნდმა შეასრულა ახალგაზრდა კომპოზიტორის მერაბ გაგნიძის მიერ სპეციალურად ამ დღისათვის დაწერილი ტროპარი და კონდაკი. ირგვლივ საღმრთო-სადღესასწაულო განწყობა და სიხარული სუფევდა.

საღმრთო-სადღესასწაულო წირვის შემდეგ სრულიად საქართველოს კათოლიკოს-პატრიარქი და მისი თანმხლები პირნი ეწვივნენ მეტეხის ტაძარს, სადაც დაკრძალულია წმიდა დიდებული მოწამე, დედოფალი შუშანიკი. დიდმა მეუფემ, უწინდესმა და უნეტარესმა ილია II-მ აკურთხა წმიდანის საფლავი.

სრულიად საქართველოს კათოლიკოს-პატრიარქის, უწმიდესისა და უნეტარესის ილია II-ის ლოცვა-კურთხევით შეიქმნა სრულიად საქართველოს სამოციქულო ეკლესიის ახალი საგალობელი, რომელიც მიმდინარე წლის 14 ოქტომბერს პირველად შესრულდა მცხეთის სვეტიცხოვლის საპატრიარქო ტაძარში, საუფლო ჭვარისა და ღვთაებრივ ბრწყინვალე მირონ-მდინარე სვეტის დღესასწაულზე.

ტექსტის ავტორია მიხეილ თარხნიშვილი. მუსიკა დაწერა კომპოზიტორმა იოსებ კეჭეყმაძემ.

20 ოქტომბერს თბილისის საპატრიარქო რეზიდენციაში მოწვეულ იქნა საქართველოს მართლმადიდებელი ეკლესიის წმიდა სინოდის სხდომა.

კათოლიკოს-პატრიარქ ილია II-ის წარდგინით წმიდა სინოდის სხდომამ განაჩინა:

1. მარტყოფის მონასტრის წინამძღვარი არქიმანდრიტი გიორგი ჭაღაუა დადგენილ იქნას ბათუმ-შემოქმედელ ეპისკოპოსად და ეწოდოს მას სახელი დავითი,

2. ხაშურის იოანე ნათლისმცემლის სახელობის ტაძრის წინამძღვარი არქიმანდრიტი დიმიტრი მელიქიძე დადგენილ იქნას ურბნელ ეპისკოპოსად და ეწოდოს მას სახელად კონსტანტინე.

7 დეკემბერს, სრულიად საქართველოს კათოლიკოს-პატრიარქი, უწმიდესი და უნეტარესი ილია II ეწვია ანდრია პირველწოდებულის სახელობის მცხეთის სასულიერო სემინარიას. სემინარიის ტერიტორიაზე საშთავროს დედათა მონასტერში პედაგოგებმა, მსმენელებმა და პატრიარქის თანმხლებმა პირებმა იგალობეს „ღირს არს ჰუმარიალად“, რის შემდეგ საქართველოს ეკლესიის მწყემსმთავარმა დაათვალიერა სემინარიის სასწავლო აუდიტორიები და საერთო საცხოვრებელი. გზადაგზა იძლეოდა საგულისხმო რჩევა-დარიგებებს სემინარიის ცხოვრებაში ვერ კიდევ არსებულ ნაკლებლოვანებათა აღმოსაფხვრელად. საქართველოს ეკლესიის დიდმა მეუფემ ილია II-მ ხაზი გაუსვა იმ გარემოებას, რომ ქართული ეკლესიის დღევანდელი მოძღვარი უნდა იყოს ყოველმხრივ სრულყოფილი მსახური ღვთისა. ღმერთის რწმენასთან ერთად იგი სრულყოფილად უნდა ფლობდეს ჰუმანიტარული და საბუნებისმეტყველო მეცნიერებების უახლეს მიღწევებს. მოძღვარი ფხვდაფხვ უნდა მიჰყვებოდეს ცხოვრებას, უამისოდ იგი მაგალითის მიძემი ვერ იქნება ერისათვის, ვინაიდან ერისა და ეკლესიის მჭიდრო კავშირი იყო და დარჩება ჩვენი არსებობის შუევალი ჭკაუთხედალ.

იმავე დღეს, სრულიად საქართველოს კათოლიკოს-პატრიარქი ილია II ეწვია სვეტიცხოვლის საკათედრო ტაძარს, სადაც ავალინა ლოცვა უფლისადმი ქართველი ერის საკეთილდღეოდ. ხანთლები დაუნთო

ქართველ წმიდანებს, კელაპტრებით გააჩირაღდა ვახტანგ გორგასალის, ერეკლე მეფისა და გიორგი XII-ის საფლავები.

18 დეკემბერს ქ. თბილისში, საპატრიარქო რეზიდენციაში შედგა საქართველოს მართლმადიდებელი ეკლესიის წმიდა სინოდის სხდომა. სხდომას ესწრებოდნენ: სრულიად საქართველოს კათოლიკოს-პატრიარქი, უწმიდესი და უნეტარესი ილია II, ყოვლადუსამღვდელოესნი: მანგლელი მიტროპოლიტი გრიგოლი (ცერცვაძე), ცხუმ-აფხაზეთის ეპისკოპოსი ნიკოლოზი (მხახარაძე), ჭყონდიდელი და აგარაკ-წაღკელი ეპისკოპოსი იოანე (ანანიაშვილი), ქუთაის-გაენათელი და ნიკორწმინდელი ეპისკოპოსი შიო (ავალიშვილი), წილენელი ეპისკოპოსი თადეოზი (იორამაშვილი), ბათუმ-შემოქმედელი ეპისკოპოსი დავითი (ჭკაღაუა), ურბნელი და მაწყვერელი ეპისკოპოსი კონსტანტინე (მელიქიძე).

წმიდა სინოდის სხდომამ განაჩინა აწყურის ეპარქიას მიეროდან ეწოდოს — „ახალციხისა და მესხეთ-ჭავჭავეთისა“, ხოლო ცაგერის ეპარქიას „ცაგერისა და ლეჩხუმ-სვანეთისა“.

ერთხმად მიღებულ იქნა ილია II-ის წინადადება: აღდგენილ იქნას საქართველოს ეკლესიაში ოდიოთავნე არსებული მთავარ-ეპისკოპოსის ხარისხი (ისტორიული მასალების საფუძველზე).

ილია II-მ ბოდბის ეპარქიის მეთაურის კანდიდატად წამოაყენა სიონის საპატრიარქო ტაძრის დეკანოზი ანდრია ჩხვაშვილი.

24 დეკემბერს საქართველოს მართლმადიდებელმა ეკლესიამ და ქართველმა მორწმუნე სწოვალოებმა ზეიმით აღნიშნა სრულიად საქართველოს კათოლიკოს-პატრიარქის, უწმიდესისა და უნეტარესის ილია II-ის აღსაყდრების წლისთავი. ამ დღის აღსანიშნავად საქართველოს ეკლესიის დიდმა მეუფემ და წინამძღვარმა მცხეთის სვეტიცხოვლის საკათედრო ტაძარში აღასრულა საღმრთო-სადღესასწაულო წირვა, რომელსაც დაესწრნენ: მიტროპოლიტი ზინობი (მაუჟაძე) თეთრწყაროელად წოდებული, მანგლელი მიტროპოლიტი გიორგი (ლონდაძე), ალავერდიელი და ცაგერ-ლეჩხუმ-სვანეთის მიტროპოლიტი გრიგოლი (ცერცვაძე), ცხუმ-აფხაზეთის ეპისკოპოსი ნიკოლოზი (მხახარაძე), ჭყონდიდელი ეპისკოპოსი იოანე (ანანიაშვილი), ქუთაის-გაენათელი და ნიკორწმინდელი ეპისკოპოსი შიო (ავალიშვილი), წილენელი ეპისკოპოსი თადეოზი (იორამაშვილი), ბათუმ-შემოქმედელი ეპისკოპოსი დავითი (ჭკაღაუა), ურბნელი და მესხეთ-ჭავჭავეთის ეპისკოპოსი კონსტანტინე (მელიქიძე), სიონისა და სვეტიცხოვლის საპატრიარქო ტაძრების მღვდელმსახურნი; აგრეთვე — ანდრია პირველწოდებულის სახელობის მცხეთის სასულიერო სემინარიის მსმენელები და ბერ-მონაზონნი.

სვეტიცხოვლის დიდებული ტაძარი და მისი სანახები, საქართველოს ყოველი კუთხით მოსული ხალხით აივსო. ეს გახლდათ ქეშმარიტი დღესასწაული ქართული ეკლესიისა და მისი ღირსეული წინამძღვრისა, საღმრთო-სადღესასწაულო წირვის აღსრულების დასასრულს გამოქვეყნებულ იქნა საქართველოს კათოლიკოს-პატრიარქის 1978 წლის 14 დეკემბრის ბრძანებულება, რომლის თანახმადაც მიტროპოლიტი ზინობი მაუჟგა თეთრწყაროელად წოდებული დაქილდოვდა სახელობითი პანალით. მეორე პანალის ტარების უფლებით დაქილდოვდნენ: მანგლელი მიტროპოლიტი გიორგი (ლონდაძე), ალავერდელი და ცაგერ-ლიჩხუმ-სვანეთის მიტროპოლიტი გრიგოლი (ცერცვაძე).

ალევანო იქნენ მთავარეპისკოპოსის ხარისხში: ცხუმ-აფხაზეთის ეპარქიის მეთაური ნიკოლოზი (მახარაძე), ჭყონდიდის ეპარქიის მეთაური იოანე (ანანიაშვილი), ქუთაის-განეთისა და ნიკორწმინდის ეპარქიათა მეთაური შიო (ავალიშვილი).

ამავე ბრძანებულებით ქართული მართლ-

მადიდებელი ეკლესიის წინაშე დამსახურებისათვის წმ. გიორგის II ხარისხის ორდენით დაჯილდოვდნენ: წილნელი ეპისკოპოსი თადეოზი (იორამაშვილი), ბათუმ-შემოქმედელი ეპისკოპოსი დავითი (ჭყადავა), ურბნელი ეპისკოპოსი კონსტანტინე (მელიქიძე), ანდრია პირველწოდებულის სახელობის მცხეთის სასულიერო სემინარიის რექტორი, დეკანოზი გურამ შალამბერიძე; ამავე სემინარიის პედაგოგი ილია ჭეიშვილი.

წმ. ნინოს II ხარისხის ორდენი გადაეცა კათოლიკოს-პატრიარქის მდივანს გრიგოლ მშვიდლობაძეს.

ქ. თბილისის წმ. ნინოს სახელობის ტაძრის მოძღვარი ილუმენი გაბრიელი (ჩოროშვილი) ალევანო იქნა არქიმანდრიტის ხარისხში. სვეტიცხოვლის საკათედრო ტაძრის დეკანოზი არსენ ბერუაშვილი დაჯილდოვდა მიტრის ტარების უფლებით.

ნიკორწმინდის საკათედრო ტაძრის მღვდელი ალექსანდრე ქათამაძე დაჯილდოვდა გამშვენიერებული ჭვრის ტარების უფლებით. წმ. სინოდის 1978 წლის 14 დეკემბრის

განჩინების თანახმად მცხეთის სვეტიცხოვლის საკათედრო ტაძარში მოხდა ხელდასხმა და ბოდბელ ეპისკოპოსად კურთხევა თბილისის სიონის საპატრიარქო ტაძრის არქიმანდრიტის ათანასესი (ანდრია ჩახვაშვილისა).

ამავე საღამოს მოეწყო უწმიდესისა და უნეტარების სრულიად საქართველოს კათოლიკოს-პატრიარქის ილია II-ის საპატრიარქო ტახტზე აღსვლის პირველი წლისთავისადმი მიძღვნილი საღამო. ნაჩვენები იქნა დოკუმენტური ფილმი „ილია II-ის აღსაყდრება“, რომელმაც მკაფიოდ გახსენა ცხოველი ინტერესი და მოწონება დამსახურა. საზეიმო შეხვედრას ხელმძღვანელობდა ცხუმ-აფხაზეთის მთავარეპისკოპოსი ნიკოლოზი (მახარაძე). სიტყვა წარმოთქვა სრულიად საქართველოს კათოლიკოს-პატრიარქმა ილია II-მ.

საზეიმო შეხვედრა დასასრულს მიუახლოვდა... საეკლესიო გუნდი ხშირად გუგუნებს: „წუთისოფელი ასეა, დღეს ღამე უთენებია, რაც მტრობას დაუნგრევია, სიყვარულს უშენებია...“

მიტროპოლიტნი: — ალავერდელი გრიგოლი, თეთრწყაროელი ზინობი და მანგლელი გიორგი.



მას, ალავერდის დიდებულ ტაძარს!

მას, ალავერდის დიდებულ ტაძარს... ყოველი წლის სექტემბრის ბოლო რიცხვებში, საქართველოს ყველა კუთხიდან ეწვევიან მლოცველები..

თაყვანს სცემენ საქართველოს მნათობის, ქეთევან დედოფლის წმიდა ნაწილებს... 27 სექტემბერს, მსოფლიო ჯვართამაღლების უდიდეს დღეს საქართველო აღნიშნავს ქეთევანობას... უწმიდესის წმიდა ლოცვით შეავდრებდნენ მერტოს ერსა ჩვენსა და მისგანვე კურთხეულ ქვეყანას.

ჯვართამაღლებას — ამ სასწაულებრივ დღეს ალავერდის დიდებულ ტაძარს მრავალთა წელთა შემდეგ პირველად ეწვია წელს საქართველოს კათოლიკოსი, ჩვენი დიდი სულიერი მამა და ლოცავდა იგი ამ ტაძრის აღმშენებელი ხალხის სულიერ ძლიერებას, ზეციური ჩვენი მფარველის, დიდი დედოფლის, დიდი წამებულის, დედა ქეთევანის ნათლით სხივმოსილ მამულს ჩვენსას.

ალავერდის ტაძარი. XI ს.

მას, ალავერდის დიდებულ ტაძარს,
ალაზნის პირად თეთრად ანთებულს,
კვლავ მოიხილავს, კვლავ მოიხილავს
მის, ქეთევანის წმიდა ხატება...


მრავალმოწამე გურჯთა დედოფალს
კალთა სავსე აქვს თეთრი ვარდებით
და დიდებული თვისი ნაბიჯით
ციოთ მიწისაქენ მოეშურება...

შენ... ნათელი ხარ, დიდი ნათელი
მარადიული მწუხრის წინაშე...

გზა გეფინება წითელ ვარდებით:
ეს, დედოფალო, ნანობს შირაზი...

მას, ალავერდის დიდებულ ტაძარს,
ალაზნის პირად თეთრად ანთებულს,
კვლავ მოიხილავს, კვლავ მოიხილავს,
მის, ქეთევანის წმიდა ხატება...

ანა კალანდიაძე



საღვთისმეტყველო ლექსიკონი და განმარტებანი

ცალ-ცალკე განვიხილოთ **ლიაკონის**, **მღვდლისა** და **მღვდელთმთავრის** შესამოსე-ლი.

ლიაკონი იმოსება გრძელი უსარტყლო, ფართო სახელოებიანი კაბით, რომელსაც **სტიქარი** ეწოდება. მარცხენა მხარეს გადაკიდებული აქვს **ორარი**, ანუ გინგილი. ორარის წინა ბოლო ლიაკონს უპყრია მარჯვენა ხელში და ასე წარმოსთქვამს კვერქსებს. **გინგილი** სიმბოლურად ნიშნავს ანგელოზის ფრთებს. მარჯვენა და მარცხენა ხელზე ლიაკონი იკეთებს სამაჯურებს, რომლებიც სიმბოლურად ღვთის ძალას გამოხატავენ.

მღვდლის შესამოსელი შემდეგია:

- 1) **სტიქარი**, ანუ კაბა.
- 2) **ოლარი** — ყელზე ჩამოსაცმელი გრძელი და ვიწრო ნაქარგი ქსოვილი, რომელიც აუცილებელია საეკლესიო წესების შესრულების დროს. იგი სიმბოლურად ნიშნავს ღვთის მადლს.

3) **სამაჯურები**, ანუ საბუხრეები.

4) **სარტყელი** — სიმბოლურად ნიშნავს ღვთის ძალას.

5) **ფილონი** — ზედა შესამოსელი, უსახელოები.

ჯილდებს მიეკუთვნება:

1) **სავერდული** და **ენქერი**, — გვერდზე ჩამოსაკიდებელი, მართკუთხედისა და რომის ფორმის ქსოვილის სამკაული. სიმბოლურად გამოხატავენ სულიერ ძალას.

2) **მიტრა** — სიმბოლურად გამოხატავს ქრისტეს ეკლის გვირგვინს.

მღვდელთმთავრის შესამოსელია:

- 1) **სტიქარი**,
- 2) **ოლარი**,
- 3) **სამაჯურები**,
- 4) **სარტყელი**,
- 5) **ენქერი**,
- 6) **ბისონი**, — ზედა სამოსელი, სტიქარზე უფრო მოკლე.

7) **მცირე და დიდი ომოფორი**, — ყელზე შემოსახვევი სამკაული. სიმბოლურად გამოხატავენ დაკარგულ ცხვარს.

8) **კვერთხი**, — ლითონის, ან ხის შემკული ხელჯოხი, სიმბოლო ძალაუფლებისა.

მღვდელთმთავარი დგება წრიული ფორმის ხალზე, რომელზედაც არწივია გამოხატული.

ხმა — ასე ეწოდება გალობის კილოს, რომელიც განკუთვნილია ამა თუ იმ დღისათვის. თითოეულ საგალობელს (ტროპარს, კანონს, კონდაკს, წარდგომას და სხვა) აქვს თავისი ხმა. ერთნაირხმიანი საგალობლები რგალობება ერთდამივე ჰანგზე.

ეკლესიაში მიღებულია 8 ხმა, ანუ 8 ჰანგი. როგორც ცნობილია, სულიწმიდის გარდმოსვლის შემდეგ იწყება შვიდეულების ნუმირაცია და ასე გრძელდება მთელი წლის განმავლობაში. მეორე კვირას, მაგალითად, გალობა ხდება პირველ ხმაზე, შემდეგ კვირას მეორეზე, მესამეზე, მეოთხეზე და ასე შემდეგ. მერვე ხმის შემდეგ კვლავ ეუბრუნდება პირველ ხმას.

კანონი არის ფართოდ გავრცელებული ფორმა გალობისა, რომელიც გამოიყენება ცისკრის ლოცვაზე, პარაკლისზე და სხვადასხვა საეკლესიო წესების შესრულების დროს. კანონი შესდგება 9 გალობისაგან. თითოეულ გალობაში არის 5 მუხლი. პირველ მუხლს ეწოდება სძლისპირი, მეორესა და მესამეს — ტროპარი, მეოთხეს — სამედიისა, მეხუთეს — ღვთისმშობლისა.

ტროპარების წინ ითქმის სათანადო ჩასართავი, იმისდა მიხედვით, თუ რომელ წმიდანს, ან რომელ დღესასწაულს ეძღვნება კანონი. სამების მუხლის წინ ითქმის: „ღიდება მამასა, და ძესა, და წმიდასა სულსა“. ღვთისმშობლის მუხლის წინ — „აჲ და მარადის, და უკუთითი უკუნისამდე, ამინ“. სძლისპირები, როგორც წესი, იგალობება, დანარჩენი მუხლები იკითხება.

აიაზმა — სიწმიდე, ნაკურთხი წყალი.

დიდი აიაზმა — წყლის კურთხევის წესი, რომელიც სრულდება წელიწადში ორჯერ — ნათლისღების დღეს და მის წინა დღით.

მცირე აიაზმა — წყლის კურთხევა, რომელიც სრულდება ტაძრის დღესასწაულზე და, აგრეთვე, სხვა დღეებში.

ათორმეტი სახარება — ასე ეწოდება სახარების თორმეტ მონაკვეთს, რომლებშიც აღწერილია იესოს ვნება (წამება) და რომლებიც იკითხება ვნების კვირის დიდ ხუთშაბათს — საღამოთი და პარასკევს — ცისკარზე.

ვნების შვიდეული (ვნების კვირა) — აღდგომის წინა კვირა, რომლის დღეებსაც ეწოდება: დიდი ორშაბათი, დიდი სამშაბათი, დიდი ოთხშაბათი, დიდი ხუთშაბათი, დიდი პარასკევი და დიდი შაბათი. ამ დღეებში ეკლესია მოიხსენიებს იესოს ვნებასა და ჭვარცმას:

ათორმეტი სახარება — სახარების 11 მონაკვეთი, რომლებშიც აღწერილია იესო ქრისტეს აღდგომა მკვდრეთით. ამ თორმეტთაგან ერთ-ერთი იკითხება კვირის ცისკარზე. მაგალითად, სულიწმიდის მოფენიდან პირველ კვირას იკითხება პირველი სახარება, მეორე კვირას — მეორე და ასე შემდეგ. მეთორმეტე სახარების შემდეგ წაიკითხება ისევ პირველი და ასე შემდეგ.

პასქი — უდიდესი საეკლესიო დღესასწაული, აღდგომა უფლისა ჩუენისა იესო ქრისტესი.

ათორმეტი საუფლო დღესასწაული — ასე ეწოდება 12 უდიდეს საეკლესიო დღესასწაულს, რომლებზედაც მოიხსენება მაცხოვრის (იესო ქრისტეს) ხორციელი შობა და ღვთაებრივი სასწაულები. ეს თორმეტი დღესასწაული შემდეგია:

1. ნათლისღება (განცხადება) უფლისა ჩუენისა იესო ქრისტესი — 19 იანვარს (ახ. სტ.).

2. შირქა (მიგებება) უფლისა ჩუენისა იესო ქრისტესი — 15 თებერვალს.

3. ხარება ყოვლადწმიდისა ღვთისმშობლისა — 7 აპრილს.

4. ბზობა (ბაიობა) — დიდებით შესვლა იერუსალიმში უფლისა ჩუენისა იესო ქრისტესი — აღდგომის წინა კვირა დღეს.

5. აშალება უფლისა ჩუენისა იესო ქრისტესი — აღდგომა მე-40 დღეს.

6. სულთმოფენობა — სულიწმიდის გადმოსვლა წმიდა მოციქულებზე — აღდგომიდან მე-50 დღეს.

7. ფერისცვალება უფლისა ჩუენისა იესო ქრისტესი — 19 აგვისტოს.

8. მიძიხება ყოვლადწმიდისა ღვთისმშობლისა — 28 აგვისტოს.

9. შობა ყოვლადწმიდისა ღვთისმშობლისა — 21 სექტემბერს.

10. მსოფლიო აშალება პატრიოსანისა და ცხოველმყოფელისა ჯვარისა — 27 სექტემბერს.

11. ტჰძრად მიყვანება ყოვლადწმიდისა ღვთისმშობლისა — 4 დეკემბერს.

12. შობა უფლისა ჩუენისა იესო ქრისტესი — 7 იანვარს.

ამ დღესასწაულთა განმარტება იხილეთ საქართველოს ეკლესიის კალენდარში.





ЖУРНАЛ ГРУЗИНСКОЙ ПАТРИАРХИИ

1. «Народ радуется жизни твоей» — под этим заглавием, от имени Священного Синода, напечатана приветственная речь епископа Шио и стихотворение епископа Фаддея, посвященные годовщине интронизации Святейшего и Блаженнейшего Католикоса-Патриарха всея Грузии **Илии II**.

2. В текущем году широко отмечалось 1500-летие дошедшего до нас первого грузинского литературного памятника — «Мученичество святой царицы Шушаник». В связи с этой знаменательной датой в журнале печатаются два материала: в первой статье «Заступись за нас» ведется беседа о художественных достоинствах литературного памятника и о значении той веры, благодаря которой св. Шушаник стала на путь мученичества; автором второй статьи, в которой рассказано о всех дошедших до нас грузинских списках «Мученичества Шушаник», является Ц. Курцикидзе.

В номере помещена фоторепродукция новой иконы св. Шушаник, выполненная художником А. Бандзеладзе.

3. «Иверский монастырь на Афоне и его значение» — под этим заглавием печатается в журнале небольшой отрывок из научной работы Католикоса-

Патриарха всея Грузии **Илии II**. В труде излагается история Иверского монастыря и говорится о том значении, которое имеет монастырь не только для Грузинской Церкви, но и для всей грузинской культуры.

В текущем году, по приглашению Католикоса-Патриарха **Илии II**, в Тбилиси гостил губернатор Афона, профессор Салоникского университета, господин **Димитриос Цамис**. Гость тепло был встречен церковными деятелями, учеными и представителями грузинской общности. На приеме его приветствовали дружественными речами. В номере публикуются некоторые из них.

4. Значительным событием в жизни верующих явилось то, что в текущем году из Италии в Грузию был перевезен прах видного грузинского ученого и общественного деятеля священника **Михаила Тамарашвили (Тамарати)**. Об этом говорится вступительной статье.

В номере напечатана также статья **Б. Гиоргадзе: «Возвращение Михаила Тамарашвили»**.

5. Проповеди Католикоса-Патриарха **Илии II**.

В номере публикуются две проповеди:
1. Зачем человеку вера?
2. Молитва.

6. В статье «О постах» игумен **Антоний** беседует с читателями о значении и необходимости поста. В номере из журнала прошлого столетия «Мцкемси» перепечатано стихотворение «Пост».

7. Под рубрикой — Богослужение, в статье «Святая икона» — обозревается история создания святой иконы и говорится об его значении для христианского мира. Автор статьи священник **Торнике (Цамалаидзе)**.

8. В связи с 340-летием со дня рождения великого грузинского писателя и церковного деятеля XVIII века, монаха **Сулхана-Саба Орбелиани**, в журнале печатается статья, посвященная его творчеству и деятельности, а также проповедь **С. Орбелиани: «Учение о смирении»**.

9. Епископ **Фаддей** — Стихи.

10. «Грузинский епископ в Риме» — в связи с похоронами Римского Папы **Иоанна-Павла I** и выборами нового Папы **Иоанна-Павла II**, грузинскую церковь представлял епископ **Николай**. На страницах журнала он знакомит читателей со своими впечатлениями.


11. «Мир всем» — под этим заголовком в журнале публикуется протест Католикоса-Патриарха **Илии II** на террористические действия, совершенные против армянского населения Ливана. В связи с этим в журнале напечатаны письма Святейшего Патриарха всех армян **Вазгена I** и проживающего в Грузии армянского гражданина **Х. П. Осесяна**, адресованные Католикосу-Патриарху всея Грузии **Илии II**.

12. «На путях дружбы» — под этой рубрикой в номере опубликованы информации о пребывании в Грузии церковных представителей США, Ватикана и Португалии.

13. Песнопения. В журнале печатается гимн Грузинской Церкви и ноты песнопения «Иже херувимы». Коментирует иеромонах **Евфимий**.

14. Под рубрикой — «Церковная жизнь» — рассказано о важнейших событиях, происшедших в церковной жизни Грузии за последние месяцы. В номере печатаются речи новых епископов.

15. Богословский словарь и толкования.



«JVARY VAZISA — THE CROSS OF VINE»

1. On the occasion of the enthronization of ILIYA II, Catholicos-Patriarch of All Georgia, the greeting speech delivered by Bishop Shio and the verse by Bishop Tadeoz are published in the journal.

2. The 1500-ieth anniversary of the earliest known example of Georgian literature «The Life and Martyrdom of St. Shushanik» by Jacob Tsuraveli (fifth century A.D.) will be celebrated this year. This literary monument has played an important role not only in the life of the Georgian people but in the church life as well. Interesting articles in connection with this occasion are published in the journal. One of the articles informs the reader of the importance and the literary significance of Jacob Khutsesi's work, the religious faith that inspired Queen Shushanik and endowed her with divine power that elevated her to sainthood.

The author of another article is the scientist J. Kurtsikidze, who makes appropriate commentary on Jacob Khutsesi's book.

A new reproduction of the St. Shushanik icon, executed by the artist A. Bandzeladze, is also given.

3. The Ibery Monastery of Mount Athony and Its Importance is the title of one of the chapters of the fundamental work done by His Holiness and Beatitude Catholicos — Patriarch of All Georgia, ILIYA II. In this work the author acquaints us with the history of the Ibery Monastery of Mount Athony and its importance to the Georgian nation and the Georgian church.

At the invitation of the Catholicos-Patriarch ILIYA II, the governor of Mount Athony, Dimitrios Tsamisi, professor of Saloniki university, visited Tbilisi this year. At the meeting with the representatives of the Georgian church, of the people, of the Georgian sciences, many impressive and warm-hearted words were expressed—some of which are printed in the journal.

4. In the life of the Georgian nation the transportation of the remains of Michael Tamarashvili, an outstanding scien-

tist and public man, from Italy to Georgia was an important fact. B. Georgadze gives a vivid account of the occasion in his article «The Return of Michael Tamarashvili».

5. Sermons of Catholicos-Patriarch ILIYA II

- Two sermons are published:
1. Why Man Needs Faith.
 2. A Prayer

6. In the article «The Holy Fast,» Father-Superior Antony explains the importance and need of the Fast.

A poem «The Holy Fast» is reprinted from the Georgian religious journal «The Shepherd»

7. Worship

In the article „The Holy Icon“ is given the history of the Holy Icon and its significance for the Christian world. The author of the article is father Tor-nike (Tsamalaide).

8. The 340-ieth anniversary of the outstanding writer of the XVIII c. Sul-khan-Saba Orbeliani will be celebrated. The journal gives his biography, his activities, and one of his sermons «The Art of Acquiring Tranquility».

9. Poems by Bishop Tadeoz.

10. Bishop Nicoloz who attended the funeral of the Pope of Rome and the election of the new Head of the Roman-Catholic church shares his impressions with the reader.

11. Peace for All

This is the title of the statement made by Catholicos-Patriarch ILIYA II concerning the terrorized Armenian people living in Lebanon. Concerning this fact letters written by the Catholicos of All Armenians, Vazgen I, the Armenian

Kh. Ovsepiyan to the Catholicos-Patriarch of All Georgia are also printed in the journal.

12. The Roads of Friendship


By this title a detailed account of the visits of the representatives of the U.S.A., the Vatican, and Portugal are also printed.

13. The Psalms. Notes and Comments.

14. The Life of the Church

Here we learn of the recent events of interest and importance in the life of the Georgian church as well as the speeches by the newly-elected Bishops.

15. A dictionary of religious words, and notes are appended to the journal.



შინაარსი

1. შენი სიცოცხლე ერს უხარია	4
2. მეოხ გვეყავ	6
– ც. ქურციკიძე – იაკობ ხუცესის თხზულების ხელნაწერები	8
3. ათონის მაღალ მთაზედა	
– ა. წერეთელი – ნაწყვეტი „თორნიკე ერისთავიდან“	9
– ილია II, სრულიად საქართველოს კათოლიკოს-პატრიარქი – ათონის ივერთა მონასტერი და მისი მნიშვნელობა	9
– ათონის მთის გუბერნატორი, ბატონი დიმიტრიოს ცამისი თბილისში	11
4. დღეაშვილობამ ბევრს არ გთხოვ, შენს მიწას მიმაბარეო – მიხეილ თამარაშვილი	14
5. ქადაგებანი კათოლიკოს-პატრიარქ ილია II-სა	19
6. ილუმენი ანტონი – რატომ არის საჭირო მარხვა	23
– რაჟდენ საჯაოხელი – მარხვა (ლექსი)	24
7. ღვთისმეტყველება –	
– მღვდელი თორნიკე (წამალაიძე) წმიდა ხატი	26
8. სულხან-საბა ორბელიანის დაბადების 340 წლისთავისათვის	31
– ს. ს. ორბელიანი – „სწავლა სიმშვიდისათვის“	32
9. ეპისკოპოსი თადეოზი – პოეზია	35
10. ეპისკოპოსი ნიკოლოზი – ურთიერთობა აღდგენილია (რომის შთაბეჭდილებები)	37
11. მშვიდობა ყოველთა	
– სრულიად საქართველოს კათოლიკოს-პატრიარქ ილია II განცხადება	39
– ყოველთა სომეხთა უმაღლესი პატრიარქის ვაზგენ I დეპეშა	39
– ს. ოვსესიანის წერილი კათოლიკოს-პატრიარქ ილია II	39
12. სამეგობრო გზები	
– სტუმრები ამერიკიდან	40
– თ. ბოსაიტი (ვატიკანიდან) თბილისში	41
– პორტუგალიელი სტუმარი საქართველოში	42
13. საგალობელნი	
– მღვდელ-მონაზონი ექვთიმე (კოჭლამაზაშვილი)–რომელნი ქერუბინთა	43
14. საეკლესიო ცხოვრება	47
15. საღვთისმეტყველო ლექსიკონი და განმარტებანი	53

გარეკანის მეორე და მესამე გვერდებზე დაბეჭდილია ნაწყვეტები „შუშანიკის წამებიდან“.

რედაქტორი **თინათინ კობალაძე**

საქართველოს საპატრიარქო. თბილისი. 1979 წ.

სიონის ქ. № 4. ტ. 99-69-30.

ტირაჟი 1000 შტ. № 1560

საქ. სსრ მეცნ. აკადემიის სტამბა. თბილისი 380060, კუტუზოვის ქ. № 19.

Грузинская Патриархия «Джвари вазисა» (Лозовый крест) № 2

Типография АН Груз. ССР Тбилиси, 380060 ул. Кутузова 19

